



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


DD

801

S36

M49

1615



DD
801
.S36
M49

183
2
N 7 110
v. Act. Stud. A. 1687
p. 269.
HENRICI MEIBOMII

AD

Meibom, Heinrich,

1638 -
1700
SAXONIÆ
INFERIORIS IM-

PRIMIS

HISTORIAM
INTRODVCTIO

In qua ab ultima notitia ad nostra
usq; tempora breviter ejus historia delineatur, &
de plerisq; Rerum Saxonicarum scripto-
ribus editis & ineditis
judicatur.



HELMESTADII,

Typis & Sumptibus GEORG-WOLFGANGI HAMMII,
Acad. Typogr. Anno 1687.

Iudicia

H. Meiborn. sagacissimus antiquitatum patria scrutator. Moller: in p. d. i. h. i. d. e. C. i. m. b. r.
part. 1. p. 255.

ILLVSTRISSIMO
COMITI AC DOMINO
DN. HENRICO

XIII. Sen. Lin. Reuss/

Comiti ac Domino de Plawen/ Domino
in Graitz/ Granichsfeldt/ Gera/ Schlags/
Lobenstein &c.

Domino Suo Gratioſo

ex Academia Julia diſcedenti

Libellum hunc

*humillimæ devotionis teſtandæ
cauſa*

Sacrum eſſe voluit

HENRICUS MEIBOMIUS,



Nuus jam quartus integrè finitus eſt, ex
quo Sereniſſimus Princeps ac Dominus,
Dn. RV DOLPHVS AVGVSTVS,
Dominus meus Clementiſſimus, Te, ILLVSTRIS-
SIME

SIME COMES AC DOMINE, primam
 atatem, anno undecimo vix inchoato, in hac Aca-
 demia Julia transigere, & in mea quidem domo
 educari, in spei celsi generis & gloriam majo-
 rum, clementissime voluit. Exultavit tota Aca-
 demia tanto Hospite, eò magis, postquam in tenera
 atate uberes magna indolis igniculos exilire sensit,
 qui maximam aliquando lucem, certissimo omine,
 prasagirent. Nihil in moribus, & omni vita actu
 puerile, nihil exorbitans, nihil inconstans, nec juve-
 nile quidem, sed, contra annorum genium, omnia
 virilia, & constantia, & prudentia senilis quasi
 quadam maturitas. Fallor? an in magna, & recti
 exempli Aula Guelphica, inter pietatis & decentis
 moris quotidiana exempla, ab infantia educatus,
 non potuisti Te alium exhibere Academia. Mi-
 rati sunt ardorem discendi insolitum Cives nostri,
 indefessum laborem, tractas in societatem diei &
 impensas studiis noctes: excitati sunt genere & in-
 genio praestantes quique magno exemplo, & sequi
 voluerunt, quamvis non passibus æquis, medio fa-
 tigati in cursu. Est enim aliquid in magna indo-
 lis exemplis, quod imitari non licet; laudare, suspi-
 cere, mirari, & venerari par est. Nihil dicam
 de

de nobilibus corporis exercitiis : nihil de Graphica arte , quibus subcisiuas horas occupari voluisti. Nihil de Gallico sermone , quem tanta facilitate dexteritateq; didicisse observavimus , ut ignorasse aliquando non meminissimus. Ad Historiam , excelso fastigio dignum imprimis studium , tanto magis propero , quanto illa familiarior est mihi. Quod si medii recentisq; aevi Historias omnes cum cura Tibi lectas , Terrarum & Locorum Descriptiones accurate expensas , Successiones in Principatibus , Genealogias Illustrium omnes observatas dixerō , nihil prater verum dixerō : Quod si vero hac omnia divinisissima memoria ita retenta , ut promptissime , quavis occasione , cum accuratissima annorum , hominum , & locorum mentione reddi potuerint , addidero , id est , quod nos toties mirati sumus , quodq; apud alios , a nobis narratum , vix fidem inveniet. Et , quā poterat aliter fieri , cum excellenti ingenio , & felicissima memoria constantissima accederet industria & indefessus labor ? Quoties ego vel veterem Historiam Caesarum Romanorum ex Nummis , certiore & nobiliore modo , explicarem , vel Hungaria , in qua sola quasi hodie belli theatrum est , priscam , mediam , & recentem fa-

ciem, aut Germanici tricennalis belli varios eventus exponerem, nullum minus fatigatum aut certiorum auditorem habui: addo etiam, magis proficientem. Domi enim dein omnia annotata, historici ipsi inspecti, libri eorum cum cura relecti, & quod praefiscini dixerim, propria observatione aucti & correcti. Uti igitur tanto Auditore, & per integrum quadriennium celso Hospite, plurimum gavissus sum, ita, dum vixero, jucundissima mihi erit illius temporis memoria, inter perpetuam magnarum virtutum & rarissima doctrina recordationem. Cujus quidem animi mei publicum testem hunc libellum Historicum esse volui, cui hoc ipso tempore ultimam manum imposui. Reliquisti, **ILLUSTRISIME DOMINE**, in tota hac Academia tot Tuae Virtutis monumenta, ut illius, licet aliorum translata, oblivisci possit nunquam: meo vero animo tanto magis manebunt impressa omnia, quanto fortius inhaerent domestica & quotidiana. Votum igitur addo etiam, **ILLUSTRISIME DOMINE**. Servet Te **DEUS**, ut ubi vis terrarum porro floreas, nec tenerum hactenus corpus, magni spiritus elegans domicilium, ullam labem sentiat,

✠(o)✠

Sentiat, & ita omnibus Tuo fastigio dignis virtutibus augearis, ut non tantum Illustrissima REUSSIA Domus, majoribus etiam titulis Annalibus cognita, Te sua Gentis decore diutissime latetur, sed & Serenissimus Dux RUDOLPHVS AVGVSTVS sua Paterna cura fructum uberrimum capiat, nosq; omnes clientes vota nostra impleta esse gaudeamus! Dabam Helma-
stadl in Academia Julia. X. M. Decembris A.
CIO IDC LXXXVI.

):(3

HEN-



HENRICVS MEIBOMIVS

Lectori S.



Ecce veram mentibus proximis hybernis SAXONIE & SAXONUM Historiam Auditoribus meis plenius tradere, interdum quidem, & inter initia imprimis, ad omnem Saxoniam me diffusurus, majori tamen deinde diligentia usus in iis, quæ ad Saxoniam hanc Inferiorem, Serenissimorumque Ducum nostrorum Provincias pertinent; quanto magis Patriæ historiæ nihil ignorari, publicè interest. Ideoque hanc Introductionem, προπαίδεας gratia, in eorum commodum publicis typis exscribi feci. In qua, non quidem in illis, quæ curiositatis plus, utilitatis minus habent, multum occupari volui, unde scilicet Saxonum nomen, quæ priscae eorum sedes, & an aliunde in Germaniam venerint? Cum tamen aliis terminis vetus Saxonia fuerit comprehensa, deinde vero colonias suas in vicinas terras, ut Henetorum, traduxerint, quædam vero deinde provinciæ revera Saxonicae, ut Westphalia, vetus nomen amiserint, & denique, quamvis longissimè Saxonum linguâ ad plures gentes deductâ, per novam tamen Decem in Germania Circulorum A. 1512. in Comitibus

Comitiis Colonensibus institutionem, Saxonicus Superior & Inferior Circuli sint determinati, nosque limites Saxonia acceperit, res utriusque illa non prætereunda mihi, sed à prima origine explicanda fuit. Deinde Saxonicae Historiæ generalem quandam delineationem juxta temporum seriem feci, non Pragmaticæ tantum, quâ Civilis, quâ Sacrae, sed etiam Topographicae, & Genealogicae: ubique vero eos Scriptores, qui vel extant, vel adhuc MSti latent, indicavi, ex quibus plenior peti notitia à curiosis posset, simulque de iis, ubi opus, judicium meum interposui, ne vel plus, vel minus, quam par erat, fidei invenirent. Equidem, quamcunque quis sive scientiam, sive artem addiscere velit, non parum juvat, si prius noscat illos Auctores, qui eam quam optimè excoluerint, publicisque scriptis tradiderint. At in Historiarum notitia acquirenda hujus de Scriptoribus cognitionis non utilitas aliqua est, sed summa necessitas, cum à narrantibus ipsius historiæ narratae veritas dependeat, ideoque scire in antecessum oporteat, an is, qui scripsit, potuerit & voluerit res illas verè & plenè & debitis cum circumstantiis narrare. Potuerit? id est, an *σύγχρονος* fuerit, aut etiam in quibusdam *ἀποπληρῆς*, & omnia accuratè observandi dexteritate, & apud alios, quæ acta, inquirendi, industria valuerit, & ad rei peritos, & ad archiva, verasque consignationes aditum habuerit,

buerit, & prudentia quoque discernendi Incerta à certis, rerumq; civilium notitia non destitutus fuerit. Voluerit quoque? scilicet, ut procul amore, procul odio, nihil falsi dicere ausus, nihil veri non ausus fuerit. Et quæ sunt ejusmodi alia. De Saxoniz igitur Historicis in genere etiam ista præmittere volui, in specie dein ostensurus, ubi vel non potuerint sufficienter & plenè omnia narrare (qui defectus nimis frequens est, quamdiu in claustris Annales condiderunt) vel non voluerint, & multa præter veri fidem odio partium tradiderint, quod quam maxime observare licet in iis, qui, durante inter Regnum & Sacerdotium discordia, scripserunt. Indicem aliquem rerum tam parvo libello, qui facile totus evolvi potest, & in quo pleraque juxta annorum seriem enarrantur, adjungere, non credidi esse operæ pretium: Auctorum tamen, qui in tam parvo libello plusculi, & non nudè citantur, sed vel de iis judicatur, vel examinantur, illustranturque, vel corriguntur, Syllabum aliquem ut adderem, ex usu publico esse judicavi. Vale, Lector benevole,

& Rerum Germanicarum, Saxonicarumque Tomos Tres proximè à me
expecta,

SYLLA-



SYLLABVS AVCTORVM

Qui in hoc libello citantur, illustrantur,
vel refutantur.

A.

Acta eruditorum Lipsiensia. 68.
Adamus Bremensis. 8. 16. 30. 33. 50. 51. 52. 61. 70. 71.
72. 73. 77. 90.

Agathias. 20.

Agricola. 105.

Aimoinus. 8. 11. 14.

Albertus Stadenfis. 63. 71. 72. 99. 100.

Albinus. 55. 104. 106. 111.

Alvenslebius. 57.

Ammianus Marcellinus. 5. 6. 7.

Andreas presbyter. 36.

Arnoldus Lubecensis. 37. 38. 40. 41. 42. 82. 84. 87. 98.

Auctor anonymus Annalium de gestis Caroli M. 12. 13. 22. 24. 60.

Francicorum Nuenarii. 12. 15. 51.

52. 53. 54. 63. 77. 90. 91.

Fuldensium. 17. 18.

Apologiae Hamburgensis. 62.

Chronici Belgici Magni. 102.

Rythmici. 5.

):():(

Min-

—(0)—

Mindensis. 101. 103.
Montis-Sereni. 100.
Pistoriani. 103.
Saxonici. 104.
Historia Archiepiscoporum Bremensium. 67.
de Landgraviis Thuringiæ. 9.
Pasis Westphaliæ. 110.
Præfationis in librū Saxonicum antiquum. 67.
de Saxonico bello. 98.
Scholiorum in Adamum Bremensem. 51. 54. 70.
Vitæ Caroli M. Pythæi. 12.
Henrici IV. 95. 96.
Ludovici Pii. 23.
Meinverci. 60. 69.

B.

Baluzius. 26.
Bangertus. 64. 83.
Baronius. 96. 97.
Bartbius. 108.
Benedictus Lervita. 28.
Berswordius. MS. 111.
Besselius. 90.
Besselmejerus. 107.
Bœclerus. 93. 99.
Bollandus. 68. 69.
Brachelius. 110.
Brotruffius. 9. 111.
Bronverus. 69.
Bruno. 95.
Budeus. 109.

C.

Caraffa. 110.
Calixtus. 75.

Camde-

Camdenus. 6.
Capitularia Caroli M. 12. 23. 24. 27. 78.
Francorum. 7. 28.
Casaubonus. 51. 90.
Centuriatores Magdeburgenses. 73.
Chemnitius. 110.
Chytræus. 54. 61. 73. 106. 107. 111.
Claudianus. 6. 18.
Cleinsorgii Chronicon Ecclesiasticum MS. 73.
Cluverus. 4. 7. 50. 52. 54.
Cointius. 20.
Conradus à Lichtenau Abbas Urspergensis. 9. 99.
Conringius. 9. 13. 22. 23. 27. 31. 77. 80. 81. 83. 87.
Cornerus. 101. 105.
Crantzius. 17. 20. 29. 39. 61. 62. 72. 73. 104. 105.
Cromerus. 29.
Crusius. 87.
Cuspinianus. 97. 99.
Cypræus. 32. 84.

D.

Dalechampius. 53.
Danckwert. 54. 55. 85.
Dietericus. 94.
Dio. 52.
Diplomata. Bremense. 59.
Caroli M. Osnabrugense. 20. 21. 24.
Trutmanno Comiti datum. 25. 26.
Verdense. 22. 53. 54.
Friderici. I. 14. 36. 82. 87.
II. 37. 81. 82. 83.
III. 39.
Henrici IV. 76.
Leonis. 59.
Ludolphi Ducis Saxonie. 29.

—(o)—
Ludovici Pii. 17. 30. 52.

Ottonis M. 31.

Ottonis III. 21.

IV. 36.

Pascalii II. Papae. 65.

Dithmarus. 10. 17. 32. 93.

Doufa. 18. 105.

Dresserus. 104.

E.

Engelbusius. 102.

Eginhardus. 7. 9. 10. 15. 16. 22. 28. 64. 77. 89. 90. 91.

Eutropius. 4. 108.

F.

Fabricius. 54. 106.

Ferdinandus Episcopus Paderbornensis & Monasteriensis. 10.
23. 52. 54. 56. 61. 64. 78. 92.

Festus. 60.

Flacius. Illyricus. 73. 99. 100.

Flodoardus. 16. 71.

Frechtus. 97.

Freherus. 58. 59. 64. 90. 91. 100.

Fresneus. 60.

G.

Gerhardus Stederburgensis. 98.

Gobelinus. 72. 102.

Goblerus. 106.

Godefridus S. Pantaleonis monachus. 43.

Goldastus. 95. 98.

Gregorii Decretales. 77.

Gregorius Turonensis. 7.

Grotius. 4.

Gryphander. 23. 83. 87.

Gualdo. 70.

Guntheri Ligarius. 14. 16. 31.

Hamel-

no(c)te

H.

Hamelmannus. 74. 111.

Hartknoch. 40.

Henschenius. 68. 69.

Helmoldus. 17. 33. 34. 35. 39. 51. 54. 65. 70. 71. 80. 88. 98.

Hermannus Comes Nuenarius. 89. 90. 91.

Hermannus Saxonum scriptor. 105.

Heroldus. 79.

Hieronymus. 5.

Hofmannus. 21. 112.

Hoppenrodus. 111.

Hortlederus. 106. 107.

I.

Institutiones Juris Civilis. 19.

Instrumentum Pacis. 49. 119.

Johannes Aventinus. 35. 97.

Irenicus. 105.

Julianus Imp. 5.

Justini Lippi florium. 102.

K.

Knipschildius. 61.

L.

Lambecius. 27. 30. 42. 52. 62. 63. 64. 70. 80. 87.

Lambertus. Schafnaburgensis. 63. 95.

Langbornius. 6.

Lange. V. Longus.

Langius (Paulus). 45. 52. 104.

Latinus Pacatus. 6. 19.

Lazius. 91.

Leerbeke. 42. 101. 103.

Letznerus. 109.

Leges Saxonum. 12. 74. 88.

Wifigothorum. 27.

:() : 3

Linnaeus

Linnaeus. 61.

Lindenbrogius (Erpoldus) 17. 30. 59.

Lindenbrogius (Fridericus) 12. 28. 77.

Loccenius 110.

Longus Poetafter. 10. 12. 15. 102.

Lotichius, 110.

M.

Mabillonius. 20.

Maderus. 71. 92. 101. 102.

Magliabechus. 91.

Marscalcus Thurius. 105.

Mævius. 26.

Meibomius (Henricus) 10. 26. 29. 38. 76. 58. 63. 66. 86. 92.
93. 98. 108.

Meibomius (Job. Henricus) 10. 102.

Mejerus. 55.

Meletius. 65.

Melanchton. 93.

Mellen. 64.

Merianus. 50. 55.

Mithostus. 42.

Mollerus MS. 26.

Munsterus. 99.

N

Notitia Imperii. 7.

O.

Olearius. 61.

Orosius. 5.

Otbertus. 95.

Ortwinus Gratius. 97.

Oudinus. 100.

Overham. 69.

P.

Papæbrochius. 20. 68. 69.

Paulus Diaconus. II.

Peccati

Peccensteinus. 111.
Peucerus. 99.
Pii V. Pont. Epistola. 75.
Pircheimerus. 54.
Pontanus. 42. 85.
Procopius. 8. 9.
Ptolemaeus. 3. 54.
Puffendorffius. 110.

R.

Rhetius. 80.
Regino. 16. 22.
Reidanus. 107.
Reineccius. 12. 13. 23. 86. 92. 93. 97. 100. 108.
Rembertus. 70.
Rosla. 102.
Rosweidus. 69.
Roswitba. 93.

S.

Sagittarius. 9. 109.
Salvianus. 15.
Saxo Grammaticus. 3. 39. 98.
Scaliger. 81. 82.
Schardius. 107.
Schefferus. 51. 52.
Schurtzfleisch. 109.
Schubartus. 98.
Seringhamus. 3.
Sibrandus. 84. 86.
Sidonius. 6. 15. 77.
Sigonius. 12.
Sirmondus. 7.
Sleidanus. 106.
Solinus. 64.
Spalatinus. 105.

Spangen-

Spangenbergius. 83. 111.

Spenerus. 111.

Stangefolius. 27.

Stephanus Stephanus. 3.

Strabo. 32.

Symmachus. 6. 19.

Synodus Liffтинensis. 64.

T.

Tacitus. 3. 51.

Thraciger MS. 54. 61. 62. 83.

Thuanus. 107.

Topographia Ducatus Brunsv. & Lynab. 55. 56. 65.

Holfatia 55. 56.

Magdeburgensis MSta. 57.

Saxonia Inferioris. 55.

Superioris. 55.

Westfalia. 55.

Trithemius. 101.

Turfellinus. 99.

V.

Vallesius. 15. 56. 60.

Vellejus. 52.

Velferus. 52.

Vopiscus. 19. 51.

Voorburgius. 94. 108.

Vossius. 90. 101.

W.

Warnefridus. V. Paullus Diaconus.

Werdenbagen. 61.

Werymbertus. 91.

Witichindus. 8. 10. 11. 13. 30. 32. 39. 92.

Z.

Zeillerus. 50. 55. 56.

Zosimus. 4.

—:—:—

Out



Ui optimè nobis ea, quæ de Majoribus nostris scimus, in suo de Germania libro tradidit *Cornelius Tacitus*, sub Trajano Imperatore, cum jam ad Albim & Visurgim usq; Romani pervenissent, nullo verbo SAXONUM meminit; unde doctissimis viris variae natæ conjecturæ, quibusdam in Taciti libro quædam à librariis ommissa suspicantibus, aliis sub Cattorum aut Fosorum aut Svardonum aut Cimbrorum nomine Saxones latere judicantibus. Ego, relicta cuiq; judicii sui libertate, Saxones tum minus adhuc celebres, angustisque suis finibus contentos, Romanis Tacitoq; incognitos fuisse arbitror: nec ad eos bellorum illorum famam pervenisse, quæ cum Danis ante Christum natum *Saxo Grammaticus* memorat, ubi & *Saxonie regnum ad Danos translatum* scribit, l. 4. c. 18. doctissimusq; *Stephانيus* in notis regnum fuisse, & verissime à *Saxone Grammatico* ita vocari, & ab Odino rege filio suo Baldo datum, ex *Edda* probare satagit: quamvis longè tutius sit referre illa ad fabulas & incertissimas relationes eorum temporum, quibus, ut ipse *Saxo* fatetur, *illustrium virorum splendorem scriptorum penuria laudi memoriæq; subtraxit*: licet plurimum fidei Annalibus istis Septentrionalium hac in re tribuat *Seringhamus*, l. de orig. gent. Anglor. c. 2. & 3.

Primus omnium *Claudius Ptolemæus*, qui sub Imperatore Antonino Pio vixit, lib. II. cap. XI. eorum me-

minit, vocatq; *Saxones* per *ξ*, quomodo & Græci & Romani deinde omnes eos scribunt, & hodieq; Germaniæ Superioris incolæ vocant, cum patria pronuntiatione *de Sassen*, *SAS-SONES* dicendi fuissent. Collocat autem eos *Ἰν τῇ ἀρχῇ τῆς Κιμβρικῆς χερσονήσου*, ut facile intelligas, tenuisse illos tum eam, quam hodie Holsati occupant, Cimbricæ peninsulæ cervicem, & in littoribus Oceani ad ostia fluviorum *Travæ*, (Chalusi *Ptolemaeo*) & *Albis* sedisse, locorum ipsorum situ & ingenio eos invitantibus, ut nauticis exercitiis maritimisq; operibus vitam suam consecrarent, quorum deinde gloria, ut mox dicam, inclaruerunt. Seculo enim tertio sub Diocletiano Imp. *Carauus* mare accepisse tranquillandum, quod *Franci* & *Saxones* infestabant, memoratur ab *Eutropio* l. IX. in cuius rei memoriam argenteum nummum Imp. *Carauus*, qui penes me est, cūsum arbitror, in cuius aversa *Tiiremis* prætoria, felicitatem ejus maritimamq; victoriam indicat, nisi quis referre velit ad alteram, quam, classe *Maximiniani Herculei* victa, reportavit. Seculo deinde quarto non infrequens occurrit Saxonum mentio, videnturq; tum *Holsatia* egressi *Visurgis* ostia ad *Rheni* usq; in mare influxum & *Chaucorum* littora occupasse. Nam sub *Juliano* Imp. *Datavorum* insulam, pulsus *Francis* *Salis*, suam eos fecisse, *Zosimus* narrat: in cuius verbis l. 3. p. 707. ubi *Quados* *Saxoniam* partem facit, *Clu-verus* pro *κῶδος* legit *καυχας*, *Chaucos*q; interpretatur, & inde colligit, *Chaucos* tum à *Saxonibus* jam subactos fuisse, ideircoq; partem ipsius vocari; nimiam tamen, & *Grotio* jam olim in *Epist. ad Pontanum* notata in *Clu-vero* voces contra *MStorum* fidem mutandi licentiâ, cum sæpius repetatur apud *Zosimum* *Quadorum* vox, constanti ubiq; lectione, nec toties describentis errorem intervenisse credibile sit, potiusq; hic ipse *Zosimus* hallucinetur. Sequitur quidem *Cluverum* Vir longe doctissimus,

Ciffimus, qui de antiquissimo horum locorum statu com-
 mentatus est p. 54. sed intelligi debere Chamavos satis ap-
 paret ex iis, quæ *Julianus* Imp. ipse in Epist. ad S. P. Q.
 Atheniensem de suis contra Salios Chamavosq; felicibus
 victoriis narrat, quæque in hanc rem scribit *Ammianus*
Marcellinus Histor. l. XVII. p. 170. Quicquid autem hac
 de re fit, jam tum eo tempore *Hieronymus in vita S. Hi-*
larionis, noto satis loco, *Francis vicinos* facit, & *Ammia-*
nus Marcellinus l. XXVII. *Francos & Saxones* confines
 nominat, unde facile, quousq; progressi fuerint, collige-
 re est. Hinc fortassis illud est, quod Auctor *Chronici*
Rythmici ante trecentos amplius annos lingua Belgica
 scripti, antiquorum librorum fide asserit, totam regio-
 nem infra Neomagum olim Saxoniam Inferiorem dictam,
 Scaldinq; ejus terminum occidentalem fuisse. Merentur
 ipsa ejus verba audiri.

Dude bocken hoor icke gewagen
 Dat al t' land beneden Nyemagen
 Wilen neder Gassen hiet
 Al soo als die Stroom verschieet
 Van der Mase ende van den Rhyn
 Die Schelt was dat west ende syn.

Et tum quidem maritimam gloriam sibi acquirere, inva-
 sionibusque suis & piratica, etiam in longinquiora loca,
 institutis formidabiles esse cæperunt. Ubi enim de *Valen-*
tiniano Imp. agit *Paullus Orosius Historiar.* adversus *Pagan.* l. 7. c. 32. Saxones vocat gentem in *Oceani littoribus &*
paludibus inuisitam, virtute atq; agilitate terribilem, & no-
 tanter, *periculosam Romanis finibus*; quibus se opposuisse
Valentinianum, & eruptionem magnamole meditantem in ipsis
Francorum finibus oppressisse, iterum *Orosius* scribit. Ir-

ruptionis illorum in Gallia littora sub Valentiniano, Valente & Gratiano meminit *Ammianus Marcellinus* l. 27. c. 8. & l. 28. c. 5. Sub Theodosio Seniore Romanos contra Saxones maritimis praeliis pugnasse & victoriis inclaruisse, discimus ex *Latini Pacati Panegyrico*, Theodosio dicto, ubi, dum attritam pedestribus praeliis Bataviam refert, *Saxo- nem bellis navalibus consumptum* memorat. Et tum Saxones captivos Romam ductos & spectaculis publicis destinatos ex *Symmacho* discimus Epist. 46. l. 2. Sub Honorio Stiliconis effectum curis, ne *Britannia littore toto*

Prospiceret dubiis venturum Saxona ventis, scribit *Claudianus*, sed fortassis poetice nimis, cum ne ipsum quidem Stiliconem, sed Victorinum Tolosanum, ab eo missum, Saxones repressi sint, ita tamen, ut formidabiles adhuc Romanis manserint. Anno enim Christi post quadringentesimum quadragesimo nono, qui fuit Vortigerni Regis Britannici quartus, Saxones in Britanniam vocati, Virtutis suae militaris & maritimae specimen ediderunt, dum post varia bella nova ibi regna condiderunt, Orientales in Essexia, Middelfexia & australi Hertfordiae parte, Australes in Suffexia & Surrejae parte, Occidentales in Suthantonia, Bercheria, Viltonia, Sommersetia, Devonia &c. de quibus nunc pluribus agere animus non est, legi autem possunt *Cambdenus* in Britannia, & *Langbornius* in Antiquitatibus Albionensibus sub finem, & in Chronico Regum Anglor. p. 5. Quod vero ex eo tempore non desierint Saxones Romanis in Gallicis littoribus esse molesti, discimus ex *C. Sollio Apollinari Sidonio*, Arvernorum Episcopo, qui sub Leone & Zenone floruit, & l. VIII. Epist. 6. ad Nammatium *Archipiratas* vocat, quos *exerceant naufragia, non terreant: quibus cum discriminibus pelagi non notitia tantum, sed familiaritas sit*: & in Epist. 9. ad Lampridium, non inelegantibus phaleucis, affvetos salo & carulos appellat,

appellat, id est, coloris cærulei & quasi marini, à mōra in mari contracti. Et propter has piraticas irruptiones Littorum Præfectos Romani habebant, qui etiam Comites vocabantur, uti *Amm. Marcellinus* l. 28. c. 5. Nannetem Comitem *Saxonica eruptionis procellam* sustinuisse scribit, & *maritimi tractus comitem* nominat l. 27. c. 8. Quod officium durasse ad Caroli M. tempora discimus ex *Eginbardo* in vita Caroli c. 8. ubi *Rutlandus Britannici littoris præfectus*, & in *Annalibus Francisci Adelmi* ad An. 799. Wido Britannici littoris comes ac præfectus nominatur. Difertè vero in *Notitia Imperii* mentio fit *Comitis littoris Saxonici per Britanniam* p. 110. & *Tribuni cohortis primæ novæ Aremorica in littore Saxonico* p. 137. qui ad Saxonum deprædationes impediendas erant constituti, quando scilicet

— *Aremericus piratam Saxona tractus*

Sperabat (id est metuebat,) *cui pelle salum fulcare Britannum*

Ludus, Cassato glaucum mare findere lembo.

Videtur autem totus ille tractus à Ligeri ad Albim usque Saxonicum litus vocari, quod scilicet respiceret Saxones, & ab illis advenientibus infestaretur, Romanique Cæsares posteriores ibi præsidium perpetuum adversus piratas Saxones haberent: quamvis aliquando Saxones in ea ora Galliæ, quæ ostiis Sequanæ alluitur, habitasse, ex hoc ipso nomine Littoris Saxonici colligat doctissimus *Jacobus Sirmondus* not. ad Capitularia Francor. p. 771. edit. Baluz. puterque locum ipsum propius indicari à *Gregorio Turonensi*, quando *Saxones Bajocasinos* nominat l. V. histor. c. 27. Quomodo quinque autem hæc sese habeant, possent adhuc longè plura à me adduci, Saxonum antiquorum nauticæ rei peritiam & maritimas excursiones testantia, nisi res clara esset. *Philippus Cluverius* in Germ. Antiq. illam artis nauticæ peritiam, à priscis Saxonibus ortam, hodieque in Tri-

siæ,

ſæ, Bataviæ & Angliæ incolis observari, Gallos quoque atque Hispanos, qui Oceanum magnum navigant, ab his didicisse ſcribit, cujus documentum certum præbeant pleraque vocabula nautica, quæ in hunc uſque diem apud illos quoque ſint merè Germanica.

Sicut autem Saxones primò Chaucorum, & ad mare, fluminumque oſtia ſitas terras occupaverant, ita deinde magnam inferioris Germaniæ partem & illa mediterranea loca invaſerunt, quæ Sicambri, Ampſivarii, Cheruſci, Marſi olim tenuerant, Francis expulſis: quamvis certo aſſerere nequeam, armisne populos modo dictos ſubegerint, an illi ultro in fœdus cum ipsis, unamque rempublicam cojerint? Nomen tùm certè Saxonum, reliquis abolitis, prævaluit. Non referam autem nunc, quomodo Saxones Francorum fines populati ab illisque repulſi, interdum etiã victores, ut *Aimoinus* refert l. 2. c. 27, extiterint: quomodo tamen ſeculo ſexto terminos ſuos per Thuringiam promoverint, data per ipſos Francos occasione, qui Rege Theodorico, Clodovæi Magni filio, contra Ermenfridum Thuringorum Regem eos in auxilium vocaverunt, tacendo prætetire nequeo, cum ex ſolis ferè *Eginhardi* libris deperditis, quorum aliquod Excerptum nobis conſervavit *Adamus Bremenſis*, & *Widichindi* Monachi lib. 1. hiftoriam illam haurire liceat, dum Gallici ſcriptores tacent, & *Aimoinus* l. 2. c. 9. hanc quidem Francorum in Thuringos expeditionem narrat, nullam tamen, vel uno verbulo, Saxonum mentionem facit. Quinam Saxones illi fuerint, quibusque in ſedibus tum hæſerint, nec *Eginhardus*, nec *Widichindus* diſtinctè narrant, non longis tamen itineribus ad Francos acceſſiſſe, ſed in vicinia fuiſſe, ex tota narrationis ſerie patet, ut mirer Virum doctiſſimum Saxones ex Anglia hic velle repetere, & ea occasione in loco Procopii conſtantem lectionem tollere, & pro *ſclaxorum* intrudere

dere *Saxones*, & non observasse, Procopium ibi à *Saxonicis* distinguere *Saxones*. Quanquam autem terram Thuringorum Saxonibus, si vincerent, permiserat Theodoricus, non tamen, victoria licet cruenta, sexmillibus suorum amissis, reportata, statim eam adepti sunt, sed odio Herminfridi erga eos, qui se dedere Francis quàm Saxonibus malebat, spe penè omni excidissent; compertis tamen machinationibus hostilibus & Regis Erminfridi, constantia & virtute Ducis sui (quem Hadagatum *Eginhardus*, Hathagast *Witichindus*, Hatugato *Urspergensis* nominant, & solum quidem illum, nulla facta mentione Bernthowaldi vel Bernwaldi, quem, Ascaniæ dominum, recentiores *Brotruffius* aliique huc adducunt, cuique Scheidingam cecidisse volunt) urbem Scheidingam ad Unstrutum fluvium, in qua hærebat Herminfridus, expugnarunt, cæsis, qui aderant, Thuringis, Rege licet cum uxore & liberis elapso. Cum igitur ita victores ad Theodericum rediissent, simul in possessionem terræ promissæ venerunt, *socii, Francorum & amici appellati* sunt. Non omnem tamen Thuringiam acceperunt Saxones, sed facta divisione (à qua ipsi urbi Scheidingæ nomen obtigisse suspicatur celeberrimus *Sagittarius*, amicus noster, antiquit. regni Thuringici l. 2. c. 12.) illam tantum, quæ est nobis cis Unstrutum fluvium, ceu notat *Eginhardus*: De qua divisione multa etiam præclara observat nobilissimus *Conringius* noster in dissertatione de antiquo Helmæstadii statu, & illud imprimis, quod inde hodieq; Imperiales illæ urbes Mulhusum & Northusum, Thuringicæ licet, Saxoniam tamen tribuantur, Circulo scilicet Saxonico inferiore comprehensæ. *Auctor* quodq; *Historiæ de Landgraviis Thuringiæ* (recentior licet) c. V. à Duce tum Saxonum ad defensionem terrarum acceptarum castrum extructum scribit, quod *nomina verint secundum suum nomen* (intellige gentis Saxonum) **Sachsenburg,**

burg / cujus hodieq; rudera supersunt. Meretur igitur tempus hujus Saxonicae victoriae, & secutae inde in his terris mutationis, diligenter notari, anni scilicet post natum Christum DXXXIV. primus Octobris dies, quam propter victoriam reportatam Saxones non tantum, quemdiu pagani fuerunt, sed postea quoque, Christiani facti, jejuniis, orationibus, oblationibusq; coluerunt, ut refert *Witichindus*. Tunc igitur terminos illos accepit Saxonia, quos in suo de ea carmine, à Patre meo primum publicato, exponit *Theodorus Lange* seu *Longus* Eimbeccensis:

Objicibus vastis includitur & spatiofis

Limitibus, cujus etiam Westphalia pars est.

Rhenus ab Occasu, simul Odera solis ab ortu,

Oceanus Borea, qua terminat Unstrot ab ortu.

Ab eo enim tempore à Saxonibus possideri cæperunt hæc ipsa, quæ nos incolimus, loca, quæ olim quidem ad Nort-Thuringiam pertinuerunt. Neque tamen, Saxonibus licet dominis, statim nomen ipsum Thuringiæ evanuit, sed diu post hæc tempora mentionem adhuc fieri Pagi Nort-Thuringici (Prociñciam Nort-Thuringicam vocat *Dithmarus Mersburg.* l. VIII.) observamus, non tantum Caroli M. & Ludovici Pii ævo, sed Ottonis quoq; primi & secundi, ut ex illorum tabulis superstitibus patet, complexusq; ille est omnem terram illam, quæ jacet inter Hartzicam sylvam, Salam & Albim ad Haveli ripas & Alarim amnem usque, ut pluribus docuit Avus meus *Henricus Meibomius* dissertatione de Pagis Saxoniae: cujus quidem rei causam ex *Einbardo Witichindoq;* petendam arbitror, qui narrant, Saxones, cum multis millibus suorum amis- sis, totam terram occupare non possent, colonis tradidisse exercendam, sed sub tributis, unde factum, ut, cum non possiderent ipsi, sed tributariam tantum haberent terram, vetus Thuringiæ nomen tanto retinuerit diutius.

Et ita quidem Saxones *possessa terra summa pace quieverunt*, *societate Francorum & amicitia usi*, ut loquitur Witichindus : fuit tamen Saxonica gens inter illas, quæ bona pacis ignorarent, & quiescere nescia hoc ipso sæculo sexto multos suorum magno numero Longobardis in Italiam euntibus junxit. Alboinus scilicet Longobardorum Rex cum à Narsete ex Pannonia in Italiam vocaretur, non contentus multos secum ex diversis, quas vel alii Reges, vel ipse ceperat, gentibus, Gepidis, Bulgaris, Sarmatis, Pannoniis, Suavis, Noricis tantæ expeditioni suscipiendæ adduxisse, etiam à *vetulis suis amicis Saxonibus auxilium petiit*, quorum *plusquam viginti millia virorum cum uxoribus simul & parvulis venerunt in Italiam ituri*, (verba *Paulli Diaconi* de gest. Longob. l. 2. c. 6.) quique dein in Galliam quoque irruerunt, prædasque magnas egerunt. Repressi tamen ibi, cum & Longobardi proprio eos jure subsistere pati nollent, & Saxones illorum imperiis se subdicere refragarentur, de patria rependa consilia inierunt, cumq; uxoribus & liberis itinere per Gallias, permittente Rege Sigisberto, ut explicat *Aimoinus* l. 3. c. 7. instituto, domum redierunt. Illa tamen patria loca, statim ac Saxones ex iis exierant, Reges Francorum Chlotarius & Sigisbertus Svavis aliisque gentibus dederant, unde redeuntibus post sextum decimum annum cum his pugnandum fuit. Obtulerunt tamen novi possessores antiquis incolis tertiam partem regionis, dein mediam, deniq; duas, sibi servata tantum tertia, & pecora quoque, obtinere tamen pacem non potuerunt & ad bellum res devenit : in quo tamen, cum Saxones primo infelici prælio viginti millia suorum amisissent, & altero iterum graviter attiti essent, quiescere tandem coacti sunt, uti omnia illa nobis narrat *Warnefridus* seu *Paulus Diaconus* supra citatæ historiæ l. 3. c. 7. De suorum Saxonum in

Italiam excursionibus loquitur etiam Poetaſter *Theodoricus Longus* in Saxonia ſua.

*Junctus Saxo Rugis (Herulis) Romanam ſubdidit urbem,
In qua bis ſeptem regnavit Odocharus annis.
Tunc Longobardis alleſtus opem tulit idem.
Igniferi cunei tunc cælo currere viſi.*

De quibus haſtis atque aciebus igneis aſſidue à Septentrionis partibus apparentibus, & ex mente S. Gregorii ingentem mortalium ſtragem ab eâ parte denunciantibus refert *Car. Sigonius* l. i. de régn. Ital. ad An. DLXVII.

Hinc jam ad Seculum VII. & Carolo M. proxima tempora dilabimur, quando Saxonum per bella cum Francis geſta major & accurratior cæpit eſſe notitia. Tum etiam diviſionem illam Saxonum in tres Gentes, in *Oſſwalos*, qui alias *Oſterlingi*, & *Auſterlandi* apud *Auctorem vitæ Caroli M.* à *Pythæo* editum, & *Orientalès* vocantur: *Wefſphalos* & *Angarios*. Apud *Eginhartum* quidem, in vita Caroli accuratè ſatis ſcripta, nulla, quod mireris, hujus diſtinctionis fit mentio: in Annalibus Francis *Adelmi* Benedictini monachi, *Angariis* ſilentio præteritis, *Wefſphalabi* & *Orientalès Saxones* tantum nominantur ad An. 784. In iſſis tamen Caroli M. Capitularibus ſcribuntur *congregati Saxones de diverſis pagis tam de Wefſſalabis & Angariis, quam & de Oſſalabis*. Nominant quoque illos *Lèges Saxonum* à *Frider. Lindenbrogio* editæ. Meminit quoque illorum *Poeta Anonymus*, qui de geſtis Caroli M. Annalium libros quinque ſcripſit, cujus Mſtum (unicum, niſ fallor, quod extat) in noſtræ Academiæ Juliæ Bibliotheca publica ſervatur, ex quo ante octoginta annos edidit V. Cl. *Reinerus Reineccius*. Vixit quidem ille aliquanto poſt Carolum temporis ſpatio ſub Arnolpho Imperatore, non tamen nomina tantum horum populorum, jam alias nota, ex eo diſcimus, ſed terminos quoque, quales in genere fuerint, mereturque in his tanto majorem fidem, quoniam ipſe

ipse Saxo, fuit, patriarum rerum peritus. Ipsa proinde
ejus verba, qualia habentur l. i. p. 2. adducam:

Sed generalis habet populos divisio ternos.

Insignita quibus Saxonia floruit olim.

Nomina nunc remanent, virtus antiqua recessit,

Deniq; Westfalos vocitant in parte manentes

Occidua, quorum non longè terminus amne

A Rheno distat. Regionem Solis ad ortum

Inhabitans Osterlingi, quos nomine quidam,

Ostvalos alii vocitant: consinia quorum

Infestant conjuncta suis gens perfida Slavis.

Inter prædictos media regione morantur

Angarii, populus Saxonum tertius. Horum

Patria Francorum terris sociatur ab Austro,

Oceanog; eadem conjungitur ex Aquilone.

Hujus divisionis in tres gentes meminit deinde adhuc, circa Ottonum Imperatorum tempora, *Witichindus* Monachus l. i. Nec facile asserueris, quando primum Westfalia Saxoniae nomen amittere, & Ostfalia illo *ναὶ ὀξων* gaudere ceperit. *Reinerus Reineccius* libello de Saxonum origine prius factum esse putat, quando Ludolfus, Waltperti filius, Widechindi magni pronepos, sedem suam ex Westfalia, ubi hætenus fuerat, in Ostfaliam transtulit, dependente ita nominis Saxoniae usu ab Aulæ sede. *CL. Conringius* non multum diversus tum factum illud existimat, quando à Francorum Regibus, & postea Imperatoribus Germanicis universæ Saxoniae Ducatus Principibus in Ostfalia degentibus commissus est. Sanè, diu satis pro una quasi gente habebantur, unoque duce, Saxoniae dicto, gaudebant Westfali, Angrarii & Ostfali, quod ex historia Lotharii, Henrici Superbi & Henrici Leonis manifestum est, nulla tum ducis Westfaliæ aut Angrariæ extante memoria. Post Henrici Leonis vero à Friderico I. factam

exauktionem, uti peculiaris & priori longe minor Saxoniae Ducatus constitutus; ita tum quoque non amplius Westfaliam Saxoniae nomine comprehensam, sed suo proprio appellatam censeo. In Diplomatis, Friderici I. quo A. 1180. Friderico Archiepiscopo Coloniensi, & Philippi Caesaris, quo Adolpho Coloniensi Archiepiscopo A. 1204. eundem conferunt, & confirmant, Ducatus Westfaliae & Angariae prima mentio, quod sciam, occurrit. Tum enim Ducatus ille magnus Saxoniae totius, quem haecenus majorum suorum exemplo habuerat Henricus Leo, divisus est, & pars Archiepiscopo Coloniensi, pars Bernhardo Balenstedio ex Anhaltinis data est, habentque hoc nomine Colonienses adhuc equum candidum, antiquum Saxoniae insigne, in clypeo, quem pari jure Saxo-Lauenburgici sibi sumere potuissent, cum ducatus illius altera pars, Rescripto Caesareo, ipsis data sit, nec alio nomine equum illum habeant Colonienses. Hinc *Guntberus* in *Ligurinol.* l. v. 200. *Westvaliae urbes* separatim locat, & à *Saxonibus* distinguit. Sed redeo ad antiquos Saxones, qui postquam semel in terris modo dictis pedem figere ceperunt, non pari quidem semper fortuna usi sunt, nunquam tamen ex illis iterum expelli potuerunt. A Slavis Ostvalos fuisse infestatos, jam tum ex Poeta sub Arnulpho audivimus; alii cum aliis finitimis suis, ortis, ut fieri solet, litibus, interdum eum Cattis sive Hasfis, frequentissime cum Francis bella gesserunt, memoratu digna. Et Franci quidem sub Clothario, Dagoberto, Carolo Martello, Carolomanno, Pipino magnas Saxonibus intulerunt clades, terrasque eorum late vastarunt & tributarias fecerunt. Non credo tamen *Aimoino* monacho, qui lib. 4. cap. 18. p. 366. Clotharium post Bertholdi Saxonum ducis caedem ingressum in Saxoniam & ita eam depopulatum scribit, ut *nullum in ea hominem viventem relinqueret, qui longitudinem spatii excessisset*, Nimi-

nia sanè hyperbole, & vix in poeta toleranda, nisi demodica aliqua parte Saxoniae id intelligas. Elevavit vero jam tum narrationis hujus fidem *Adrianus Vallesius* lib. XIIX. Rerum Francicarum. Tributum tamen pendere Francis, sub Clóthario quidem vaccarum certum numerum regiae mensae inferre, illo autem sub specie parandi in Slavos pro Francis belli, soluti, à Pipino nova victoria subacti, annis singulis honoris causa ad generalem conventum trecentos Equos mittere coacti sunt: quae Pipini in Saxoniam irruptio maxime notabilis fuit. Quamvis enim Saxones munitiones fecissent, easque fortissime tuerentur, tamen Franci, pulsus praelio propugnatoribus, *per ipsum, quo patriam defendere conabantur, vallum, intraverunt*, ut habent Annales Rer. Francic. ad annum modo dictum.

Appropinquabat tandem tempus, quo gens *natura ferox & cultui demonum dedita*, ut loquitur Eginhardus, mitesceret, & Christianam quoque religionem susciperet, quod sub Carolo M. factum, sed non nisi post XXXII. annorum acerrimum bellum, *quo nullum neque prolixius, neque atrocius, Francorumque populo laboriosius susceptum est*, ut iterum Eginhardus,

*Carole, qui Frisones, Ligures, Italos, Aquitanos,
Hunnos, Illyricum vicisti tempore parvo;
In sex Saxones lustris vix perdomuisti*

inquit iterum Longus in Poemate de Saxonia.

Causam belli illius repetit Eginhardus à terminis Saxonici & Francici pene ubique in plano contiguos, unde caedes & rapinae & incendia, quibus Franci irritati, non vices reddere, sed apertum contra eos bellum suscipere decreverunt. Taxat ibi Eginhardus & ferocitatem Saxonum & perfidiam, & hinc factum, quod non citius finitum fuerit id bellum, scribit. Et de feritate quidem Saxonum nota res ex iis, quae supra diximus, & ex *Sidonio* lib. 8. Epist. 6. *Salvianus* tamen

tamen Episcopus Massiliensis l. VII. de gubernat Dei. p. 263. cum Gothos perfidos, Francos mendaces dixisset, *Saxones crudelitate efferos, sed minus perfidos*, scribit. Interim certum est in bello illo cum Carolo sæpe Saxones superatos ac supplices sese dedidisse, & imperata facturos se pollicitos, obsidesque etiam imperatos dedisse, (quorum quindecim illustres in Galliam missos, & Wulfario Episcopo à Carolo custodiendos traditos, refert in Chron. Eccles. Rem. l. 2. c. 18. *Flodoardus*) & aliquoties ita emollitos, ut etiam demonum cultum dimittere, & Christianæ religioni subdere se colla velle promitterent, tamen deinde pacta non servasse, *indomita nimium feritate rebelles*, ut de iis canit *Guthbertus* in Ligurino l. l. Sæpius hoc tempore per duces suos, bis ipse Carolus cum Saxonibus conflavit, & cum suo exercitu victore, ad hæc usque quæ nos incolimus, loca progressus, ad Oræ & Albis confluum castra sua locavit, & in vico *Orbem* vel *Horem*, sito in ripa fluminis Ocridi, in præfectura Slademensi, maximam Orientalium Saxonum multitudinem baptizari fecit anno 780. ut narrant Francorum Annales. Consumpti sunt in eo bello plures ex nobilitate Saxonum, aliquot millia Verdæ ad Allarim fluvium cæsa, plura millia eorum in alias terras translata. *Eginbardus* c. 7. refert Carolum decem millia hominum, ex iis, qui utrasque ripas Albis fluminis incolebant, cum uxoribus & liberis sublata transtulisse, & huc atque illuc per Galliam atque Germaniam multimoda divisione distribuisse, quem sequitur *Adamus Bremensis* in Historia Ecclesiast. l. 1. Alii tamen de Transalbinis Saxonibus tantum id scribunt, & disertè *Regino* ad An. 814. notat, omnes, qui trans Albiam in Wiimodi habitabant Saxones, cum mulieribus & parvulis translatos in Franciam, & pagos Transalbianos Obotritis datos esse. Sive autem Transalbiani soli, sive Cis-Albiani, & alii, & alio tempore quoque, translati sint (id quod

quod mihi verosimilius videtur, cum *Annales* quoque *Fuldenses*, postquam Saxones ad prælium in pago Sintfelt parati Carolo sese dedidissent, *tertium ex iis hominem translatum esse, memorent*) Transalbianos tamen post septennium restitutos patriis locis, ex verbis Ludovici Pii in Privilegio Hammenburgensi Ecclesiæ dato, discimus; quæ, cum causam quoque translationis indicent, & à nemine aliàs id memorari sciam, integra recitabo, uti à diligentissimo *Expoldo Lindenbrogio* in Append. ad Historiam Archiepiscoporum Bremensium primum edita sunt p. 143. *Progenitor noster gloriosæ memoriæ Karulus omnem Saxoniam Ecclesiastica religioni subdidit, jugumq; Christi ad usque terminos Danorum atque Slavorum corda ferocia ferro perdomans docuit, ubi inter has utraq; gentes Danorum sive Wnedorum ultimam Saxonie partem sitam, Et diversis periculis, temporalibus videlicet. Et spiritualibus, interjacentem perspicuens Pontificalem ibidem sedem fieri decrevit trans Albiam. Unde postquam terram Transalbiano- rum, laxata captivitate, quam ob multam perfidiam in ipsis Christianitatis initis patratam per septennium passi sunt, ne locus ille à Barbaris invaderetur, Ekeberto Comiti restituere præceperat, non jam vicinis Episcopis committere voluit. Et paullo post scribitur, captivos optatam in patriam undiq; confluisse. Disputat autem de præcis illis Saxonie Transalbiæque limitibus, ex gregè *Conradingus* l. 1. c. 4. Operis sui de finibus Imperii *Dithmarus* l. 2. dividit illos in *Thietmarsgojos*, id est, *Dithmarfos*, *Olctas* sive *Holzatos*, *Sturmarios* sive *Stor- marios*, quibus *Helmoldus* l. 1. c. 25. proximè adjungit *Bardos*. *Crantzii* Saxon. l. 2. c. 19. ab hac Trans-Albiano- rum Saxonum translatione esse originem illam Germani- cæ nationis per rura Galliarum disseminatam scribit, inde esse*

esse Brabantinos, inde Flandrenses, in solo Gallico manentes, origine Germana. Verum, an in illa septennii captivitate istis in locis multum se propagarint, cum illa soluta rediisse in priscas sedes memoret Ludovicus Pius, valde dubito. Suffragatur quidem *Crantzio* nobilissimus *Janus Doufa* l. 2. Annalium Hollandiæ p. 86. docetque superesse Saxonici nominis vestigia in municipio Bataviæ non incelebri, *Saxbeimio*, quod interpretatur Saxonicae gentis coloniam pomæcium suis circumscriptam, deprehensa sibi vocabuli illius significatione in antiquis tabulis. Inde tamen non constat, Saxones, qui à Carolo translati sunt, illa sui nominis vestigia reliquisse, cum jam diu ante ad maritima Bataviæ Saxones migrasse, superius ostendimus, & Engisto Saxonum Duce, superata Britannia ad ea loca reducere, in Urbe Lugduno Burgum, celebre olim munimentum, & hodieque in ruderibus suis notabile, extructum esse, constans fama sit. Quomocumque autem hæc sese habeant, unius Caroli M. felicitas & fortitudo Saxones omnes demum domuit, majorque fuit, quam omnium antecessorum suorum. Equidem jam tum Romani, ut ex præcedentibus paruit, contra illos non infelicitè pugnaverant, & Honoris Scitæoniæque virtuti adscribit *Claudianus*,

domito quod Saxone Tbetis

Mittor.

Et de Juliano Cæsaris expeditione jam tum dixi. Fuerunt tamen magis solliciti Romani de defensione limitum suorum contra Saxones, quam de illorum in propriis sedibus oppugnatione. De Saxonia in Provinciam redacta nullibi verbum ullum legere est. Ea hinc factum arbitror, ut, cum Romani Imperatores non ab aliis tantum gentibus devictis nomina sibi adiscerent, sed Germanicis quoque, & inde Germanici, Alemannicique, ut Vitellius, Domitianus,

nus, Trajanus, M. Antonius, Caracalla; Commodus, aliiq. vocarentur, ceu ex inscriptionibus, nummis, aliisq. monumentis, discere licet, nemo tamen se Saxonicum scripserit. Crevit sub sequentibus Imperatoribus titulorum illorum numerus, & Constantinus M. ipse Gothicum, Sarmaticum, Britannicum, Hunnicum se in Edictis vocavit, Justinianus Francicum præterea, Anticum, Alanicum, Vandalicum, ut vel ex fronte *Institutionum Juris civilis* apparet; alii Longobardicos, Herulicos præterea & Gepidicos; frustra tamen Saxonici titulum quævas. An forte à contempta natione Saxonum titulum sibi arrogare noluerunt, uti à Judaica gente, devicta licet & triumphata, Vespasianus tamen nomen sibi sumxisse non legas? Non crediderim. Sub Germanici titulo comprehensum illum voluerunt. De Theodosio tamen scribit *Pacatus in Panegyrico*: *Pauciora in Annalium scriniis, quam in vestra domus titulis cognomenta legérentur. Cum ipse Saxonicus, ipse Sarmaticus, ipse Alemannicus diceretur.* Et jam tum antea, sub Theodosio victos à Romanis Saxones, & spectaculis in ipsa urbe Roma captivos destinatos, ex *Symmacho* ostendi. Nulla tamen Inscripção, nullus mihi Nummus, inter tot Theodosianos, visus, qui Saxonici titulum præferret: quamvis fortassis in illis non usurparit, uti de Probo *Vopiscus* quidem scribit: *Tu Francicus, tu Gothicus, tu Sarmaticus*, in nulla tamen inscriptione aut nummo titulus hic ejus apparet. Neque vero à Saxonibus, præliis levibus superatis, & repressis tantum, non victis, jure sibi arrogare titulum, redactæ sub jugum gentis testem, poruissent, meruissentque exprobationem generosi Francorum Regis Theodeberti, qui non tolerandum putabat, Justinianum in Edictis se Francicum, Alemannicum, Gepidicum, Longobardicum nominare, quasi eas gentes in ser-

virtutem redegit. *ὅτι δὲ ἀπὸ τῆς αἰτίας τῆς ἐξουσίας τοῦ βασιλέως, ut scribit Agathias l. 1. c. 7.* At Carolus M. summo jure, post illud XXXII. annorum gravissimum bellum finitum, adscribere titulis suis *Saxonicum* potuisset, si pari cum Romanis Imperatoribus ambitione, victis gentibus illudere voluisset. Dubitem tamen, an antiquam ita scripserit? In Diplomaticis enim, Francorum & Longobardorum se Regem, Augustum à Deo coronatum, Romanorum gubernantem Imperium (nullo de Saxonia verbo addito) se scribit, uti testantur omnes ejus geminae & nullo nomine suspectae tabulae, pluribusque offendit eruditissimus *Mabillonius l. 2. de Re Diplomatica veterum. c. 3.* In unico tamen Privilegio, dato Osnaburgensi Ecclesiae A. C. MCCCLV. qui est quartus Imperii Carolini, talis extat insolitus ejus in fronte titulus: *Carolus Imperator Augustus Romanum gubernans imperium, qui & Rex Francorum & Longobardorum, nec non modo Dominator & Saxonum.* Non possum tamen silentio praeterire, hoc Diploma, postquam à *Crantzio* aliisque productum est, suspectum esse caepisse Viris eruditis: imo, quamvis deinde ex ipso, ceu credidit, Autographo, in Tabulario Osnaburgensis Ecclesiae asservato & vetustate obsoleto, adhibitis testibus viris eruditis, prisco aevi caractere diligenter observato, produxerit Reverendissimus Episcopus Paderbornensis & dein Monasteriensis *Ferdinandus* suisque monumentis Paderborniensibus addi fecerit, illudque nativo suo colore & forma scribendi nullam dubitationem suppeditare posse judicet, *& aut fidem obtinere, aut nullam humanam fidem ex Caesarum tabulis assertam valere* scribat. Tamen hoc ipsum doctissimus *Carolus Cointi* Tom. VI. *Annal. Ecclesiastic. Francor. p. 825.* non uno modo suspectum reddere conatus est, & diligentissimus *Daniel Papabrochius*, in *Propylæo*, quod Actis Sanctorum. Tom. II. Aprilis. praefixit, parte 1. §. 28. acriter illud impugnat, & aliis collatum praefert.

præferre stylum ætatis posterioris, & insignes completi nugæ de obligatione suscipiendæ in Gratiâ legationis Ecclesiæ illius Episcopo impositam, non veretur scribere. Quamvis autem multa ibi Papabrochius de stylo, de verbis initialibus, subscriptione, & sigillo denique moneat, hujus tamen insoliti tituli, & in nullo alio Carolino diplomate apparentis, *Dominatoris Saxonum*, nullo verbo facit mentionem. Scio quidem in talibus interdum sibi permittere aliquid Principes, nec statim rejiciendum esse diploma, si titulus aliquis insolitus appareat, quod illustri & à nemine hæctenus observato exemplo, in titulo *Saxonici* ex Ottonis III. diplomate docebo. Otto ille tertius alias quidem tantum se *divina favente clementia Romanorum Imperatorem Augustum* vocat in Diplomatum suorum initiis, in uno tamen dato *Romæ Anno Dominicæ Incarnationis M. I. Indictione XIII. Anno tertii Ottonis Regnantis XVI. Imperii. V.* recognoscente Heriberto Cancellario vice Willigisi Archiepiscopi, ita incipit: *In nomine sanctæ & individue Trinitatis. Otto III. Romanus, Saxonicus, & Italicus, Apostolorum servus, dono Dei Romanæ orbis Imperator Augustus.* In quo, nullo modo suspecto, ab harum rerum peritissimo Job. Henrico Hofmanno ex autographo descripto, & ab illo mecum communicato, titulus planè insolens est, nec tamen fidem illi, ut arbitror, demit. Posses igitur de Carolino id quoque dicere, & suspicari, quoniam Carolus Privilegium illud primæ à se in Saxonia erectæ Ecclesiæ Osnaburgensi contulit, in eo se, non item in aliis, *Dominatorem Saxonum* vocasse: Extat tamen aliud Caroli M. eidem Ecclesiæ Osnaburgensi anno præcedente datum, quod insolitum hunc titulum non habet. Verum de Diplomatis illius genuinitate disputabo alias, ubi omnium, quæ à Carolo in Saxonia dicuntur erecti, Episcopatum primam foundationem & foundationum tabulas, à nonnullis præclaris viris in dubium vocatas, ab aliis pertinaciter

tinaciter defensas, singulari opere, examinabo. Gelber-
rimus noster *Conringius*, de Privilegii Carolini genuinitate
scilicet securus, *παρασκευάζει* titulum illum *Dominator Saxonum*
considerat, Excercitat. De Civibus Imperii. §. 27. putat-
que non alia de causa Saxoniae Dominum se dicere & Fran-
corum Regem: non item aliorum populorum, quos plu-
rimos continuit imperio suo, nisi solum in Italia Longo-
bardorum, nomen titulo suo Regio adjunxisse: quam quod
hi populi soli libertate fruentes, non in Francorum ditio-
nem penitus concessissent. Quæ quidem ipsa ex mox di-
cendis clarius patebunt.

Fuit vero is eventus Belli Franco-Saxonici, ut Saxones,
qui hactenus fortiter restiterant, &

Duris ut ilex ista bipennis

Per damna, per cedes ab ipso

Ducit opes animamq; ferro,

inter gravissimas clades & subrum translationes, caput sæ-
pe iterum erexerant, victi penitus, abjecto dæmonum cul-
tu, & relictis patriis ceremoniis, Christianæ fidei ac reli-
gionis sacramenta susciperent, & *Francis adunati unus cum*
his populus efficerentur, ut loquitur *Eginhardus*.

Hoc sunt postremo sociati fœdere Francis,

Ut gens & populus fieret concorditer unus,

Ac semper Regi parens equaliter uni,

inquit

Poëta Anonymus a *Reineccio* editus. *Regino* verbis notabi-
libus scribit, eos non Regi tantum & filiis ejus, sed etiam
Francis fidelitatem promississe. In Diplomate vero *Verdensi Ec-*
clesiæ dato scribit *Carolus*, se *Saxonum terram secundum an-*
tiquorum Romanorum morem in provinciam rede gisse. Cum
autem illius ævi historici, eorum, quæ ad *Rempubl.* spe-
ctant, plerumque imperiti fuerint, ideoque ruditer res nar-
rent, nec in narrando inter se conveniant, non satis deter-
minari potest, qualis Saxonibus libertas relicta, aut in quan-
tum

tum accisa fuerit, egegiè hanc rem disputantibus *Reinero Reinecio* de Saxonum originibus libello, & *Joh. Gryphandro* lib. de Stat. Roland. c. 22. & seqq. quorum scrinia compilare nolo. In principio tamen Saxones, adeo gravi bello devictos, duriuscule habitos à Carolo, valde verosimile est. Non narrant quidem id Scriptores vitæ ipsius Caroli; quæ tamen de Ludovici Pii erga eos clementia, comparata cum Caroli severitate, Historici scribunt, satis superque id docent. Ipsa *Anonymi* quidem, sed coævi, *Ludovici Pii vitæ scriptaris* verba merentur audiri. Cum enim narrasset Ludovicum Saxonibus *jus paternæ hereditatis*, quod sub patre (Carolo) ob perfidiam legaliter perdiderant, imperatoria clementia restituisse, alios id liberalitati, alios improvidentia Imperatoris assignasse scribit, quod hæc gentes naturali assuesacta feritati talibus habenis deberent coerceri, ne scilicet effrenes in perduellionis ferrentur procacitatem; addit tamen deinde, Ludovicum se eos sibi arctius devinctire credidisse, quo eis beneficia largiretur potiora, nec esse spe sua deceptum, nam posthac easdem gentes semper sibi devotissimas habuisse. Prudenter vero Carolus & usu edoctus inter initia genti perfidæ, & toties rebellanti, habenas non nimis laxavit, omnesque modos contra Francos insurgendi præcidit: quo etiam illud pertinet, quod in *Capitulari Caroli M.* de partibus Saxoniarum. 33. vetantur omnes Saxones generaliter conventus publicos habere, nisi forte *Missus Regis* de verba Regis eos congregare fecerit. Relictum tamen à Carolo jus Civitatis Saxonibus cum Francis commune, rectè assertit *Cl. Conringius* Exercit. de Civibus Imperii. §. 29: Cur tamen suspicetur, Primores, qui ad conventus publicos fuerunt accersiti, non fuisse Saxones, sed Francos; & aliis illis præfectos, causam non video, & contrarium docet *Capitulare* II. edictum à reverendissimo Principe *Ferdinando*. Ibi etiam regnante Domino Carolo, conventibus in unum in
 — ejus

ejus obsequio venerabilibus Episcopis, Abbatibus & Illustribus Comitibus, disertè memorantur *simul congregati Saxones de diversis pagis tam de Westfalabis & Angrariis, quam & de Ostfalabis*. Et in ipso Capitulari, cap. 2. *Item placuit Saxonibus*. Et cap. 9. *Consensu Francorum & fidelium Saxonum*. Fuerunt igitur sine dubio Saxones, qui ad concilium venerunt, iique ex primoribus seu nobilitate, cum quibus etiam pacis leges iniisse Carolum, discimus ex *Poeta Anonymo* sæpe citato Annalium de vita Caroli M. auctore ad An. 803. qui ultra omnes vitæ Carolinæ scriptores hanc pacificationem, locum ejus, & leges distinctè enumeravit, ipse Saxo & peritus patriarum rerum.

Augustus pius ad sedem Saltz nomine dictam

Venerat, huc omni Saxonum nobilitate

Collecta simul has pacis leges inierunt.

Quod si integram fidem meretur Diploma Ecclesiæ Osnaburgensi datum, (de quo supra) primorum Saxoniarum, qui *Potentes illius Regionis* vocantur, auctoritas etiam ex eo colligitur, quod quæ Ecclesiæ illi donat Imperator, dare se scribit, *potentum illius regionis collaudatione*, id est, consensu.

Interim Carolus in tota Saxoniam non tantum omnia circa sacra ordinavit, Idola & eorum fana destruxit, Ecclesias erexit, Monasteria condidit, Episcopos instituit, deque ministrorum Dei sustentatione constitutiones fecit: sed etiam Civiles Magistratus Saxonibus dedit. Paucis id, sed clare exponit, memoratus sæpius Poeta:

Tunc sub iudicibus quos Rex imponeret ipsis

Legatisq; suis permissi legibus. uti

Saxones patriæ.

Ad morem scilicet Francorum, postquam una gens jam facta erant, regi Saxones voluit, per Comites scilicet, &
Legatos

77

Legatos seu Missos Regios. Præter hos quidem ab *Eginbarto* memorantur Franci habuisse *Præfectos* suos, quorum tamen in Saxonia nullam fieri mentionem video, probabileque est Carolum, qui Ducibus iniquus, Aquitanicumq; & Bajoaricum Ducatum, substitutis comitibus, sustulerat, Præfectos hos, Ducibus similes, Saxonibus non dedisse, ut nec, illo vivente, Duces Saxoniae memorantur.. Quales Comites fuerint, quod eorum officium, cum ex Francorum, tum Saxonum quoq; historia, satis ab aliis explicatum est: cur tamen quædam à me observata addam, causam habeo. Formulam ordinationis Comitum in Westfalia ab ipso Carolo facti a. 788. quo *Trutmannum virum illustrem* constituit, allegant omnes, qui de Comitibus agunt, cum eo luculenter describatur Comitum officium. Jubet enim Rex, ut *resideat in curte ad campos in mallo publico ad univerforum causas audiendas vel recta judicia terminanda*, utq; *advocatum omnium presbyterorum in tota Saxonia agat, superq; vicarios & scabinos, quos sub se habet, diligenter inquirat, & animadvertat, ita ut officia sua sedulo peragant &c.* Discimus autem ex eo, quoniam *Illustrem*, splendidissimo titulo, vocat. ex primaria nobilitate fuisse, nisi ad hoc ipsum noviter collatum munus & dignitatem titulo isto respexerit Carolus. An autem ex Francica, an Saxonica nobilitate *Trutmannus* ille fuerit, incertum est. Nomen quidem Saxonicum esse videtur, & significare *Liebmann* / priori illa voce etiam in nominibus aliis propriis *Drutmarus* sive *Trutmarus*, & *Trutwin* occurrente: intuenti tamen mihi faciem Saxoniae illo anno 788. quo institutus hic comes, non videtur probabile, Carolum alicui ex Saxonibus toties rebellibus, & noviter factis Christianis illam dignitatem, & imprimis advocatiam presbyterorum commisisse. Deinde etiam in hoc diplomate id considerandum est, *Trutmannum*, quamvis in tota Saxonia *advocatus presbyterorum* constituatur,

Comitem tamen constitui tantum *in illa parte Saxonie*, ubi scilicet hæc acta sunt, in villa Trutmanni & quæ ad illum pagum pertinent, cum certis pagis præfici Comites tum temporis usitatum esset. Hanc autem Formulam, antiquissimum Saxonie monumentum, primus edidit, & inseruit *Notis suis ad Widicbindi Monachi Annal.* l. 2. Avus meus, quæ adeo eruditis placuit, ut sæpius in libris suis extare, quidam etiam notis suis illustrare voluerint. Nuper in Gallia V. CL. *Stephanus Baluzius*, sacrae pariter ac profanae, veteris ac recentis Historiæ, si quisquam, peritissimus Præceptum hoc Carolinum dignum judicavit, quod Capitularibus Regum Francorum, duobus Tomis splendide à se editis, adjungeret: in notis tamen ad T. 2. p. 1039. cum Avus meus id adhuc superesse scripserit, dubitat, de authenticone loquatur, an apographo? Testatus sane est in *Vindiciis suis Billingianis* Avus meus, *superesse illud adhuc in Archiepiscopio inclytæ & Imperialis Tremonie in Westphalia*, sed an authenticum, an apographum intelligat, quia non addit, æquè ignoro. Id tamen celare non possum, *Detmarum Mollerum* Tremoniensem, & *Cornelium Mervium* Essendiensem Geographicam & Historicam Descriptionem Comitatus & Urbis Tremoniensis integro volumine, patrio sermone, elaborasse, (quæ penes me est MSta) in qua capite 8. diploma illud ipsum recitant, vocantque præstans & indubitatum. An illi Tremonie ex Authentico descripserint, nescio; Avum meum id fecisse, vix credo, cum alias facturus fuisset accuratius, & de Sigillo quoque aliquid moniturus. Quod si *Mullerus* & *Mervius* illud viderunt, etiam non satis descripserunt accuratè. Variat nonnihil Avi mei à Mulleriano, non tantum in una alterave parvi momenti voce, sed etiam in anno dati diplomatis, quem DCCLXXXIX. habet, cum Avus meus habeat

An

An. DCCLXXXIX. qui utique est regni Carolini XXI. Reliqui omnes, qui hoc diploma ediderunt, ab Avo meo id habuerunt, uno fortassis *Hermanno Stangefolio* excepto, qui in Annalibus Circuli Westphalici ante triginta annos editis illud recitat, nonnihil diversum, annumque habet DCCLXXXIX. ut est in Mulleriano, quamvis ab eo quoque nonnihil variet, & minus correctè, ut totum illud *Stangefolii* opus, editum sit. Sed redeo ad Comites, de quorum officio jam tum sufficienter egerunt alii, ut *Cl. Conringius* Exerc. de Judiciis Germaniæ, quale scilicet id apud Francos fuerit, à quo non abiisse apud Saxones probabile est. Unum, haud scio an ab aliis notatum, addere cogor, scilicet à Carolo M. injunctum Sacerdotibus, ut an officium suum Comites faciant, considerent. Verba Caroli in *Capitulari primo de part. Saxonia cap. ult.* id docent his verbis: *Sed unusquisq; Comes in suo ministerio placita & justitias faciat, & hoc à sacerdotibus consideretur, ne aliter faciat.* Ubi per sacerdotes tamen fortassis non quilibet ex Clero, sed Episcopi videntur intelligendi, capiuntq; hæc lucem ex iis, quæ habentur in *Legibus Wisigothorum* l. 2. c. 3. Id quod tanto melius fieri potuit, quoniam plerumq; in eadem urbe, primaria scilicet Pagi, in qua Episcopus aut Archiepiscopus residebant, Comites quoque erant, ut docet *P. Lambecius* Origin. Hamburg. Part. 1. p. 23. Notandum tamen & hoc, quamvis Comites ipsi à Carolo, ut dictum est, constituti fuerint, tamen Scabinos, qui illis in jure dicendo adjuncti, & sub ipsis erant, populi accedente consensu electos, unde in Capitularibus Legatis seu Missis Regiis, qui in Comites pariter & Scabinos inquirebant, præceptum legimus, ut in idoneis Scabinis remotis idoneos substituerent, *consensu populi.* De quorum Missorum reliquo officio, & auctoritate, à quibus scilicet non nisi ad ipsum Imperatoris palatium supererat provocatio,

egregiè jam tum à viris doctis res est exposita. Notandum tamen & illud est, antequam hinc abeam, Episcopis à Carolo non sacrorum tantum curam datam, sed seculares quoq; causas ad eos jussu Regio plurimas delatas, intentione fortassis bona, ut scilicet, *quæ in judicio captiosæ præsumptionis vincula promi non patiuntur, investiget & promat sacrosanctæ religionis auctoritas*, ut & in Capitul. cclxxx. lib. vi. collectionis *Benedicti Levitæ*, apud *Lindebrogiam*.

Post obitum Caroli M. Saxones, qui fidelitatem Regi & filiis ejus, nec non etiam Francis, ut supra ex *Reginone* dixi, promiserant, eandem quoq; servarunt, imo Ludovico Pio, mollius eas tractanti, magis obstricti vixerunt, ut itidem jam tum expositum est. Diviso dein inter Ludovici filios Francorum Imperio, cum Ludovico Regi, quicquid in Germania ad Rhenum usque Francis paruerat, obvenisset, Saxoniæ quoq; omnis simul cessit, ideoque Ille sibi *Saxones fidelitatis jure confirmavit*, ut loquuntur *Annales Fuldenses*. Fuit igitur primis Carolingorum temporibus quies aliqua in Saxoniâ, nisi, quod deinde à Slavis non Trans-Albiani tantum, sed ab iis Albi transgressis reliqui quoq; Saxones multas injurias & invasiones paterentur, eo eventu, ut etiam possessionem aliquam vicinarum terrarum arripuerint, nec unquam extirpari potuerint, & hodieq; in agro Lyneburgico Slavicæ originis gens lingua sua se prodat. Nec minores clades intulerunt Normanni seu Dani, quorum sub Carolo M. spiritus & minas ex jactabundis vocibus Goteфриди Regis apud *Eginhardum*, *Frisiam atq; Saxoniam baud aliter atq; suas provincias æstimantis*, discere est. In Transalbiana Saxoniâ primariam civitatem Hamburgum An. 845. penitus vastarunt & exciderunt. Anno 867. Saxones ad *Ebbekenstorf*, ubi Monasterium Virginum ordines S. *Benedicti*,

dicti, occiso Duce eorum Brunone, cum plurimis aliis, ingenti praelio fuderunt, quamvis rem nimis exaggeret *Crantzius*, & qui eum sequuntur. Scilicet Caroli posterius, civilibus bellis, & alibi, satis occupati, & si verum dicendum est, à virtute majorum suorum multum degeneres, Aquilonaris Saxoniae parvam habebant curam, quae tanto magis inde Slavorum Normannorumque injuriis patebat. Nec minus ab altera parte, seculi X. initio, Ungari Saxoniae quoque molesti erant, ut deinde dicam. Quando autem ita Reges parum curarunt Respubl. & de finibus defendendis terrisque subjugatis tutandis non fuerunt solliciti, ipsi Primores patriam quomodocunque defendere & hostibus resistere coacti fuerunt. Et hos etiam Ducum Saxoniae titulum nactos, & maiorem aliquam potestatem sensim sibi tum arrogasse arbitror. Disputatum quidem initio hujus seculi, occasione satis celebri, in hac inferiore Saxonis fuit, an illa ad Ottonis usque tempora immediate Regibus Germanicis paruerit, an vero suos Duces habuerit? Rectè autem tum, ut arbitror, Avus meus in Demonstratione contra Ictos nonnullos superioris Germaniae in Saxoniam parum versatos, docuit, eam sub Imperatoribus Francis ante Hermannum Billungum suos habuisse Duces, quem nunc non describo, cum Demonstratio ipsa legi mereatur, sitque in omnium manibus, auctoritate publica saepius recusa. Sub Carolo M. nullum Ducem invenio, ut supra dixi, dein tamen Anno MCCXVI. Ludolphus Dux Saxoniae sese scripsit ipse in Tabulis Fundationum Monasterii Bruneshufani & Gandersheimensis, creverunt autem mox magis auctoritate, ut hujus filium Ottonem non Saxonum tantum, sed Francorum quoque populus ad summam Imperii dignitatem vocaverit: quo licet quid renuente, senes scilicet & aetate fracti, filius tamen ejus Henricus, qui Auceps nominatur, Duxatum Saxoniae post patrem

trem nactus, *libera potestate* primus eam rexit, quod tanquam singulare aliquid annotat *Widichindus* Monachus Corbejenſis, exultans, quod tum temporis *Saxonia ex ſervitute facta ſit libera, & ex tributaria multarum gentium Domina*. Et revera tum cæpit caput attollere Saxonia, ſub Henrico modo dicto, ejusque filio Ottone M. Ducibus Saxoniz pariter & Regibus Imperatoribusque. Non libera quidem fuit ab incurſibus, iisque gravibus; & ut ad Hungaros, de quibus antea cæpi, revertar, illi vaſtata maxima Germaniz parte in Saxoniz quoque interiora penetrarunt, & in Weſtſaliam pariter Oſtſaliamque, ab utroque tamen Henrico & Ottone tam gravibus præliis fuſi & ad internecionem uſque deleti ſunt, ut redire nunquam auſi, ceu alibi latius explicui. Nec minus ab altera parte contra Barbarorum irruptiones ſub his Regibus tuti manſerunt Saxones. Fuerat hætenus Eldora vetus Saxoniz limes, ſed Henricus Auceps ulterius progreſſus apud *Schliawich* regni terminos poſuit, & ibi Marchionem conſtituit, & Saxonum coloniam habitare præcepit, ut loquitur Adamus Bremenſis, cumque eo mortuo Marchionem illum trucidaffent, & omnem Saxonum coloniam funditus extinxiffent, Otto terminos Danorum apud *Schliawich* olim poſitos transgreſſus eſt, & in ipſam Cimbricam Chersonesum progreſſus, fuſo à Saxonibus Haraldo, Chriſtianitatis leges ſuſcipere cum fecit, Jutiaque in tres Episcopatus diviſa, eos Hammenburgenſi Episcopatu ſubjecit, & Archiepiscopos dedit, ut iſta iterum narrat *Adamus*. teſtaturque diploma ipſum, editum ab *Enpoldo*. *Lindenbrogio* & *P. Lambec*, part. 1. Rec. Hamb p. 141. ubi tamen pro An. 965. male editum eſt 865, Ludovicus Pius jam dum quidem Archiepiscopatum Hammenburgenſem inſtituerat, eique omnem ſere Septentrionem ſubjecerat, ſacro tamen potius, & tum inter Chriſtianitatis initia admiſſo inſtituto, non quod

quod Imperii sui eosdem cum illo Archiepiscopatu limites esse existimaret. Otto vero non tantum illos in Jutia noviter institutos Episcopatus Hamburgensi Metropolitano subjecit, sed etiam, ut verba ipsa Diplomatis habent, *quicquid proprietatis in regno vel marca Danorum ad Ecclesias in honorem Dei constructas vel adhuc pertinere videtur vel futurum acquiratur, ab omni censu vel servitio sui juris absolvit*, ut & Episcopis præscriptarum Ecclesiarum absq. ulla Comitum vel alicujus Fisci sui exactoris infestatione serviant & succumbant, & mox, servos & colonos in iisdem proprietatibus habitantes nulli nisi iisdem Episcopis servituros, ab omni etiam sui juris servitio absolvit: ex quibus Jura in Daniam, quæ tum temporis Otto habuit, satis patescunt, illustrantq; ea, quæ de tota hac re ex idoneis scriptoribus differunt *Conringius* libro primo de finibus Imperii. Interim sub Ottonibus novam plane faciem Saxonia accepit, ut dignam se illa felicitate ostenderet, quâ per Saxoniarum Duces Imperii Romani *ἀξιωμα* facta est Germania, ut

— *quemcumq; sibi Germania Regem*

Præscit, hunc dives submisso vertice Roma

Suscipiat, versosq; regat Tiberim ordine Rhenus, ut inquit Elector Moguntinus apud *Guntberum* in *Ligurin.* l. i.

Hoc tempore igitur Urbes fundari, excoli & muniri, & commercia frequentari cæperunt in Saxonia, cui rei pertexendæ Henricus Auceps novem annorum inducias ab Hungaris impetraverat, Otto vero Magnus tantò magis illi par fuit, quo felicius illos omnes, cæsos & fugatos, à limitibus Saxoniarum Imperiiq; removit. Henricus Pater ex agrariis militibus novum quemq; eligens in urbibus habitari fecit, conciliaq; & conventus & convivia in urbibus celebrari voluit, illisque extruendis operam dedit, & muniendis, pacis tempore ea apparatus, ad quæ necessi-

necessitas hostibus ingruentibus cogat: quæ omnia scriptor
 illorum temporum *Witichindus* Monachus Corbejenſis,
 & ex eo alii, narrant. Vocatur idcirco Theſeus Germa-
 nicus; quamvis magna ſit diſparitas, & ſi, non obiter de
 eo aliquid referentes, ſed *Thucydidem* l. 2. & *Strabonem* l.
 ix. legas, Theſeus ille Græcus, alio inſtituto, alio conſi-
 lio, non tam homines ex agris Atticæ in Urbes, quam
 ex reliquis oppidis in unam urbem coegerit, & ex unde-
 cim ſeu duodecim Atticæ urbibus unam effecerit, Athe-
 narum, *Aſu* dictam. Quicquid autem hac de re ſit, glo-
 riam certè inſignem Henricus eo nomine reportavit: à quo
 etiam extructas urbes Miſnam, Quedelenburgum, &
 Mersburgum refert *Dithmarus* Mersburgenſis lib. i. Uti
 vero per illa in Urbibus commercia ditior facta Saxonia,
 ita hoc eodem tempore naturæ grandi quodam, ſed ha-
 ſtenus latente, beneficio magis ditata eſt, venis auri &
 argenti repertis: de quibus cum alias pluribus data ope-
 ra egerim, nihil nunc addo, monuiſſe aliquid contentus,
 cum ad Saxoniam hoc tempore florentiſſimæ factæ decus
 id omnino pertineat. Non parum vero his temporibus
 Ducum potestas adaucta Saxoniam contulit, quamvis nunc
 non diſputem, totine Imperio id ſalutare fuerit, nec ne.
 In Oſtſalia, ſeu Orientali Saxonia, Hermannus Billingius,
 ex nobilitate Saxonica, per Ottonem I. conſtitutus fuerat
 Dux, cujus poſteri ad uſque Magnum ducem ejus partes,
 quæ Vandalis adjacent, diligentiffime tuiti ſunt. Et vero
 poſtquam ad Suevicos Principes à Saxoniciſ Imperialiſ
 apex devenit, tanto majores ſumere in Saxonia ſpiritus
 cæperunt, Regiamque auctoritatem deſpicere, & ubique
 libertatem prætere. Id quod ſub Henrico IV. ætatiſ
 nondum maturæ, in nervum erupit. Qui cum dein po-
 tentiam illorum imminuere, extructiſque in Hartizciſ
 montibus caſtellis libertatem tollere vellet, graviffimo
 bello

bello Saxonico implicatus fuit, quando Otto dux Bajoriæ, è Saxonia tamen oriundus, & illo ducatu à Cæsare privatus, Magnum, Saxoniam ducem, sibi associavit. Longa est injuria, longæ ambages, nec omnia hîc possunt referri. Subruere & vastare illam totam, infestissimus Saxoniam, nitebatur Henricus, inito etiam cum Danis, Saxonum inimicis, secreto fœdere, & institutis colloquiis, non tamen finem suum obtinere potuit, alibique per pontificem satis negotii inveniens, deferere eam coactus est, cum tamen interea Urbs Goslaria, & vicinia, per Cæsaris in his terris moram, augmenta quædam cepisset. Quam libertatem Saxoniam Principes etiam postea contra Henricum V. masculè defenderunt, felici prælio ad Welfesholtz, ope imprimis Lotharii Ducis, qui postea ad Imperii culmen evectus, cum alibi Germaniam, tum Saxoniam quoque pacavit, & fines ejus contra Slavos tutatus est, auctoritate Cæsarea in Daniam usque extensa. Notandum vero est, seculo illo undecimo sub Henrico IV. Obotritos, Slavicam gentem, aliquamdiu totam Nordalbingiam sub suo habuisse imperio, ut narrat *Adamus* l. 4. c. 31. cujus jugi pertesæ, plusquam sexcentæ familiæ in Harzicos montes migrarunt, ut ex *Helmoldi* l. 1. c. 26. discimus. Sed redeo ad Lotharium: de quo, maximisq; ejus in totam Germaniam meritis alibi pluribus agam. Nunc id silentio præterire nequeo, illum, magno Saxoniam bono, Henricum Bavoriæ Ducem, data ei in matrimonium filia Richense, in has terras vocasse, & Ducatum Saxoniam ei contulisse: quo ipso potentissima Domus, quæ nunc Brunsvico-Lynæburgica audit, variis licet dein fatis jactata, in hac Saxonia primum fundata est. Cum vero jam tum vivente Lothario æmulatio inter ipsum & Svevos Principes Fridericum, ejusq; fratrem Conradum, (qui deinde ad Regni Germanici culmen pervenit) esset, gliscere cepit

E

illa

illa quam maxime, quando Henricus impedire Conradi electionem, & negare aliquamdiu insignia imperii, quæ à Sacero relictæ penes se habebat, ausus est. Deinde igitur à Conrado, jam Rege, in Goslariensibus Comitibus Ducatus Saxoniae ipsi abjudicatus est, & Alberto Urso datus, cui infortunio non minus aliud, Ducatus scilicet Bajoarici seu Norici amissio, deficientibus ab eo fidelibus ejus, supervenire videbatur, quando ille magno animo Saxoniam ingressus novum sibi substitutum Ducem Albertum occupatis urbibus totaque Saxonia ejecit, ejusque Ducatus spe privavit, non minora tentaturus in Bavaria & contra Conradum Regem, nisi eo abeuntem mors prævenisset. Et hic Ducatus Saxoniae ad filium ejus Henricum, puerum adhuc, Leonem dein dictum, integer cura aviæ maternæ & procerum pervenit, quamvis Ducatus Noricus, non nisi magna ejus parte, Austria, privatus, à Friderico I. Cæsare dein redditus sit. Sumpsit autem sub hoc Henrico Leone Ducatus Saxoniae maxima incrementa, imprimis Septentrionem versus super Slavos, validam & truculentam gentem, qui non tantum ad littora maris Balthici extensi erant, sed etiam multa ad Havelam & Albim loca, ubi nunc Episcopatus Brandenburgensis & Havelbergensis, à Saxonibus possessa, illis excisis & fugatis, incolebant ad usque Henrici Leonis tempora, ut notat *Helmoldus* l. 1. c. 88. Jam tum quidem Lotharius Imperator imperium suum aliquo modo ad Slavos extenderat, & religionis Christianæ semina inter illos sparserat, cum tamen deinde infelici de Ducatu Saxoniae dissidio inter Henricum Superbum & Albertum exorto, fractæ per civiles motus vires externis hostibus pares non essent, gravissimos in Saxones Transalbinos impetus fecerunt Slavi, qui etiam faustis successibus processissent, nisi Henricus Comes de Badewide eos compescuisset, & in ipsis sedibus suis attrivisset. Conservavit nobis
illius

illius rei memoriam modo citatus *Helmoldus Chron. Slavor.* l. 1. c. 56. & 57. illasque Slavorum Wagirorum terras ita ferro & igne vastatas & excisas memorat, ut deinde deserta loca inveniens Comes Adolphus in omnes regiones Flandriam, Hollandiam, Trajectum, Westfaliam, Fresiam, miserit, & novos incolas advocarit, qui etiam cum familiis & facultatibus suis venerunt, & una cum Holfatis Wagirensium provinciam hominum multitudine impleverunt, mox tamen vehementi Slavorum incursione incendiis, caedibus & rapinis & captivitate iterum vastati. Sub secuta est quidem expeditio Cruce signatorum, ex parte in Slavos suscepta, per Episcopos Saxoniae aliosque principes, inter quos ipse Henricus Leo adolescens, sine fructu tamen ullo. At Henricus Leo tandem dominari in universa terra Slavorum cepit, plurimis expeditionibus victor, quas *Helmoldus* l. 1. c. 68. 84. 86. 87. 92. & l. 2. c. 5. narrat, Obotritorum terra & finitimis regionibus ita in solitudinem redactis, ut *Slarvi non ausi fuerint mutire præ formidine Ducis*. Floruit igitur sub hoc Duce Saxonia, hostibus domitis, Episcopatibus erectis, Cœnobiis fundatis, urbibus conditis: propriam tamen illi esse felicitatem noluerunt fata. Fuit Henricus Leo (ut verbis hîc potius *Johannis Aventini* ex lib. VI. *Annal. Bajorum* utar quàm meis,) *potentissimus baud dubiè omnium Europæ principum secundum Cæsarem atq; Reges Princeps, ut qui à Sinu pene Hadriatico ad Sinum Codanum Oceanumq; Germanicum Bojis, Svervis, Rhetis, Vindelicis, Noricis, Chaucis dominabatur*. Ad quam invidia tangi videbatur non tam ipse Imperator, quam sacri ordinis Princeps vicini, quibus gravior fuerat sui juris & auctoritatis studiosus, & reliqui, penes quos potentia & in imperio spes imperii. Illum generis nobilitate, opibus, duobusque amplissimis Ducatibus magnum, vi mentis & virtute bellica majorem ad vastas spes accingi, nec posse esse occultum,

quid post tantam potentiam superfit. Primi contra illum conjurarunt Archiepiscopus Colonienfis, & Episcopi Magdeburgensis, Hildesheimensis, & Halberstadenfis, quibus se junxit ex veteri & à parente Ducis derivato odio Marchio Albertus & Provincialis Thuringiæ Comes Ludovicus, erupitq; diffidū illud, quod sub dolofo cinere diu latuerat, in apertam belli flammam, absente in Italia Friderico I. Nec tamen sibi eripere patiebatur Leo, quæ justo titulo possidebat, ostentabatq; rictus & ungves inimicis suis, non minore fortitudine defendere sua paratus, quàm ipse & majores sui acquisiverant. Id quod Halberstadenfis Episcopus Ulricus imprimis incendio urbis & terrarum suarum expertus est. Postquam tamen Cæsar in Germaniam rediit, & ipse jam alieniore ab Henrico animo, suggestione Principum stimulatus, in Comitibus Geilnhufæ celebratis, de consensu Principum & optimatum Imperii, utroque Ducatu Saxoniae & Bavariae Henricum privavit, simulque Palatini Rheni & Saxoniae dignitate & omnibus feudis, quæ vel ab Imperio, vel Archiepiscopis vel Episcopis tenuit, exuit. Bavariae seu Noricum Ducatum accepit Otto Comes de Schira: de quo hoc loco agere non licet. Saxoniae magnus ille Ducatus divisus tum est. Tirulum quidem, cum Ducatu tamen minore, accepit Bernhardus Afcanius, filius Marchionis Alberti, non frater Ottonis Comitibus de Schira, ut gravi errore, licet ad Chronica Schirensia provocet, scribit *Andreas Presbyter* Chronico Bavariae p. 1180. Westphalicæ Saxoniae pars altera cessit Philippo Colonienfi Archiepiscopo cum titulo Ducatus Westfaliae & Angariae, superstitibus hodieque non tantum Friderici I. sed etiam Philippi & Ottonis IV. tabulis, quibus ea, quæ dixi data & confirmata sunt; quæ accuratè legi merentur, hûc à me nunc non explicandæ. Quamvis autem non acquiesceret Leo, sed hostes suos in Westfalia Thuringia & Wagria fortiter persequeretur,

queretur, & captis illorum quibusdam probe se ulcisceretur, tamen deinde potentiae Imperatoris in Saxoniam venientis cedere, & triennii exilium subire coactus est. Cum tamen non feudalialia tantum bona plurima ab Imperio, Archiepiscopis, Episcopis & majoribus praelatis, sed etiam multa patrimonialia, *propria*, *Eigene* / *Et de quibus nemini tenebatur* (verba ipsius Imperatoris Friderici II. in *tabulis Erectionis Ducatus*) non iis tantum in locis, quae nunc Ducatu Brunsvicensi & Lyneburgensi dicto comprehenduntur, sed in Thuringia quoque & Trans-Albina Saxonia & alibi (ut prolixius alias singulari opera ostendam) habuisset, separata illa sunt, & ereptis licet feudalibus, patrimonialia ut farta tecta conservarentur, promissum est, quibus etiam Caesar praefectos constituit, absente Henrico eorum rationem & curam habituros. Utinam autem illi bona fide egissent, vel non patrimonium quoque Leonis invasisent vicini aemuli & hostes! certe magna ex parte violenter à multis id occupatum scribit disertè *Arnoldus Lubecensis* Chronic. l. 2. c. 12. Illa igitur de causa redux ab exilio Henricus, querelas apud Imperatorem instituit, à quo non promissis tantum inanibus lactatus, sed etiam, cum omnia, quae sibi interea adversa accidissent, Henrici, licet absentis, confiliis & infidiis tribueret, iterum in exilium ire compulsus est. Absente tamen deinde Imperatore, cum ab illo nullam opem sperare posset Henricus, patrimonium vero suum à vicinis, absentia Imperatoris in rem suam abutentis, magis magisque diripi videret, ipse ad sua recuperanda non animum tantum, sed arma quoque, cum filio Henrico ex Anglia redux, admovit, recuperatis felici successu nonnullis, & punitis iis, qui dedere sese recusabant. Mox tamen fortuna eum deseruit, cumq; Friderici Imp. successor Henricus VI. ipsi patrimoniali Ducis Urbi Brunsvico inharet, & ad eum compescendum omnem operam adhiberet, qui

escere, & filios dare obsides coactus est, post aliquot annos
 in illa urbe sua mortuus. His igitur temporibus, imperan-
 te Friderico I. alium planè à priori habitum induit Saxo-
 nia. Nam ab ea Westphalia & Angaria avulsa & proprio
 Ducatu insignita, exuviis Leonis Archiepiscopo Colo-
 niensi, & quibusdam etiam vicinis Episcopis Osnabrugensi,
 Paderbornensi & Mindensi cedentibus. Dux Saxoniae
 novus priori potentia impar, cum Tractam Wittebergen-
 sem ad Albim, ubi Sorabi quondam, etiam accepisset,
 Wittebergæ aulæ sedem constituit, à Comitibus vero non
 pari veneratione & subjectione cultus est. Merentur legi,
 quæ de Comitibus sub Duce Bernhardo distincte nobis nar-
 rat *Arnoldus* l. 3. Chron. Slav. c. i. Venit Dux cum fratre
 suo Alberto Marchione Erteneburgum (hodie *Attenburg*
 ab hac ripa Albis) præcepitque, ut omnes nobiles terræ,
 Comes Holsatiæ, Comes de Raesburg, Comes de Dan-
 nenberg, Comes de Luchow & Comes de Sverin, receptis
 ab eo beneficiis suis, dominium facerent, & fidelitatem per
 sacramenta confirmarent. Venerunt etiam reliqui, sed
 Adolphus Holsatiæ Comes se non stitit, quamvis antea sub
 Ducibus Saxoniae & novissime sub Henrico Leone fuisset:
 id quod male habuit Ducem, exortæque sunt inde discor-
 diæ, conjuraruntque cum Adolpho reliqui Comites, etiam
 à Bernhardo offensi, & terras Ducis hostiliter intrarunt,
 rebus tandem Imperatoris auctoritate compositis, ut cita-
 to loco exponit *Arnoldus*. Arbitror autem tum jugum
 Ducis Saxoniae excussisse & ab Imperio feudum suum cæ-
 pisse recognoscere Comitem Holsatiæ, quod etiam existi-
 mat *Cypræus* in Historia Ecclesiast. Slesvic. & Holsat. c. 28.
 p. 206. Ut etiam Adolphum illum III. Comitibus Imperii sæpe
 interfuisse, & in Diplomatis Augustalibus testem nomi-
 nari, pridem docuit *Avus meus Not. ad Herm. Lerbekii*
Chron. Comit. Schatmb. p. 59. edit. prim. & deinde à *Sacro*
Roma-

*Romana Imperio dictos Comitatus recognitos & Comitatum possessores investitos fuisse, discimus ex Tabulis Friderici III. Imperatoris, quibus An. 1474. Comitatus Holsatiæ & Stormariæ in Ducatum, ut hodie sunt, mutavit. Racebùrgensis Comitatus mansit interim sub Duce Saxoniae, & tandem, extincta illa Comitum familia in Bernhardo ejusque filio parvulo rediit tanquam beneficium vacans ad Saxoniae Duces, qui hodieque illum habent, uti clarè exponit Grantzius Vandaliae l. VI. c. 31. Slavorum Obotritorum Domini, postquam Regia dignitate orbatì sunt, Saxoniae Ducem comiter quidem respexerunt, ut ex Historia Henrici Leonis clarum est, illo tamen exauctorato etiam ipsi se subducere cæperunt. De Slavorum regione audiamus prius Helmol dum, quæ Saxoniam factam notat, iis verbis, quæ merentur integra legi : *Omniis Slavorum regio incipiens ab Egdora (quæ est limes regni Danorum) & extenditur inter mare Balticum & Albiam per longissimos tractus usq; ad Sverin olim insidiis horrida & pene deserta nunc dante Deo tota redacta est velut in unam Saxonum Coloniam & instruuntur illic civitates & oppida.* Cæperunt etiam Christianismum amplecti, & quamvis Præbislai, qui ultimus Regio nomine usus est, nepos Henricus tres haberet filios, & hinc tres exurgerent lineæ, tamen primogenitus Johannes solus stirpem produxit, quæ adhuc in Ducibus Meclenburgensibus floret, ex quibus *Albertus & Johannes* primi à Carolo IV. An. 1349. maximè honorifico diplomate in Ducum Ordinem relati, dignitatem ad posteros transmiserunt. In Pomerania non minus magna facta est mutatio. Nam, quamvis ejus Duces Saxoniae Duci post gravissima bella & excisam pene gentem, tributo obnoxii essent, Casimirusq; & Boguslaus sub Henrico Leone, *Danicarum virum metu regnum suum buc usq; liberum Saxonici muneris fecissent*, ut ipsis exprobrat Saxo Grammaticus l. 14. p. 337. tamen ex-*

auctorato

escere, & filios dare obsides coactus est, post
 in illa urbe sua mortuus. His igitur temporibus
 te Friderico I, alium planè à priori habitum
 na. Nam ab ea Westphalia & Angaria ad
 Ducatu insignita, exuviis Leonis Archiepiscopi
 niensi, & quibusdam etiam vicinis Episcopis
 Paderbornensi & Mindensi cedentibus.
 novus priori potentia impar, cum Tractu
 sem ad Albim, ubi Sorabi quondam,
 Wittebergæ aulæ sedem constituit, à C
 pari veneratione & subiectione cultuse
 quæ de Comitibus sub Duce Bernharde
 rat *Arnoldus* l. 3. Chron. Slav. c. i. A
 suo Alberto Marchione Erteneburg
 ab hac ripa Albis) præcepitque, ut
 Comes Holsatiæ, Comes de Raee
 nenberg, Comes de Lûchow & Co
 ab eo beneficiis suis, dominium fa
 sacramenta confirmarent. Ve
 Adolphus Holsatiæ Comes se no
 Ducibus Saxonie & novissime
 id quod male habuit Ducem, e
 diæ, conjuraruntque cum Ad
 à Bernharde offensi, & terra
 rebustandem Imperatoris au
 to loco exponit *Arnoldus*.
 Ducis Saxonie excussisse &
 pisse recognoscere Comite
 mat *Cypræus* in Historia F
 p. 206. Ut etiam Adolphus
 interfuisse, & in Diplom
 nari, pridem docuit *A*
Chron. Comit. Schauml
 Duce utroque Bavariæ & Saxo
 Leo, tamen Ducatus Saxonie titulum
 non

rio Roma-
 um spon-
 pomerani-
 rant in
 Bom-
 cum
 s incre-
 craxisse,
 n & Casi-
 periali, in
 rant Slavi in
 ous Saxones
 lorum mores
 limus *Christo-*
 . Pomeran. p. 51.
 nobiles familias
 le, quod de Blan-
 ina, non videtur
 r Fridericus Urbem
 enus paruerat, Hen-
 cem Saxonie & Adol-
 cerant, *propter utilita-*
 perii sita est, sibi retinuit,
 hic affulgere primum li-
 endor Urbi illi caput, quo
 Balthici maris littore efful-
 ter offuscatus fuerit, ut mox
 nes, quas hoc tempore Saxonia
 potissimæ jam enumeratæ sint,
 non potuerint non aliæ atque aliæ

merunt, vel ipse, vel filius ejus Henricus, qui
 ini ad Rhenum filia ducta Palatinus Co-
 mine vulgo vocatur: id enim ex pluri-
 illis ostendere possum. Post quas
 reconciliato, quibus quam max-
 Henrico Imperatore, novam lu-
 am, pacis videlicet joconditatem,
 edationes, ingemuisse latrones, pa-
 , & castrorum cessasse excubias, gra-
 Arnoldus Lubec. l. 4. c. 20. Non ta-
 ravit. Mortuis enim & Henrico Leo-
 Imperatore, cum Otto, Henrici Leonis
 as Principibus Coloniae ad Rhenum Rex
 us vero Svevus, Henrici VI. frater ab aliis
 us esset, non tantum passim Germaniae, sed
 que, gravissima tempestas incubuit, cum
 in Westfalia, sed Ostfalia quoque, seu Saxonia
 anulli a partibus Philippi starent, ut Goslaria
 arbes, quibus ut Brunsvicum jungeret, mediam
 n ingressus est Philippus, sine successu quidem,
 ga non tantum defensa, sed Goslaria etiam capta &
 . Cum tamen deinde alii Principes Ottonem de-
 ent, & Pontifex Romanus quoque Philippo favere in-
 eret, gravioribus adhuc turbis commota fuisset Saxo-
 a, nisi morte violenta conatus ejus intercepti fuissent.
 am tum vero a pluribus annis Saxonia Nordalbingica gra-
 viter erat afflicta per Canutum Regem Daniae ejusque fra-
 trem Waldemarum, qui initio seculi XIII Comitem Hol-
 satiae Adolphum invaluerat, Hamburgo occupata, & Lube-
 ca quoque, salvo relictis privilegiis legibusque, deditione
 recepta, Comite ipso capto, & in Daniam abducto. Sanè,
 postquam fratre Canuto mortuo ad regni culmen perve-
 nit Waldemar, Nordalbingiam titulis suis adjecte, ejusq;

auctorato illo itidem sese subtraxerunt, & se imperio Romano, non jure gladii coacti, aut vi, vel metu, sed solum spontanea subjectione dediderunt, ut loquuntur Status Pomeraniae in litteris supplicibus ad Ducem suum, quae extant in libello, dreijährige Drangsal des Herzogthums Pommern. *Saxo Grammaticus* l. 15. p. 370. scribit Fridericum Imperatorem eos promissione potentiae & claritatis incrementorum, subornata legatione, in suas partes pertraxisse, cum ab illis sibi metueret, & hos dictos Bogislavum & Casimirum datis solenniter Aquilis, id est, vexillo Imperiali, in Duces Imperii sublimasse. Excisi autem tum fuerant Slavi in Occidentali Pomerania cumque aliis gentibus Saxones in desertas terras vocati, cumque lingua illorum mores quoque assumpti, ut pluribus ostendit doctissimus *Christophorus Hartknoch*, in dissertat: de Origin. Pomeran. p. 51. & 71. ubi etiam ostendit non paucas eorum nobiles familias ex Saxonia & Ducatu Brunsvicensi venisse, quod de Blanckenburgiis, Platis, Munchusis, de Leina, non videtur improbabile. Tum quoque Imperator Fridericus Urbem Lubecam, de qua proscripto, cui hactenus paruerat, Henrico Leone, inter Bernhardum Ducem Saxoniae & Adolphum Comitem Holsatiae, lites ortae erant, propter utilitatem tributorum, vel quia in fine imperii sita est, sibi retinuit, ut loquitur *Arnoldus* l. 3. c. 4. Et hinc affulgere primum libertatis & Imperialis gratiae splendor Urbi illi capit, quo deinde ultra omnes alias in illo Balthici maris littore effulset, quamvis inter initia graviter offuscatus fuerit, ut mox dicam. Minores mutationes, quas hoc tempore Saxonia passa est, non addo, cum potissimae jam enumeratae sint, & Ducatu illo divulso, non potuerint non aliae atque aliae sensim subsequi.

Quamvis autem ita Ducatu utroque Bavariae & Saxoniae esset privatus Leo, tamen Ducatus Saxoniae titulum
non

non dimiserunt, vel ipse, vel filius ejus Henricus, qui Comitis Palatini ad Rhenum filia ducta Palatinus Comes factus, hoc nomine vulgo vocatur: id enim ex pluribus eorum tabulis & sigillis ostendere possum. Post quas quidem Henrici nuptias, reconciliato, qui eas quam maxime impedire conabatur, Henrico Imperatore, novam lucem esse in Saxonia exortam, pacis videlicet concordatam, cessasse terra marique depredationes, ingenuisse latrones, patuisse portas civitatum, & castrorum cessasse excubias, gratulabundus exclamat Arnoldus Lubec. l. 4. c. 20. Non tamen illa quies diu duravit. Mortuis enim & Henrico Leone, & Henrico VI. Imperatore, cum Otto, Henrici Leonis filius, a nonnullis Principibus Coloniae ad Rhenum Rex electus, Philippus vero Svevus, Henrici VI. frater ab aliis Ottoni oppositus esset, non tantum passim Germaniae, sed Saxoniae quoque, gravissima tempestas incubuit, cum non tantum in Westphalia, sed Ostfalia quoque, seu Saxonia nostra, nonnulli a partibus Philippi starent, ut Goslaria atque urbes, quibus ut Brunsvicum jungeret, mediam Saxoniam ingressus est Philippus, sine successu quidem, Brunsviga non tantum defensa, sed Goslaria etiam capta & dirpta. Cum tamen deinde alii Principes Ottonem deferrent, & Pontifex Romanus quoque Philippo favere inciperet, gravioribus adhuc turbis commoratus fuisset Saxonia, nisi morte violenta conatus ejus intercepti fuissent. Jam tum vero a pluribus annis Saxonia Nordalbingica graviter erat afflicta per Canutum Regem Daniae ejusque fratrem Waldemarum, qui initio seculi XIII Comitem Holstiae Adolphum invalerat, Hamburgo occupata, & Lubeca quoque, salvo relictis privilegiis legibusque, deditione recepta, Comitē ipso capto, & in Daniam abducto. Sanē, postquam fratre Canuto mortuo, ad regni culmen pervenit Waldemar, Nordalbingiam titulis suis adjectis, ejusque

se *Dominum* salutari, solemniter in Urbem Lubecam ingressu, fecit, ut disertè scribit *Arnoldus Lubecensis* l. VI. c. 17. Addit *Pontanus* histor. Danic. l. VI. Lubecenses illi ut *Wagria & Nordalbingie* *Dominum* sacramentum dixisse. Mox tamen vertit fortuna vices, & non tantum *Waldemar* ipse ab *Henrico* Comite *Sverinense* captus, ut libertatem impetraret, jurare coactus est, se nunquam in *Nordalbingiam* rediturum; quæ cum deinde, *Lubecensibus* etiam jugum *Danicum* excutientibus, insuper habuisset, cruenta pugna penitus victus & prostratus est, *Archiepiscopo* *Bremensi*, *Duce* *Saxonie*, & vicinis contra eum conjurantibus, & sociato milite suo bellum illud gerentibus. Commissum est prælium 22. Julii, die *Mariæ Magdalene* sacro A. 1227. apud *Bornbovedam*, villam *Holsatiæ* parochialem, uti eam appellat *Hermanus Lerbecke* in *Chronico Schaumb.* de qua multa egregie differit *P. Lambecius* Rer. Hamburg. t. 2. p. 37. Fuit vero illa pugna planè fatalis his terris, & quicquid dein *Dani* pro recuperandis amissis tentarunt, intra conatus stetit; *Lubeca* vero à *Friderico II.* Imp. splendido privilegio inter Imperii urbes recepta est, locumq; illum in hunc usque diem præclare tuetur. Contigit verò circa hæc tempora non levis etiam, & ad pacem tranquillitatēq; *Saxonie* plurimum conferens mutatio per *Ottone* 3. *Henrici Leonis* Nepotem, quem *Puerum* *Annales* vocant, (quia mortuo *Wilhelmo* Patre, cum unicus hæres avitorum bonorum possessionem arripere deberet, puer adhuc erat) non *Purum*, *den Reinen* / nisi in Tabulis Genealogicis Latine & Germanicè editis vir quidam insignis nominat. Illi quidem, postquam adoleverat, durum videbatur non tantum feudalibus dignitatibus & bonis, quibus majores ipsius gavisi, sed etiam allodialibus, quæ summo jure sibi deberentur, privari, ideoq; ope *Marchionum* *Brandenburgensium* *Johannis* & *Otonis*, quorum sororem *Mechildin* matrimonio sibi

sibicopularat, urbem Brunsvigam recepit, & ex faucibus Imperatoris Friderici II. eripuit. Dein tamen patrimonio suo Brunsvicensi & Lüneburgensi contentus vixit, nec ab aliis, ipso etiam Pontifice, instigatus, ut contra Cæsarem aliquid moliretur, induci potuit, favoremque Principum Germaniæ, sanguinis vinculo & affinitate magnam partem sibi conjunctorum, meruit. Unde factum est, ut, cum Fridericus II. Imperator pro reformatione totius terræ status, (ut Annalium verbis loquar) Curiam generalem Moguntiae Anno 1235. indixisset, Principes de tranquillanda etiam Saxonia & Ottrone elevando solliciti, Imperatori & Ottoni persuaderent, ut hæc suas patrimoniales & nulli obnoxias terras & castra Cæsari resignaret, ille vero, non minus ac suum in urbem Brunsvigam cessionis factæ titulo prætensum Jus, in Imperium transferret, omnia uniret, & inde Ducatum crearet, Ducatumque illum novum, de Brunsvic & Lüneburg, in feudum Imperii Ottoni concederet, ad filios & filias hæreditariè devolvendum. Et ita hoc anno 1235. mense Augusto novus Ducatus Brunsvicensis & Lüneburgensis in Saxonia cæpit, cujus Natalem diem, ut omnibus Annalibus adscribi, quod illo Romanum Imperium novo Principe auxisset (ut *Godefridus Monachus ad S. Pantaleonem* in suo Chronico notat) jussit Imperator, ita nos sacrum habere debemus, qui Saxoniam pacem attulit, & Illos Principes, novo iterum Ducali titulo, in ea firmavit, qui ad hunc usque diem Patriæ honorem, gloriam, & libertatem, contra apertos & occultos hostes, masculè & prudenter tuiti sunt. Ipsas Erectionis Ducatus Cæsareas tabulas ex Historicis illustratas edidit Avus meus.

Ex eo tempore in Saxonia Inferiore major quies; interdum tamen inter Principes obortæ turbæ, nec inter illos tantum, sed Dynastas quoque, Nobiles & Civitates, eo penè, concidente Cæsaris auctoritate, reb⁹ devenientibus, ut

latrocinari non infame & punibile, sed gloriosum & licitum esset, cum aliis idcirco sui defendendi causa, tum Urbibus quoque propter commercia, fœdera inter sese necessitate urgente facientibus, quæ deinde non ibi steterunt, ubi ceperunt, sed ad aliorum non minus oppressiōem, quam suam defensionem adhibita fuerunt. Id tamen, non Saxoniz proprium, sed Germaniz commune malum, à me hic latius non exponetur, cum deinde etiam cessarit, ex quo majoris potentiz & auctoritatis Principes, compescendis turbis, tam pares quam invigilantes, Imperatoria dignitate aucti fuerunt. Unius tamen mutationis, quæ circa Ducatum Lyneburgicum contigit, mentio facienda est. Cum scilicet A. 1354. Dux Otto, & deinceps 1368 vel 1369. Dux Wilhelmus mortui essent, sine hæredibus masculis, Duces Saxoniz ad se Ducatum Lyneburgicum pertinere judicarunt, & occupavit illum nominæ Matris Elisabethæ, Wilhelmi filiz, Albertus Dux Saxoniz & Angariæ, (cui Carolus IV Imp. favens Ducatum Lynæburgicum in feudum contulit, excluso Magno Torquato legitimo hærede) ducta dein Magni vidua, cui succedens Wenceslaus Frater non minus Torquati liberis fuit infestus. Quamvis autem possessionem Ducatus magnam partem adepti essent Saxoniz Duces, & in titulis suis Duces se Lyneburgeneses etiam scriberent, & illorum insigne suis adderent, tamen Magni Torquati filii Fridericus & Henricus memorabili illo ad Winzenam prælio A. 1388 victores cæso Wenceslao sua recuperarunt, & deinde, cum modo dicti Ducis Saxoniz filias Annam & Margaretam, hanc Bernhardus, illam frater ejus memoratus Fridericus, ambo Magni Torquati filii, uxores duxissent, omnia feliciter composita sunt, & ad veros suos Dominos Ducatus Lynæburgicus rediit. Quod si per quorundam æmulorum & invidorum scelus licuisset, in hoc Friderico, belli & pacis gloria inclyto Principe,

cipe, recuperasset Imperatoriam dignitatem Saxonia, & antiquissima Brunsvicensis domus, cum in Regem Germaniæ Francofurti jam tum electus esset A. 1400. Fridericus, & inde redux in nefarias parricidarum manus incideret in Hassia ad pagum Engelis in Frislaria; uti alias plenius exposui, hic saltem indico. Neque tamen etiam silentio præterire possum, quæ post septendecim annos in Marchia, & non diu post in Misnia acciderunt, Saxonis rebus magnam inductura mutationem. Cum enim antehac Marchia alios habuisset Dominos, & tandem ad Sigismundum Imperatorem pervenisset, ille Fridericum VI. Burgravium Norimbergensem, ex antiqua Comitum de Zollerem familia oriundum, optimè de se & imperio meritum, primo suum in Marchia *Provisorem Supremum*, ut *Paulus Langius* Citicensis ad A. 1412 nominat, id est, locum tenentem, Vicarium, more loquendi tum usitato, constituit, dein ipsam accepta magna pecuniæ summa cum dignitate Electorali consentientibus Principibus ei contulit; investitura solemniter in Concilio Constantiensi A. 1417. d. 18. Aprilis peracta. Penes hujus enim Friderici hæredes masculos mansit in hunc usque diem terrarum illarum possessio & dignitas, indeque ortus incomparabilis Heros *Fridericus Wilhelmus* cum alibi avitis acquisitisque noviter terris, tum in hac Saxonia hodie latè dominatur. Qui etiam hætenus fuerant Misniæ Marchiones & Thuringiæ Landgravii in Friderico I. Bellicoso dicto Anno 1423, post mortem Alberti III. Electoris ex Ascania stirpe ultimi, Electoratum Saxonie à Sigismundo Cæsare, Presburgi in Hungaria acceperunt, cujus posteritas per tot Heroes sago togaque inclytos ad modernum JOH. GEORGIUM Ducem Saxonie & Electorem, ipsi Orienti terribilem, devenit. Quæ alias illo XV. seculo contigerunt, seorsim hoc loco memorati non merentur, nisi quod novos duos Duces, Meclenburgi-

burgicum & Holfaticum Saxonia accepit, ut jam supra memoravi. Fædus tamen etiam Hanſeaticum, quod hoc tempore quàm maximè floruit, ad Hiftoriam Saxoniz pertinet, quoniam à fædere inter duas Urbes Saxonicas Hamburgensem & Lyneburgensem A. 1241. primò ortum, plurimas deinde Saxoniz civitates ſuz ſocietati junxit, & Lubeca, uti reliquarum Saxonicarum Urbium primaria, ita hujus fæderis Hanſici caput fuit. Seculo XVI. memoranda imprimis eſt illa Conſtitutio Circulorum Imperio Germanico utiliſſima, Maximiliano I. autore, qui primo ſeculi anno in Comitibus Auguſtanis ſex tantum Circulos Franconicum, Bavaricum, Suevicum, Superiorem Rhenanum, Weſtphalicum & Saxonicum conſtituit, qui quidem ultimus omnium maximus fuit, plures Status Imperii complexus, qui in ordinatione Regimenti A. 1500. Auguſtæ Vindelicorum facta enumerantur. Deinde tamen in Comitibus Trevirenſibus & Coloniensibus A. 1612. idem Maximilianus decem Circulos conſtituit, & inter eos Saxonicum alium Superiorem, in quo imprimis Electores, Saxoniz & Brandenburgicum, locavit, reliquos in Saxonico Inferiori reliquit Archiepiſcopatus Magdeburgensem, Bremenſem, Episcopatus Hildesheimenſem, Lubecenſem, Sverinenſem, Raceburgensem, Ducatus Brunſvico-Luneburgicum, Meclenburgicum, Saxo-Lauenburgicum, Holfaticum, cum urbibus Lubeca, Goſlaria, Mühlhufà & Northuſa: Id quod vel ideo moneo, quoniam in hac Iſagoge de illa potiſſimum ago Saxonia Inferiori, quæ Circulo ſuo definita eſt: non tamen ita ſtrictè, ut non vel de Episcopatu Verdenſi & Comitatibus Hojano & Diepholdico, quamvis ad Weſtphalicum Circulum pertinent, aut de Cœnobio Walckenredenſi, quamvis Superioris Saxonici ſit, agam, aut ad vicinos, & varia ratione connexos, excurram. Notabile vero eſt etiam bellum, quod anno decimo nono ſeculi

culi decimi sexti inter Johannem Episcopum Hildesiensem ex Domo Saxo-Lauenburgica, & Henricum, Juniores dictum, Ducem Brunsvicensem, exortum est, propter oppignoratas Episcopo arces quasdam & praefecturas, quas oblata pecunia repetebat Dux, reddere nolebat Episcopus. Hinc enim Episcopo cum aliis Principibus & Comitibus confederato, Henricumq; & ejus fratrem Franciscum Episcopum Mindensem invadente, illoque, adunatis cum Hassiae Landgravio copiis, fortiter se defendente, grave bellum in Saxonia exarsit, quod nec tres Electores Gerustae congregati restringere, nec Commissarii in Comitibus Wormatiensibus à Carolo V. nominati sopire, ne induciae quidem obtineri sub poena privationis feudorum & banni Imperialis potuerunt. Unde in contumacis inobedientiae poenam proscriptionis sententia adversus Episcopum & Consortes à Carolo V. Gandavi pronunciata est, executoresque ejus Duces Brunsvicenses constituti sunt, qui totum Episcopatum, excepta Metropoli Hildesia & tribus arcibus, in suam potestatem redegerunt: vix dum quinto post anno Pace Quedlinburgi per Principes reducta. Verum, oborto interea religionis causa in Germania bello, major adhuc tempestas Saxoniae incubuit. Cum enim 1538 Principes Protestantes Brunsvigae demolitionibus adversariorum suorum deliberaturi convenissent, alii Principes Romano-Catholicae religioni addicti contra eos foedus Norimbergae fecerunt, cujus Dux summus Henricus Junior Brunsvigijs, quem dixi, constitutus est. Unde factum est, ut deinde Saxoniae Elector & Hassiae Landgravius, Smalcaldici foederati, Henricum invaderent, & tota ditione pellerent, tertioque post anno in potestatem suam cum filio Carolo Victore redigerent, & per biennium captivum detinerent. Nec minori vehementia Henricum invasit, ditionibusque suis ejecit Volradus Comes Mansfeldius

feldius, Alberti Brandenburgici nomen præ se ferens; quibus tamen receptis, non tantum per Philippum Magnum filium suum hostes suos magnis cladibus ultus est, sed etiam Albertum Marchionem Brandenburgicum in agrum Brunsvicensem irrucntem victoria insigni, cruenta licet, duorum filiorum morte, ad Sivershusam superavit, & altero iterum prælio ad Stederburgum victum tota ejecit Saxonia. Nec minus deinde etiam eos, qui hostes suos fovebant, cum alibi, tum in Saxonia, Ducem Meclenburgium urbesque Lubecam & Hamburgum pecunia multavit. Non parum etiam turbarum in Saxonia illo tempore dedit Magdeburgensis urbis per Georgium Ducem Meclenburgensem inchoata obsidio, deinde Mauritio Saxoni commissa, sed frustra: de ea autem, quæ subsequuta est, religionis mutatione deinde agam. Seculo decimo septimo, quod nunc vivimus, Urbs Brunsviga, Ducibus suis ab aliquo jam tempore refractaria, & idcirco ab Henrico Juniore etiam oppugnata, binis vicibus grave pene incendium in tota Saxonia concitasset, nisi id mature suppressum fuisset. At, postquam ferale illud bellum, cui per triginta integros annos universa dein Germania succubuit, occasione foederis Lauenburgici, per Christianum IV Regem ejusque gravissimam ad Lutteram cladem, Christianum Episcopum Halberstadensem, & obsidionem excidiumque Magdeburgensis urbis, in mediam Saxoniam pertractum est, tam graviter id florentissimas has terras afflixit, ut Saxoniam in Saxonia quærerent, qui antea eam vidissent. Et his turbis adhuc durantibus mortuus est optimus Princeps Fridericus Ulricus, Dux Brunsvicensis, Henricianæ Lineæ ultimus, relicta opima hæreditate sua Bernhardinæ Lineæ Principibus, hodieque florentibus. Respexit tandem DEUS clementi oculo Germaniam, omnibusque ejus provinciis & Saxoniae quoque optatam pacem dedit anno 1648. At per æternam illam

lam Pacis Oñiabrugenſis ſanctionem maxima dominio-
rum in Saxonia facta eſt mutatio. In ſola hac Inferiore, de
qua agimus, Saxonia duo Archiepiſcopatus, Magdeburgenſis
& Bremeniſis, Epifcopatus tres, Halberſtadenſis, Race-
burgenſis, Sverinenſis, Seculares reddit, Sveciæ Regi, Ele-
ctori Brandenburgeniſi & Ducibus Meclenburgicis partim
ſub Ducatum, partim ſub Principatum nominibus ceſ-
ſerunt, ut ex ipſiſ Pacis Weſtalicæ tabulis diſtinctè diſcere
eſt. Et ex eo tempore, ſi Bremeniſem Ducatum & Holſa-
ricum excipias, qui belligerantibus inter ſe Arctois Regi-
bus, ſemper ſimul cladibus involuti fuerunt, reliquæ Saxo-
nicæ Provinciæ, jucunda quiete & tranquillitate gavifſi
ſunt, maturè ſuppreſſis in ipſa, quod dicitur, herba Bremen-
ſibus, Hoxteranis, Reinſteinenſib⁹, Hamburgeniſib⁹q; mo-
tibus, qui bellum concitaturi videbantur. Qua in re cum
alii Principes, tum Sereniſſimi Brunſvicenſium & Lynæb,
Duces ſtudio pacis, prudentia & moderatione ſua, maxi-
mam apud viventes gratiam conſecuti, æternam apud po-
ſteros gloriam reputabunt, qui etiam, ut ſua in familia liti-
bus & diſcordiis occaſionem, hoſtibus vero, ſi aliquando
irrumperent, receptum præcluderent & abſcinderent,
Brunſvigam Urbem forti manu a. 1671. ſubegerunt, ſuiſque
ditionibus æterno pacto conjunxerunt.

Verum, poſtquam ita breviter hanc Saxoniz Hiftori-
am quaſi per tenuia quædam lineamenta adumbravi, illi ul-
terius depingendæ me accingam, faciamque id per certa
quædam capita, ut & loca ipſa conſiderem, & ſacram in Epi-
ſcopatibus Monafteriſque & religione faciem, & civile in
Ducatibus, Comitatibus, Urbibuſque, per certas quoque
leges, regimen, & totam denique Pragmaticam Hiftoriam
exponam, non plene atque integrè, ſed, ut in Iſagoge fieri
par eſt, tribus tantum verbis, defectum dein ſuppleturus,
& appetitum lectoris ſatiaturus, indicio facto eorum Scri-
ptorum,

prorum, per quos & ipse profeci, & unde plena haberi potest notitia; de quibus etiam iudicium meum exponam, quod sequi juvenes, examinare periti possint.

Locorum ipsorum notitiam, seu Topographiam Saxoniae, hoc nostro seculo quidem habemus, *Martini Zeile-ri* opera, per *Merianum* editam, ex antecedentibus tamen seculis nullam distinctam; ut colligi hinc inde ex variis scriptorum locis, iisque diligenter inter se collatis, debeat, quicquid ad hanc notitiam facit, non sine labore multo & iudicio accurato, cum ex nominibus, decursu temporis mutatis, maxima oriatur difficultas, accedente praesertim mutila & imperfecta, Scriptorum narratione. A Fluminibus, quae aut sedem nunquam, aut rarissime, mutant, majoribus praesertim, inchoandum esse in locorum notitia acquirenda, docent periti. At illorum quoque nomina saepe aevi lapsu mutata, aut, pronuntiatione male accepta, & hinc Historicorum errore, corrupta, pejus deinde a describentibus habita esse, in Saxoniae quoque fluviis ostendere licet. Quatuor nobis enumerat *Adamus Bremensis* in Histor. Eccles. l. i. c. 2. cujus verba integra merentur recitari: *Nobilissimi Saxoniae fluvii sunt, Albis, Sala, Wisura, qui & Wirraha nuncupatur. Is in Thuringiae saltu fontem habet, quemadmodum & Sala: deinde mediam cursu pertransiens, in vicino Frisonum sortitur occasum. Verum maximus Albis, qui nunc Albia nomen habet, etiam Romanorum testimonio praedicatur, cujus ortum ferunt trans Bohemiam, mox Slavos dirimit a Saxonibus. Juxta Magdeburg in se recipit Salam fluvium, nec longe ab Hammenburg ipse Albia mergitur in Oceanum. Quartus ex magnis Saxoniae fluminibus est Emisa, qui Westvalos a reliquis illius provinciae dirimit populis. Isq. oritur in saltu Paderbornensi, currit autem per medios Frisonum terminos in Oceanum Britannicum. De quibus, quamvis aliqua jam tum notaverit Philippus Cluverius*

verius Germ. Ant. l. 3. c. 49. tamen nonnihil addam, & minores quoque fluvios Saxoniae Inferioris adjungam. Esse autem, tam *Elff* quam *Sal* voces appellativas, & significare quemcunque fluvium, jam tum à Viris doctis solide ostensum est; imprimis à Cl. *Scheffero* Ubfaliae c. i. Et is ipse, quem modo nominavi, *Adamus Bremensis* c. 229. scribit, etiam apud Sveones esse *Albin fluvium*, perq̃ medios *Gotthorum* populor. currere in Oceanum, inde & *Gotbelba* dici. Ubi Scholiastès *Anonymus* ridiculè scribit, illum ab *Albi Saxonico* nomen fortiri, magnitudine non imparem, cum, ut dicit, vox ipsa fluvium denotet, & pluribus tribuatur. Romanis Scriptoribus, quibus solemne quasi est in fluviorum nominibus E mutare in A, ut in *Ambra* ~~Emmer~~ *Amisus*, ~~Emo~~ apparet, *Albis* vocatur, Græcis *Ἄλβις* & *Ἀλβιος*, mediæ ævi Scriptoribus *Albia*, unde *Transalbiana* regio Saxonum *Albela*. ad An. 785. dicitur, quæ alias *Nordalbingia*. Quamvis autem Romanis satis notus *Albis*, cum *Drusus*, *Germanicus*, *Tiberius*, bello Germanos persequerentur, *Tacitus* tamen, qui sub *Trajano* vixit, in *Germania*, flumen inclutum & notum olim, nunc tantum audiri scribit, ut tanto minus mirum sit, verum *Albis* fontem ab ipso ignoratum, *Vopiscus* in *Probo*, ejus & *Nicri* mentionem facit, vocat autem *Albam*, vel, ut in quibusdam MStis. *Is*. *Casaubonus* invenit, *Album*. p. 238. De decursu ejus & influxu in mare *Helmodus* l. i. Chron. Slav. c. 2. ubi de *Odera*: *Oritur*, inquit, in profundissimo saltu *Marahorum*, qui sunt ab oriente *Bohemiae*, ubi de *Albia* sortitur principium. Nec longis ab invicem distant spatiis, sed diverso currunt meatu. *Albia* enim in occasum ruens, primo impetu *Boemos* altit cum *Sorabis*, medio cursu *Slavos* dirimit à *Saxonibus*, novissime *Hammenburgensem* dividens parochiam à *Bremensi*, victor Oceanum ingreditur *Britannicum*. Alter *Saxoniae* magnus fluvius *Visurgis*, nobis de *Weser*. Romanis Scriptoribus fre-

quenter memoratur, & *Vellejo* l. 2. *Romanorum clade nobilis* vocatur. Nescio autem, quomodo ex voce *Weser* Romanis *Visurgis*, Græcis dein *Μουργης* & *Ουιουργης*, sub *Ἰεργυ* nomine, vitiatâ scripturâ, apud Dionem latens, formatus sit. *Clu-verus* olim nostris dictum existimat *Weserg*, & hinc factum *Visurgis*. At, qui postea ex semi-barbaris Scriptoribus, pronunciationem patriam secuti, nomen fluvii Latine extulerunt, nunquam g addunt, sed tantum *Wiserâ*, *Wistra*, ut est in *Annalibus Francisci Adelmi*, *Wisura*, ut habet *Adamus Bremensis*, vel, ut in aliis ejus codicibus est, *Visuris*, *Visura*, ab illis vocatur, *Wisor*, *Wisorâ* aliis, item *Viscera*, ut notat *Lambec.* ad *Gualdonis vitam S. Anscharii*. Cum autem fluvius *Weser* vel *Wiser* vocaretur, adjiciebatur *a*, *aba*, *acha*, ut esset *Wiserâ*, *Wiserâa*, *Wiseracha*, *Wisercha*, uti passim apud Scriptores videre licet. Uti enim per solum *aba*, *acha*, *aa*, *awe* / notantur minores fluvii, ita majoribus id adjicitur, ceu observatum est Nobilissimo *Velfero* *Rerum Augustan.* l. 1. & *Scheffero* in *Upsalia* c. 1. Dicitur vero *Wesera* etiam contracte *Wirra* *Ludovico Pio Imperatori* in *Diplomatibus* *Corbejensi Monasterio* datis anno *X & XIII* ejus Imperii, & hinc *Henricus Pingvis*, *Comes der Northheim*, *Pater Rixæ*, conjugis *Lotharii Imperatoris*, qui *an. der Werre* / id est, ad *Visurgim*, patrimonium suum habebat, vocatur *Henricus de Wbira* à *Paulo Langio* in *Chron. Cistic.* ad An. 758. In *Monum. Paderbornensibus* multa ab Eminentissimo Auctore annotantur egregia de hoc fluvio, quomodo, *Werrhâ* & *Fulda*, infra *Mundam* confluentibus, hoc nomen primum nanciscatur, semperque dein retineatur usque dum in *Oceanum* infunditur, acceptis in transitu per *Westphaliâ* plurimis fluviolis, *Dimola*, *Bevexa*, *Netba*, *Grova*, *Salpa*, *Saumerâ*, *Ambra*, *Lutera*, *Alpha*, *Webrna* (quem puto esse eum, qui in *Annalibus Adelmi* ad an. 784. *Wabarna*

barna vocatur) & *Begha* : quibus deinde merito suo annu-
meratur *Allera*, de *Ziller* / in Visurgim ad oppidum Ver-
den illabens, contra, quam scribit *Dalechampi* ad *Plin.*
l. 4. c. 14. Visurgim labi in Alleram. Mentio ejus in Caro-
lini ævi Scriptōribus, cum Carolus Saxonum MCCCCL.
maçtari jussisset *super fluvium Alaram*, in loco, qui *Fardā*
vocatur, ut est in *Annalibus Aldhelmi* ad An. 782. In qui-
bus iisdem Annalibus ad Ann. 910. quando Carolus scri-
bitur contendisse ad *Araram* fluvium, omnino legendum
est *Alaram*, cum mox subjungat *confluentem ejus cum Wi-*
siræ flumine conjungi, ibique, id est, Ferdæ castra posuisse.
In Privilegio Caroli dato Ecclesiæ Verdensi, quod passim
extat, in loco *Fardium* vocato *super Aleram fluvium in pago*
Sturmi ecclesiam statuiffe memoratur. Oritur autem non
longè à nobis supra Ummendorff ad nemus Brandesleven,
& per Brunsvicensē Lynæburgensēque agrum decur-
rit, & interea varios amnes, Scunterum, Fusam, Istam &
Ocrum recipit, cujus ultimi mentio etiam fit in Historia
Caroli M, scribiturque diversimodè. In *Annalibus Aldhel-*
mi ad an. 780 *Obacer* vocatur, ab *Aimoino* vero *Ouacer*.
ab aliis *Ouacra*; *Ouekara*. Ortus in Hartzicis montibus,
Istamque prope Horneburg recipiens, Wolfenbuttelum &
Brunsvigam allabitur, & in Alleram multas aquas deducit,
qui inde etiam navigabilis redditur. Quem tertio loco
nominat *Adamus* inter Saxoniae fluvios, *Salam*, *Tacitum*
quoque non latuisse existimant eruditi, quamvis non no-
minet, sed describat *annem gignendis salibus fecundum*.
Oritur ille in Piniferi montis parte, quæ Sylva Munchber-
gensis appellatur, acceptisque aliis amnibus, Elistro quo-
que & Boda, varias urbes aluit, & tandem in Albim pro-
pe Barby effunditur. Nec minus Albim tandem intrat
Orba fluvius, qui in Ducatu Luneburgensi in pago Or-
dörff quatuor ab Ouisfelt milliaribus ortus, in subterra-

neis aliquamdiu occultè progrediens juxta Calvorde rursus erumpit, & Haldenslebiū (ex Henrici Leonis historia notum oppidum) ab una parte allabitur; cujus vel ideo facienda mentio, quod in Carolingici ævi Scriptoribus mentio ejus fiat, & *Fabricius in Originibus* Saxonice hunc minus notum fluvium, cum alio notiore, Odera confuderit. In diplomate Caroli M. Verdensi Ecclesiæ dato *Hora fluvius & Callenworde* nominatur. In *Annalibus Francisci Adelmi* ad an. 781. memoratur Carolus *castra in eo loco, ubi Hora & Albia confluunt*, collocasse, id quod fit partim ad Wolmerstadium castrum, partim ad pagum Loitzke. De quarto fluvio Saxonice, *Adamo* memorato, *Emisa*, Romanis Scriptoribus *Amisia*, ut & de aliis Westphalicæ Saxonice fluminibus, nihil dicam, quum de Ostphalia potissimum agere decreverim, sintq; omnia in *Monumentis Paderbornensibus* egregiè explicatâ. De Trabena, vulgo *de Trave* verbum addam, cum etiam *Ptolomæo* sub nomine *Chalusi* memoratam dudum existimarint Viri docti. *Bilibaldus* quidem *Pircheimerus* in Germaniæ descriptione non satis sibi constat, & uno loco *Chalusum* esse *Dravennam*, altero *Eidorum* scribit: *Danckwertius* in Topogr. Holsat. *Sventinam* esse existimat. *Cluverus* itidem, *Chalusum* esse *Travenam* asserit, quod & ante eum scripserat *Chytræus*, sumpto à vocum similitudine argumento, quia vicinus tractus *Glüserort* & oppidum *Chlās* nominatur. Quamvis autem *Thraciger* in *Chronico MS. Hamburgensi*, & eum secutus *Danckwertius*, hæc refellere conentur, tamen, nondum satis video causæ, cur rejicere Chytrei conjecturam debeamus, magna verisimilitudine, ut in illis locis oppido, ita etiam flumini Chalusi nomen fuisse. Sub Carolo M. *Travena* vocatur, si diploma ejus Verdensi Ecclesiæ datum *in ossidatione* non est, in quo *Travena absorberi à mari* scribitur. *Helmoldus* l. i. c. 58. *Trabenam*

benam vocat. Per *Wagros*, inquit *Scholiaſtes Adami*, currit in mare *Barbarum*, juxta quem fluvium mons unus est. Optime autem ejus originem, augmentaq; ex variis amnibus, tandem influxum in mare Balthicum, describit *Danckwertus* in *Topogr. Holsat.* p. 197. Possem plura de fluminibus his Saxoniae commentari, si *Isagogen* ista decerent, in quo pauca tantum proposui, ne in lectione omnis ævi Scriptorum de Saxonia, in errorem aliquis incidat. Multa alias *P. Albinus* in *der Meißniſch. Land-Chronick.* tit. 24. de Albi fluvio annotavit, plura de Sala *Gregorius Groiſchius* Grimmensis superiori seculo, habemusque hodie accuratas, Albis Visurgisque Tabulas Geographicas. Extant vero etiam, ceu supra dixi, *Martini Zeileri* per *Merianum* editæ *Topographiæ*, ut reliquarum Germaniæ partium, sic Saxoniae. Et quidem, si universam antiquitus vocatam Saxoniam intelligas, non una sed pluribus eam illustrare conatus est, *Topographiâ Westphaliæ*, deinde *Superioris Saxoniae*, & deniq; *Inferioris*, cujus pars *Ducatus Brunsvicensis & Lynaburgensis* peculiari etiam *Topographia* ab eo ornatus est. Præterea *Holsatiam* grandi opere & plurimis tabulis illustratam accepimus industria *Casparis Danckwertii* & *Job. Mejeri*. Quamvis autem *Topographiæ* istæ magno sumptu factæ, & multis tabulis in æs incisis exornatæ sint, descriptiones etiam Urbium & Locorum non sine multo labore à *Zeillero* factæ sint, ideoque insigni usu non careant: tamen, si verum dicendum est, plurima in descriptionibus desiderantur, nec Scriptores quosq; optimos ad manum habuit, nec in iis, quæ inde habuit, ordinandis judicio semper usus est, nec incerta à certis separavit, uti etiam plurima nullius momenti passim inseruit. Quin in omnibus ejus *Topographiis* id merito culpes, quod non secundum *Episcopatus*, *Principatus*, *Comitatus*; *Provincias*, *Præfecturas*, seu *Pagos* (ut veteres dixissent) sed *Al-*
phabeticò

phabetico tantum ordine loca recenscat. Fecit quidem id etiam in *Notitia Gallie Hadrianus Valesius*, sed incomparabili doctrina leviozem illum defectum compensavit. Melius vero se hîc gessit doctissimus *Casparus Danckwerthius*, estque illius *Holsatie descriptio* omnibus aliis Topographiis merito suo multum præferenda: uti etiam *Topographia Ducatus Brunsvicensis & Lynæburgensis à Zeillero* procurata præ multis aliis ejus laudem meretur, quoniam plura de eo cum ipso communicata fuerunt, & illarum regionum Historiam, scriptis eruditorum virorum, & forte inter eos non infimo loco, Avi mei, *Henrici Meibomii*, illustratamprehenderat. Alias merito etiam Topographiis annumeranda sunt *Monumenta Paderbornensia* Reverendissimi & Celsissimi Principis *Ferdinandi*, Episcopi Paderbornensis & Monasteriensis, Principum eruditissimi, cujus immaturam mortem non tantum mei, quem à plurimis annis singulari clementia fovit, sed publici damni causa lugeo, cum in eo, quicquid est ubique eruditorum in Europa, Patronum amiserint, ideoque magnam quoque ipsæ litteræ, jacturam fecerint. Detecta sunt in illo libro, & explicata tanta diligentia omnia veteris Saxonie loca, quorum in historia Romana fit mentio, in quibus illi fuerint, pugnarint, & clades à majoribus nostris acceperint, ut non tam certam ossa & Romanorum Cæsarum imagine signata nominata, quæ à rusticis ibi frequenter effodiuntur, fidem mihi faciant, quàm congesta à Ferdinando scriptorum loca, collata inter se prisca nomina cum vetustis, conjecturæque divini ingenii ante oculos mihi omnia ponant, elegantibus figuris, sed elegantioribus verbis, prorsà vorisque oratione illustrata. Nec minoris momenti sunt, quæ ad sacram locorum illorum historiam à primis Christianismi initis ex Carolino & sequentibus seculis, ipsis Augustorum tabulis productis, passim in hoc libro eruditissime adse-

adferuntur. Quod si non intervenisset maximi Principis
 flebilis mors, jam tum *Historia Paderbornensis*, ejus auspi-
 ciis capta, antiquitatis Patriæ amatorum desideria exple-
 set, de cujus tamen publicatione non desperamus, & tanto
 magis optamus, ut etiam Celsissimi Principis ex sorore ne-
 pos Perillustis Dominus *Christianus Baro de Plettenberg*
 suos de Illustribus Viris & Scriptoribus Westfalibus Com-
 mentarios, quorum nuper nobis spem fecit, publicare non
 desinat, cum nihil nisi exaſciatum & tam erudito & illustri
 calamo profluere possit. Verum & diverticulo hunc in vi-
 am: Magdeburgensis, latissime patens in Saxonia Archi-
 episcopatus, bonitate agri, præstantia fluminum, frequen-
 tia urbium arciumque, peculiarem mereretur Topogra-
 phicam descriptionem. Et habeo penes me *Georgii Tor-*
quati, eximii Theologi & Historici superiori seculo, *An-*
nales Magdeburgenses & Halberstadenses nondum editos,
 quibus non juxta annorum seriem Historia Pragmatica, sed
 descriptio tetra-um, fluminum, urbium, arcium, nobilium-
 que familiarum continetur. Vidi etiam apud Illustrem
 Virum, *Gebhardum ab Alvensleben*, qui pluribus Imperii
 Principibus à consiliis intimis, inter reliquas severiores
 curas, insatiabili omnis Historiæ, pragmaticæ & genealo-
 gicæ imprimis, desiderio tenebatur, & in eo plura volumi-
 na ipse conscripserat, *Topographiam Episcopatus*, nunc Du-
 catus, *Magdeburgensis*, magna indultia ab ipso conge-
 stam: sed & ille ingenti bonorum virorum, qui virtutes
 ejus noverant, & meo, quem amabat, dolore nuper mor-
 tuus est.

Quoniam vero, ut apud reliquos Germanos, ita apud
 Saxones quoque, distinctio in Pagos aliquamdiu obtinuit,
 citra illorum cognitionem, certam & accuratam, saltem
 primorum à Carolo seculorum, haberi notitiam locorum
 non posse, arbitror. Quando nimirum, illo ævo, descri-

bere situm alicujus loci (uti in Donationibus, & Dominio-
 rum translationibus omnino necessarium erat) volebant,
 non solum, in cujus Comitatus Comitatu esset, (cum illo id
 quidem tempore notissimum, annorum tamen decursu,
 comitatibus nondum hæreditariis, valde variaret) sed
 etiam in quo pago, annotabant. Idcirco ad accuratiorem
 locorum notitiam, & Tabularum antiquarum intelligen-
 tiam, quibus Donationes ad memoriam posteritatis descri-
 ptæ, plurimum juvat, illos Pagos novisse. Id quod probe,
 qua erat prudentia, intelligens amplissimus, summæ eru-
 ditionis & judicii vir, *Marquardus Freberus*, cum in Ori-
 ginibus Palatinis explicandis versaretur, & Pagorum no-
 titiam magno antiquarum tabularum usu sibi acquisivis-
 set, Germaniæ sub Pipino, Carolo M. & Ludovico Pio no-
 torum Pagorum, ex antiquissimis & incorruptis ejus ævi
 litterarum monumentis, improbo labore, indicem confe-
 cit, & parti primæ suarum Palatin. Originum c. V. inseruit
 inque ipsis illis libris Pagorum ad Rhenum historiam pas-
 sim illustravit. Cujus magni viri, & amici sui, exemplo
 Avus meus, *Henricus Meibomius*, de Saxoniarum Pagis Com-
 mentariolum scripsit, in quo eos ex antiquarum tabularum
 fide & monumentis antiquis recensuit & illustravit, qui
 ab omnibus Saxoniarum Historiarum amantibus magno applau-
 su receptus fuit. Non tamen ego illos hæc nunc recense-
 bo sigillatim, sed de Pagis Saxoniarum quædam, aliis non dicta,
 generaliter annotabo. Uti enim Germaniam & Galliam
 in Pagos, id est, Toparchias, Præfecturasq; divisam fuisse
 ex Romanis Scriptoribus quoque, nedum recentioribus il-
 larum regionum, notissimum est: ita Saxonia quoque no-
 stra fuit. Estque id non tum demum factum, quando
 Franci dominari Saxoniarum ceperunt; sed & antè, & in ipso
 belli Franco-Saxonici decursu ante eam subactam, ab Hi-
 storis Carolini ævi, Pagi Saxonum nominantur. In Pri-
 vilegio

vilegio Bremensi Ecclesiæ à Carolo dato illud notabile est, quod Imperator scribit, se *Parochiæ illi decem pagos subjecisse, quos etiam abjectis eorum antiquis vocabulis & divisionibus, in duas redegerit provincias, bis appellans nominibus, Wigmodium & Lorgoe.* Inde enim discimus, pagos & divisiones ab antiquo fuisse, id est, ante Carolum, sub eo vero dein partim relictas, partim mutatas. Fuerunt autem, ut alibi, ita in Saxonia quoque Pagi, alii Majores, alii Minores, in majoribus inclusi, qui etiam Pagelli aliquando dicuntur. Majores pagi integras gentes illorumque agros designabant, abque illis nomen habebant, ut *Bardengom* à Bardis populis, *Northuringia* à Thuringis septentrionalibus, *Daleminei* à Daleminecijs, *Angeri*, *Angergom* / ab Angariis, *Holsatorum*, *Stormariorum*, *Tbietmarsgojorum* ab Holsatis, Stormariis, Dithmaris, quos comprehendebant terminis suis. Et hos pagos *Provincia* etiam, vel *Marce* nomine aliquando appellatos observo. Holsatiæ enim Pagus in Henrici Leonis Diplomate *Provincia Holsatorum*, in Adalberonis Archiepiscopi Hamburgensis Tabulis apud *Erpold. Lindenbrogium* *Marca Holsatorum* vocatur: *Daleminci* apud Dithmarum, modo *pagus*, modo *provincia* nominatur: *Hassagun* pagus, in Diplomatebus *provincia* dicitur. Minores pagi partem aliquam majoris, finibus suis circumscriptam, denotabant. In Carolina historia nominantur in genere *pagi Westfalabi*, *Angrarii*, & *Ostfalabi*. Ex illis tamen dein in specie Pagus *Westphala*, pagus *Angeri*, pagus *Ostfala* nominatur. Habebant autem Pagi nomina sua frequenter à fluviis & rivis, quibus quasi circumscribebantur, & ab aliis determinabantur, unde esse, quod *Revier* hodieque pro confinio & collimitio usurpetur, ingeniose conjicit *Freherus*. Vocem Pagi, dum vicum vel yllam denotat, esse à Græca voce *παι*, Dorice

Waya, id est, fons, dudum notatum est *Festo & Servio* in *II. Georg.* ut sint Pagani; *quasi potantes ex uno fonte*, & *Wyn*. Possent vero Pagi altera etiam significatione, qua regionem aliquam denotant, ab aquarum communi usu ita vocari; cum à fluviiis & rivis denominatos pagos; plurimis, ex Saxonia etiam nostra petitis; exemplis, ostendere mihi in proclivi sit. Ita enim Pagus *Emisgorn* ab *Emisa* seu *Amisia*, *Amasi*: *Ambraga* ab *Ambra*, *Emmergow*: *Plisni* ab amne *Pleisfa*: *Paderga* *Padergow* à *Padera*: *Helmingau* ab *Helmo*, *Ilinin* ab *Ilmo*, Thuringiæ fluviiis: *Zeremede* à fluvio *Zere*, qui alias *Balsamus*: *Warnaviorum* à *Warnaw*, & *Sturmariorum* à *Sturia* vel *Stora*, notis fluviiis. Regebantur autem Pagi à Comitibus, & juxta Poetam *Anonymum Saxonem*, sæpius à nobis citatum, in *Annalibus Caroli I. I.*

Sed variis divisa modis plebs omnis habebat,

Quot pagos, tot pene duces, id est, Comites.

Erantque in uno Pago interdum plures Comitatus, aliquando unus Comitatus ad plures Pagos sese extendebat, ut in *vita Meinverci* à *Browero* edita, de Comitatibus *Dediconis* & *Liudolphi* legere est c. 71. id quod ratione Majorum & Minorum intelligendum esse arbitror. Quoniam tamen ut plurimum uni Pago unus Comes præerat, hinc factum est, ut Comitatus pro Pago diceretur, existimatque doctissimus *Adrianus Vallesius* hinc factum esse, ut pro *la Comté* posterioribus seculis diceretur *la Contrée*, & voce illa Pagus, seu regio denotaretur. Hinc etiam *Comes* & *Pagenfes* temporibus Carolinis relativa fuerunt, & *Pagenfes* dicti, qui in pago & districtu Comitatus sunt, etiam in urbe, quæ Comiti subest, ut explicat in eruditissimo Glossario suo *Fresneus*. Quando desierit hæc Pagorum appellatio, non ita exactè definiri potest, cum probabile sit, alibi eam citius, alibi tardius cessasse. Avus meus cum fine seculi

culi undecimi eam defuisse, conjecturatur, tum scilicet, quando Pagi in Ducatus, Principatus, aliosque etiam Comitatus migrarunt, & hæreditario jure possideri inceperunt; id quod repetitur & approbatur à Celsissimo *Monumentorum Paderbornensium Auctore* p. 143. Quod tamen non ita stricte accipi velim, cum sec. XII. *Pagi* vox adhuc occurrat in Tabulis de Saxonice rebus datis à Friderico I. & Henrico Leone, alibique. Verum ut ad Topographias redeam, in illis quoque Urbium Saxoniarum descriptiones habentur. Quin & in voluminibus, quas de Urbibus generaliter magis, *Werdenhagen* & *Knipschild* conscripserunt, non pauca de Saxonice quoque annotata reperias: ut & apud *Limnæum*. Sunt quoque, qui sigillatim, de quibusdam Urbibus Saxonice egerunt, non magno tamen operæ pretio. Sola ad Albim antiquitate, commerciis & Archiepiscopali quondam dignitate nobilis urbs, *Hamburgum*, melius videtur habuisse in ea re fatum. Nacta enim est inter antiquiores Historicos rerum suarum non indiligentem Scriptorem *Adamum Bremensem*. Et pragmaticam quoque ejus historiam *Albertus Crantzius* in Saxonia, & Metropoli, *David Cbytræus* in Saxonia sua, alique, qui Holsatica & Danica exposuerunt, non neglexerunt. Post medium vero superioris seculi *Adamus Thraciger*, primo Theologiæ Professor in Academia Rostochiensis, dein Syndicus Hamburgensis, ac demum Cancellarius Ducis Slesvici & Holsatiæ, *Hamburgensis Urbis Chronicon* lingua vernacula scripsit, quod, licet nunquam editum sit, tamen, ut in mea, ita plurimorum Bibliothecis MStum extat: de quo varie judicatur. Nonnulli illius turbulentum ingenium culant, quod nec dissimulat ejus in cathedra Theologica Rostochiensis successor *David Cbytræus* l. 18. Saxo. p. 489. plura quoque, quæ famam ejus imminuant, adducuntur ab *Adamo Oleario* in Chronico Holsat. pag. 54. 55.

quæ tamen non impediunt, quo minus res **Hamburgenses** fideliter narrare potuerit, & plenè etiam, cum Syndicum Urbis ageret, & ad ejus Chartophylacia aditum haberet, uti certè ab ipso Tabulæ memorantur, quæ valde licet desideratæ, nullibi jam amplius reperiri possunt. Interim, dum varia cum fortunâ inter initia sua luctata est Urbs, toties vastata, incensa & desolata, non potuit quoque non jacturam veterum chartarum suarum facere, iisque destitutus *Thraciger*, cum aliunde idoneis monumentis colligendis & dijudicandis debitam operam non impenderet, & *Crantzium* inconsideratè sequeretur, in multos errores incidit, & temporum rationem imprimis confudit, uti à doctis animadversum est. Minuunt etiam ipsi **Hamburgenses** fidem operis, dum illud nunquam typis excusum, sed scriptum, modo ab hoc, modo ab illo auctum vel mutatum, magno Urbis suæ præjudicio circumferri, queruntur in *Apologia* p. 725. At omnem illum defectum supplere visus est, magni ingenii & judicii & historiæ scribendæ peritus Vir, *Petrus Lambecius*, qui, junior licet, operam, quam hætenus Græcis Latinisque Scriptoribus recensendis feliciter impenderat, Patriæ Urbi in concinnanda ejus historia consecravit. Tanta autem felicitate, materiâ ex omnibus scriptoribus & monumentis curiosissimè conquisitâ, id præstitit, ut prima parte Rerum **Hamburgensium** cum plausu excepta, altera post novennium addita, majorem etiam in erudito orbe meruerit. Dolendum autem, quod in A. 1292. substituerit, & aliis dein laboribus occupatus, tandem A. 1680. 24. Martii peste Viennensi mortuus sit, ut nihil ab ipso amplius expectare liceat. Postquam tamen ille doctissimus Vir glaciem fregit, & antiqua, sepulta, vetusta eruit, non adeo difficile fuerit, Res celeberrimæ Urbis ad nostra usque tempora pertexere, nullibi jam deficientibus subsidiiis. De ultima Urbis ejus à Caroli M. ævo notitia præclare differit

Lam.

Lambecius. Uti autem conditam eam esse Caroli M. auspiciis, sub nomine Castelli *Hochbuchi*, certum est : ita nescio, quo auctore ab Odone, Legato Caroli, conditam eam scribat. Id quod etiam in *Chronico Holsatiae ex Christiani Solini Chronologia* compilato p. 5. & apud alios lego. In Annalibus Francicis, sive *Eginhardi*, sive *Adelmi*, quos sequitur *Lambecius*, ad An. 808. notatur quidem, Carolum per Legatos suos super Albim fluvium duo Castella extruxisse, praesidiumque in iis contra Slavorum incurSIONES disposuisse, qui tamen illi legati fuerint, non additur. Ad an. 810. iidem Annales narrant, Odonem, quando castellum illud à Wilis. captum est, Legatum Imperatoris fuisse, sed nihil praeterea. Quam igitur constat *Lambecio*, Odonem, qui biennio post Legatus Imperatoris fuit, tum etiam fuisse, quando per Legatos Carolus memoratur castellum *Hochbouchi* excitasse? Sufficit igitur Carolum, qui auspicia sua commendavit, auctorem esse, quamvis Legatorum, quorum opera Caesar usus, nomen ignoretur. Vocis *Hamburgi* originem recte quidem *Lambecius* ab *Ham* deducit, fecutus *Arvum meum*, qui in *Not. ad Levoldi. Northov. Orig. Marcanas* p. 44. pridem docuerat, *Ham* esse vetus vocabulum Saxonicum, & significare saltum, sive nemus, unde apud Dithmarfos duo saltus, alter *Süderham*, *Norderham* alter appelletur, ut sit Hamburgum, quasi castellum sylvestre, vel in loco ad sylvam exstructum. In antiquo tamen urbis nomine *Hochbuchi* frustra setorquet doctissimus Vir, & rejectis variis sententiis, meliorem non adfert: re tamen, ut mihi quidem videtur, expedita. Quoniam enim in Annalibus Francis ad An. 810. & 811. modo *Hochbuchi*, modo *Hochboki* nominatur, ab *alta fago*, *Hohenböden* primum nomen loco datum arbitror, ut dein à sylva secundum. Non intellectam verò vocem corruerunt *Albertus Stadenfis* ad an. 810. & 811. ubi *Hochburi*, & *Lambertus Schaf-*

Schafnaburgensis, ubi *Hohenburg*, sive ipsorum Historico-
rum, sive describentium error intervenerit: Cum tamen
non insuetum olim fuerit ab arboribus nomen urbibus da-
re, & ut alia taceam, in *Antiqua Divisione*, sub Carolo
M. facta, quam producit *Marquardus Freberus* Orig.
Palatin. l. i. p. 49. mentio fiat loci, dicti *Hagenboucha*, ma-
nifesta à fagi quadam specie denominatione. Ut vero
Hamburgensium Rerum historiam *Lambecius*, ita *Lubecen-
sium* quoque orbi erudito exponere decreverat, Vir Cl.
Henricus Bangertus, præclaræ *Helmoldi & Arnoldi* Slavi-
cæ Historiæ conditorum editione notissimus, magna eru-
ditione & exquisito iudicio tantæ rei par. Vix unâ ta-
men alterâve pagellâ, in specimen futuri operis, publica-
tâ, infelici casu mortuus est Vir longiore vita dignissi-
mus, quem primum in historia veteri & recenti præce-
ptorem me habuisse lætor. Non dubito tamen, quàm
Vir Cl. *Jacobus à Mellen*, si otium & subsidia idonea na-
ctus fuerit, quæ præclare capît, in patriæ Urbis glori-
am continuaturus, & Bangertianos conatus perfecturus
sit.

Sed jam tempus est, ut ad Sacram, sive Ecclesiasti-
cam Saxoniae historiam, quæ à Carolo M. ut supra patu-
it, initium sumit, progrediamur. *Eginhardus* in vita Ca-
roli Saxones *Dæmonum cultui deditos*, nostræque religioni
contrarios, neque divina neque humana jura vel polluere
vel transgredi inhonestum arbitrari, scribit, potestque hoc
judicari ex *Indiculo superstitionum vel Paganiarum*, à qui-
bus populum Episcoporum sollicitudine revocandum *Sy-
nodus Liffтинensis* A. DCCXLIII. statuit; quod vetustissi-
mum Germanicæ antiquitatis monumentum; novem se-
cula superans, ex MSto Codice Palatino Bibliothecæ Vati-
canæ bona fide exutum, ante viginti octo annos Romæ pu-
blicavit Eminentiſſimus *Paderbornensis Episcopus Ferdi-
nandus*,

nandus, Liffinenſi concilio memorato illis in membranis ſubjunctum. Idem enim, qui alibi in Germania Dæmonum cultus, eædem ſuperſtitiones, in Saxonia quoque fuerunt, quaqua verſum illa patet. De Slavis *Helmoldus*, de Prufiſis meretur legi, qui peculiari & erudita epiſtola ad *Georgium Sabinum* dæmonolatriam eorum expoſuit *Joh. Meletius*, illius terræ incola & αὐτόπτης testis. Utinam vero Epiſcoporum ſollicitudine omnes illæ paganæ ex animis Chriſtianorum evulſæ eſſent, & non inter Saxones noſtros, plebejos ſaltem & ruricolos, *de incantationibus*, *de divinis vel ſortilegis*, *de igne fricato*, *de ligno, id eſt, Nodſyr*, *de obſervatione pagana in foco*, *vel inchoatione alicujus rei*, quorum meminit *Indiculus* citatus, veſtigia non tantum videre, ſed rem ipſam quoque liceret? Quam verum enim ſit, quod de Saxonibus narrat *Eginhardus*, eos Dæmonum cultum ægrè dimiſiſſe, & quamvis coacti dimitterent, tamen ad eum reverſos, velut κῆλον ἐπιſτράψας εἰς ἰδίον ἱεῖραμα, juxta verba Apoſtoli Petri, dijudicare eſt ex iis, quæ de Idoli, Crodonis, Hartzburgi in vicinia noſtra culti, narrantur in *Topographia Brunſvicenſi* p. 105. Credibile autem eſt, ut alios Germanos, ita Saxones quoque, qui in Burgis, Oppidisque erant, citius ad Deum converſos, illos vero, qui in pagis vicisque, in deſertis, & ericetis morabantur, tardius luce divina colluſtratos, & hinc factum, ut qui Pagani Latine primis Chriſtianis dicerentur, non abſimili origine *die Heiden* ab ericetis denominarentur, unde Paſchalis II Papa in diplomate Legationis ad gentes pro Ebone Archiepiſcopo Remenſi religioſiſſimum judicat, cæleſtia pabula ſalubri communicatione ſubminiſtrari *maximè his, qui in cor:pitis & pagis ſub principe tenebrarum calida perſuaſione perſiſtunt*. Deſtruxit vero Carolus M. primarium totius Saxonie Idolum, & numen quaſi tutelare, Irminſul, in Saxonia veteri ſeu Weſtfalia

ad Dimolam , uti pluribus explicat *Avus meus* peculiari *de Irminsula commentario* , & ibi templum seu capellam Christo consecravit. Non negari quidem potest sub Carolo M. religionem Christianam armorum vi propagatam, unde à nonnullis Saxonum Apostolus armatus vocatur, de erectione tamen Episcopatum , fundatione Ecclesiarum & monasteriorum, eum sollicitum fuisse, Leone III. Pontif. Rom. etiam sub finem seculi VIII. in Saxoniam veniente, luculenter ex historia ejus discere licet. An autem decem Episcopatus in Saxonia ab ipso Carolo M. erecti, & iis quidem privilegiis , quorum tabulæ vulgo circumferuntur, donati fuerint, alio loco pluribus disquiram, cum inter dissentientes ab hac & ab illa parte non pauca asseri videam, quæ rigidum examen non ferunt. De Hamburgensi Archiepiscopatu res est certior, illius institutionem non Carolo, sed Ludovico Pio ejus filio deberi , unde etiam factum, ut inter Metropolitanas Ecclesias , quibus pecunias in Testamento , quod apud Eginhardum extat , legavit, nulla illius reperiatur mentio. Instituire quidem Carolus Archiepiscopatum in illa urbe voluit, sed impeditus reliquit id filio Ludovico, Pio dicto, Sub illo igitur Hamburgensis Ecclesia Archiepiscopalis & totius Transalbinæ Provinciæ primaria esse cæpit, sub Ludovico vero, illius filio, Rege Germaniæ, Bremensis Episcopatus illi copulatus est, ut tamen Archiepiscopatus titulus Hamburgo maneret, quem anno demum 1223 Bremensi cessit. Erat vero ille Archiepiscopatus latissimus, suffraganeos Episcopatus per totum Septentrionem habens cum Ecclesiastica Jurisdictione & visitandi jure , id quod tamen sub Henrico IV Cæsare mutavit propter censuram & excommunicationem temerè ac inconsideratè à Liemarо Archiepiscopo adversus Regem Daniæ Ericum tertium decretam. Is enim irritatus, ope Eugenii Pontificis Londini in Scania Asche-
rum

rum constituit Archiepiscopum, eique Daniæ, Sveciæ & Norwegiæ Episcopos subjecit, ceu in Annalibus Episcoporum Slesvicensium memorat *Cypræus* c. 18. frustra deinde pro suffraganeis illis recuperandis apud Cæsarem & Papam laborante Hartwico Episcopo, quod narratur in *Historia Archiepiscoporum Bremensium* edita à *Lindenbrogio* p. 55. Sed redeo ad Ludovicum, qui Pii nomine celebris, pietatem suam in dilatanda Christi Ecclesia in Saxonia, & partibus Septentrionalibus, non patris exemplo per arma, sed blandiori more, erectis Episcopatibus, Ecclesiis & monasteriis, missisque in infidelium terras Legatis, ut appellabant, piis viris, qui Apostolorum more, prædicando Evangelium, gentes converterent, zelo divino agitati, contempto, quod impendere sibi sciebant, periculo. Quo in loco reticere non possum pii & prudentis Imperatoris institutum, quo, ut Saxones Christi doctrinam rectius acciperent, in eorum linguam Sacrum Codicem transferri fecit, ut ex præfatione in librum antiqua lingua Saxonica conscriptum, quæ extat inter *Hincmari* epistolas à *Corderio* editas p. 634. patet. Cum enim Anonymus ille *HEudovicum, Piusimum Augustum* laudasset, quod, præter plurimas Reip. utilitates, in eo, quod ad sacrosanctam religionem, æternamq; animarum salubritatem attinet, studiosus ac devotus esset, ita de Imperatore pergit: Nam cum divinorum librorum solummodo literati atq; eruditi prius notitiam haberent, ejus studio atq; imperii tempore, sed dei omnipotentia atque inchoantia mirabiliter auctum est nuper, ut cunctus populus, suæ ditioni subditus, Theudisca loquens lingua, ejusmodi divinæ lectionis nihilominus notionem acceperit. Præcepit nempe cuidam viro de gente Saxonum, qui apud suos non ignobilis vates habebatur, ut vetus ac novum Testamentum in Germanicam linguam Poeticè transferre studeret, quatenus non solum literatis, verum etiam illiteratis sacra divinorum

præceptorum lectio panderetur. Qui jussis Imperialibus libenter obtemperans, nimirum eo facilius, quo desuper admonitus est prius, ad tam difficile tamq̃ arduum se statim contulit opus &c. Non desierunt vero Historici, qui tum temporis plerique sacri ordinis erant, Religionis nobis progressum, Episcopatuumque & Monasteriorum augmenta narrare, quamvis ex ipso Carolino ævo & proximis seculis neminem habeamus, qui data opera id egerit. Quæ igitur in Annalibus dispersa sunt, sollicitè colligenda, Tabulæ foundationum antiquæ excutiendæ, exque his facies aliqua primi in Saxonia Christianismi, concinnanda est, uti quo ad Saxoniam Westphalicam ejusque Diocësin Paderbornensem egregie in Monumentis Paderbornensibus toties citatis factum videmus. Plurimum vero ad hanc rem conferunt Vitæ Sanctorum, qui vel peculiari vitæ sanctitate inclaruerunt, vel in convertendis gentibus in Legationis munere singulari zelo vitam consumpserunt, vel aliquando mortem glorioso martyrio oppetierunt. Habemus illas sparsim à multis præclaris & industriis viris editas; alii conjunctim eas edere variis tomis instituerunt, ut *Johannes Bollandus, Godefridus Henschenius & Daniel Papebrochius.* Equidem, quam alias mereantur Vitæ Sanctorum laudem, & quantum sibi publicum obstrinxerint immenso illo labore suo modo laudati viri, pari candore & judicio exposuerunt eruditissimi *Actorum Lipsiensium* Auctores: Ego vero hoc in loco assero, plurimum eas, peritorum manibus tractatas, ad Historiam Temporum, Geographiam seu Topographiam, Genealogiam, & interdum quoque Pragmaticam Historiam conferre, quamvis Lectorem, judicio majori præditum, quam alii libri Historici, postulent. Cum enim in his Vitis genus, nativitas, peregrinationes, gloriosi actus, mortes, & martyria cum pluribus circumstantiis recenseantur, non pauci vero ex illis illu-

illustri genere orti, summis Regibus & Imperatoribus familiares, ad magnas imò summas in Ecclesia, dignitates, nec parvam aliquando in Republica potentiam, pervenerint, non potest non istorum vita plenius proposita plurimum lucis omni historiae affundere, non sacrae solum, sed & profanae: id quod primus diligentius observavit *Heribertus Rosweidus*. Neque objici debet, esse inter illas Vitae Sanctorum multas supposititias, quasdam miraculorum incredibili, non cohaerente, & manifestò falsa narratione, ut in illa, ita in cæteris quoque fidem omnem amittere: jam tum enim *Bollandus*, *Henschenius*, *Papæbrochiusq;* viri eruditione, industria, judicio & candore aliis præstantes, supposititia Scripta à veris egregie & libere, neglecta imperitorum & simplicium inde metuenda calumnia, separaverunt: quod si quid deest, supplendum id judicio, ut in omnium aliorum historicorum lectione de ipsorum scriptis facere par est: Nec etiam propter multa incredibilia adjecta & superstitiosa à credulis & simplicibus, & seculi more ejusmodi rebus, pietate majore quam prudentia, addictis, reliqua omnia in dubium vocanda sunt, cum in aliis, quæ obiter & quasi extra ordinem, narrantur, plus sæpe fidei mereantur simplices illi, quam alii majores Historici. Ut igitur aliam omnem, sive alterius gentis, sive Germanorum, historiam plurimum juvare possunt hæ Vitæ Sanctorum, ita Saxoniam quoque, de qua nunc agimus. Ne enim ex vastis illis Tomis ad Majum usque mensē jam deductis, omnes recensēam, multum illustratur veteris Saxoniae seu Westfaliae Historia à Sanctorum vitis, ut B. Meinverci, Paderbornensis Episcopi, uti eam cum scholiis edidit *Christoph. Brøgger* a. 16 hujus seculi; & auctioribus iterum observationibus ante quinquennium doctissimus *Adolphus Overham*, Imperialis & liberae Abbatiae Werthinensis Ordinis S. Benedicti monachus, patriarum antiquitatum,

exemplo maximi sui Patroni, *Ferdinandi* Episcopi Paderbornensis & Monasteriensis, curiosissimus ruspator, qui nuperrimè plurium eruditorum, & meo quoque, insigni dolore in vicino Monasterio S. Ludgeri obiit. Habemus vero apud eundem *Bröuwerum* inter Sideta illustrium virorum vitas Episcoporum Hildesheimensium *S. Bernwardi*, Ottonis III informatoris, qui primus ex gente Saxonum numero Sanctorum adscribi meruit, & *S. Godehardi*, ex quibus multa discere licet. Extat quoque Archiepiscopi Magdeburgensis, *Norberti*, Lothario Imperatori cari, vita. Hamburgensis vero Archiepiscopi *Ansgarii* vitam à Remberto ejus successore, & Gvaldone monacho peculiaribus libris descriptam, memoratis ex causis, historiæ illustrandæ publicavit, & suo T. I. Rerum Hamburgensium adjunxit Cl. *Lambeckius*. Ex aliis Historicis de propagatione Religionis in Saxonia pauciora habere licet, cum ea non exponant, nisi cum suis rebus aliquam cognationem habeant. Seculo XI sub Henrico IV *Adamus* historiam Ecclesiasticam scripsit à Carolo M. ad sua usque tempora. Fuit is Canonicus Ecclesiæ Bremensis & Matricularius, ut ipse scribit, aliisque jam notatum est: ego vero rexisse eum etiam scholam Bremensem, quæ ibi, ut in aliis cathedralibus Ecclesiis, habebatur, probare possum, & hinc nomen *Magistri* accepisse. Non tantum enim ab *Helmoldo* Chron. Slav. l. I. c. 14. vocatur *Magister Adam*, qui gesta *Hammenburgensis Ecclesiæ Pontificum discretissimo stylo scripserit*, sed & ipse in Instrumento quodam Adelberti Archiepiscopi Hamburgensis facto Bremæ 4. Idus Junii 1068. ita se subscribit: *Ego Adam magister scholarum scripsi & subscripsi*. Ipse se in præfatione Operis *pro-Jelytum & advenam* vocat; ex Superiore vero Germania eum fuisse ex nominibus propriis corruptis, cum ad suum vellet aptare idioma, jam tum observavit *Scholiasles ejus*
ano-

anonymus. Magna interim diligentia, dum Bremæ fuit, Ecclesiæ eum tabularia excussisse, Chronica perlustrasse, & apud rerum peritos omnia inquisivisse, non tantum in præfatione ad Liemarum Archiepiscopum testatur, sed res ipsa loquitur. Quamvis autem frequenter intermisceat, quæ in reliqua Saxonia gesta sunt, tamen quam maximè exponit, quomodo maritimæ & boreales Saxonie partes & Transalbinus populi ad Christianam fidem amplexandam deducti sint, in quo Archiepiscoporum Hamburgensium pietas enituit, quam præcipuè narrat. De Willehado paucis agit, in Ansgario vero, & ejus legatione exponenda, latè se diffundit. Non negat quidem, jam tum Ebbonem Archiepiscopum Remensem de salute gentium religionis studio fervidum legationem à Paschali Papa suscepisse; quod & *Flodoardus* l. 2. Chron. Rem. c. 19. p. 144. testatur his verbis: *Hic præsul Ebbo cum consilio Ludovici Imper. & autoritate Paschalis Pontificis prædicandi gratia ad terminos usq. Danorum accessit, ac multos ab eis ad fidem venientes baptizavit*: & nos in Bibliotheca Academiæ nostræ in antiquo codice descriptas habemus ipsas Paschalis Papæ Litteras, ad omnes Christianos Deo fideles, quibus Legationi fidem facit, omnibusque Ebbonem commendat, & ne ullo modo impediunt, sub anathemate vetat, editas à *Madero*. Quod tamen alii voluerint, nec potuerint, id voluisse & perfecisse Ansgarium, docet *Adamus*, & diligenter habita temporum ratione, omnia dein ordine exponit. Neque vero post *Adamum* simile opus alius aggressus est, descripseruntque eum *Helmoldus*, *Albertus Stadenfis*, aliique, cum sacram illam historiam narrant. *Helmoldus* tamen, qui sequente seculo XII vixit, cum Geroldi ultimi Ecclesiæ Aldenburgenfis in Wagria & primi Lubecensium Episcopi Comes in convertendis Slavis Wagriis fidem præstitisset operam, in suo Slavorum Chronico conversionem illarum

rum gentium egregie exponit. Ubi notanda imprimis ea sunt, quæ de Episcopatibus tribus, Aldenburgenſi, Mielinburgenſi & Racesburgenſi, & Henrici Leonis Ducis magna in constituendis & investiendis Episcopis auctoritate, & disputatione hinc inter eum & Episcopos orta, narrat l. i. c. 69. alibi que: quæ confirmare ex ſuperſtitibus tabulis mihi integrum eſſet, ſi hic locus admitteret. Poſt aliquot deinde ſecula omnem Eccleſiaſticam Hiſtoriam Saxoniz, de primis Religionis Chriſtianæ in hac terra initiis, de que ejus Episcopis ab A. 780 uſque ad an. 1504. libris XII ſub nomine *Metropoleos* aggreſſus eſt *Albertus Crantzius*, per veterem non minus Saxoniam, Weſtphali-
am, quam reliquam hodie ita dictam ſe diffundens. Fuit ille primum in Academia Roſtochienſi Theologiæ & Decretorum Doct̃or & Profeſſor, poſtea Hamburgenſis Eccleſiæ Decanus; aliquando etiam in Collegio Canonicorum Naumburgenſium vixit. Poſtquam autem ad Hiſtoriam ſcribendam ſe accinxit, immenſam antiquorum monumentorum & Chronicorum copiam congeſſit, quibus ad tam varia & diſuſa narranda uſus, ſæpe tamen illorum nullam facit mentionem, quamvis iſtis Auctorum verbis, ne vocula mutata, res geſtas exponat. Bonum tamen factum, quod poſt *Crantzii* mortem, non tantum *Adamus Bremenſis*, *Albertus Stadenſis*, *Hel-
moldus*, *Arnoldus*, *Gobelinus*, quibus *Crantzius* uſus, ſed alij quoque Scriptores rerum noſtrarum, cum monumen-
tis & tabulis antiquis, publicati ſunt, ut *Crantzium* non nude ſequi cogamur, ſed examinare ad ipſos illos veteres, an recte ex iis ſua propoſuerit, & ad fontes relicto rivo accedere, queamus. Lapiſum enim frequenter *Crantzium*, nec fideliter ſatis ſuos Auctores ſecutum, & ab aliis oſenſum eſt, & a me pluribus fieri poſſet, quamvis de reliquo non poſſit non ſatis laudari opera doctiſſimi viri, & majorem fi-
dem,

dem , quo propius ad sua accedit tempora , mereatur. Saxoniae Veteris seu Westphaliae Historiam Ecclesiasticam scripsit magno volumine lingua Germanica *Gerhardus Cleinforge* J. V. L. ab anno 700. usque ad an. 1577. natus ipse Bilveldiae in Comitatu Ravensbergico anno 1530. ut in Chronico testatur , denatus anno 1591. Mense Febuario. Editum illud quidem haecenus non est, sed meretur ab omnibus historiae patriae amantibus legi, cum non tantum, quae praeter *Crantzium* alii historici annotarunt, diligenter collegerrit, examinarit, & *Crantzium* saepe erroris redarguerit, sed etiam multa ex ineditis Chronicis, Monasteriorum & Ecclesiarum Archivis nemini dicta feliciter eruerit, & juxta annorum seriem commodè digesserit. Totius vero Saxoniae Historiam, cum post *Albertum Crantzium*, ab eo tempore, ubi ille desierat, magno animo inchoasset, V. CL. *David Chytraeus* in Academia Rostochiensis Professor, Ecclesiasticae quoque ejus historiae pertexendae desiderio flagavit, sed non nisi prooemium Metropoleos & Indicem quendam Episcoporum in Ecclesiis Saxoniae & Vandaliae veteris Cathedralibus viginti ab anno Christi 1509 ad ann. 1597. sibi succedentibus, edidit, mortuus ipse 25. Junii. 1600. Videre autem ex illis est, qualis Ecclesiae tum temporis fuerit facies, quam tamen pluribus ostenderunt *Centuriatores Magdeburgenses* & *Flacius Illyricus* in *Catalogo testium veritatis*. Triumphavit quidem doctrina de Christo per Legatos & Missionarios inter Barbarorum persecutiones, incredibilemque pertinaciam & daemonum cultus obstinatum amorem, & non provinciae tantum, sed integra regna Christo fuerunt acquisita; *ibi solum posito evangelizandi silentio, ubi mundus habet terminum*, ut magnificè loquitur *Adamus Bremensis*: quae tamen jam caeperat corruptio in doctrina, ritibus, disciplina, propagata longius fuit. In Episcopis & Abbatibus major fere vitae sanctimonia & ze-

K

lus,

hus, quam doctrinæ cœlestis veritas, Pietas insignis, ar-
 dens promovendi Christi nomen desiderium, contemptus
 rerum humanarum præ divinis, vitæ etiam ipsius; quæ
 plurimum laudis merentur. Inter rudem tamen, piam li-
 cet, simplicitatem, & credulam sanctimoniam, doctrinæ
 Christianæ lumen plurimarum superstitionum nube ob-
 ruebatur, cumque apud Barbaras hætenus & feroces gen-
 tes, bonorum operum studia urgerentur, quicquid Eccle-
 siis & Monasteriis dabant, id *pro remedio animæ suæ & suo-*
rum, ob spem & pretium vitæ æternæ, ob remissionem omnium
peccatorum, pro peccatorum redemptione se dare existimabant,
 & hæ opinioniones continuabant deinde, ut verbis ipsis Ta-
 bularum antiquarum Saxoniae nostræ ostendere licet. Hinc
 tot monasteria passim extructa, tot liberales iis factæ dona-
 tiones, promoventibus rem Episcopis & Abbatibus, qui
 typhum mundanum in Ecclesiam intrudere nitebantur.
 Decursu autem seculorum major cæpit esse à vera doctri-
 na aberratio, in ritibus superstitio, in clero ignorantia, &
 vitæ improbæ licentia, ut reformationem quam maxime
 desiderarent omnia. Quam etiam benignissimus DEUS
 Saxoniae nostræ superiori seculo indulgit, ea per Marti-
 num Lutherum ejusque discipulos effulgente veritatis di-
 vine luce, qua hodieque posterum gaudemus. Non sine gra-
 vi quidem tumultu, multoque sanguine effuso, obtineri ea
 potuit, licetque non sine intimiore sensu legere omnia, quæ,
 & per quos acta sunt, uti cum alii, tum *Hermannus Hamel-*
mannus peculiaribus libris *Renati in Saxonia Evangelii*
 exposuit. Magnus quidem Princeps & belli gloria imprimis
 conspicuus, Henricus, Junior dictus, Dux Brunsvic-
 & Lyneb. fixa à primis annis pervasione & amaro quo-
 dam zelo inductus, salutarem Saxoniae reformationem ali-
 quantum retardabat, cum sese Lutheri doctrinæ opponeret,
 & Smalcaldicis fœderatis arma, Deo tamen ita volente, infeli-
 cia ostentaret: Factum tamen est tandem, ut remitteret in
 fer-

fervidi ingenii Principe cum senili ætate æstus, & inter frequentes sacri codicis lectiones mitius sentire de iis inciperet, qui ad priorem puritatem revocare Ecclesiam nitebantur, suamque libertatem animis relinqueret. Quin constat, eum duos confessionis Augustanæ articulos de conjugio clericorum libero & communione sub utraque specie in oratione ad Philippum Hassiæ Landgravium libera voce approbasse; dubiumque in eare fuisse satis docet, quod accuratè apud Pontificem Pium IV. per procancellarium suum Ludolphum Halverium inquiri fecerit, qua de causa urgente Imperatore Ferdinando usum calicis permiserit, responso Pontificis ex authentico à Cl. *Georgio Calixto* antehac edito. Factum autem deinde est, ut non tantum filius Julius, puræ religioni, vivente adhuc patre, jam addictus, eam ubique per terras suas propagari faceret, sed nepos quoque Henricus Julius (quem ab Avo Henrico sibi commendatum à Præfulatu Halberstadenſis Ecclesiæ remove conabatur *Pius V.* Pontifex Romanus, ut ex ejus *Epistolarum l. 1. Epist. 14. 15. Gl. 2. Epist. 3.* apparet) Halberstadenſis Episcopus factus, prius conjugii in sacro ordine libertatem, ducta Dorothea Saxonica, suo exemplo approbaret, & Ecclesiam, juxta puritatem primitivæ, reformaret. Mansit illa puritas in Saxonia nostra in hunc usque diem, manebitque, ut speramus, & precamur, in perpetuum, quamvis circa annum vigesimum nonum hujus sæculi gravis commutatio metueretur. Per Pacis Osnabrugensis æterna decreta dati quidem sunt Archiepiscopatus & Episcopatus Principibus hæreditario possidendi, ut antea exposui, sed Protestantibus, ideoque circa religionem mutatum nihil est, Archiepiscopatus tantum & Episcopatus in Ducatus & Principatus conversi, &, cum antea electitii essent, hæreditaria successione certis Principibus dati, uti latius in Instrumenti Pacis tabulis ea exponuntur.

Sed jam ordo poscit, ut ad Civilem quoque statum & Leges Saxoniae manuductionem nostram protendamus. Dixi autem supra jam tum, Saxones Francis adunatos eodem modo gubernatos fuisse per Comites, & Missos primis Carolinis temporibus. Quorum Comitum in Saxonia nostra tum magnus quidem numerus, parva potentia fuit, intra juris dicundi terminos constricta. Successu tamen temporis alia illorum ratio esse coepit. Cum enim, ut supra de pagis dixi, alii minores, majores alii essent, & ita quoque Comites variarent, minores Comitatus cum majoribus in unum Comitatum amplum coierunt. Plures vero etiam Comitatus vel Episcopis vel Ducibus cesserunt. Unum notabile exemplum Comitatus, donatione Caesaris Henrici IV. ad Adalbertum Hamburgensem Archiepiscopum translato, producam, ex quo patebit, Comitis tamen consensum ad istam translationem fuisse requisitum. Cum enim Caesar in principio diplomatis exposuisset, quomodo Adelbertus ipse enumeratione praestitorum officiorum, & per Principes plures, rogasset, ut sibi *Comitatum, quem in Emiscorva & Westphale situm Bernbardus Comes regendum utendumque susceperat, donaret*, haec addit: *& quia ipsius Bernbaradi Comitis ad hanc rem querendus erat assensus, ipsum vir sapiens pretio & precibus adduxit, ut praesens laudator & assensor existeret. Tum nos ipsi Archiepiscopo Comitatum eundem, ipso Bernbarado Comite laudante & assensum praebente, Ecclesiae Hammenburgensi donavimus & tradidimus.* Maxima autem contigit mutatio, quando Comitatus ipsi primum, dein Ducatus quoque facti sunt haereditarii, indulgentibus id Regibus, ut contra externos hostes omnia pericula promptius adirent, non aliena defensori sed sua. Quamvis autem maxima deinde Ducum Saxoniae esset auctoritas, ut Lotharii, ejus generi Henrici, & Henrici Leonis, plurimi tamen tum adhuc fuerunt Comites, sed sub Ducibus, ut ante expo-

lil. Tardius deinde factum est, ut multi planè perirent, qui sub Ducibus manerent, quidam in libertatem ita se affecerent, ut immediate sub imperio essent. Comites illos omnes enumerare, & quomodo mutatio cum singulis contigerit, ad plenam Saxoniarum notitiam pertinet, hujus autem nostri nunc non est instituti; de Ducibus verò jam tum actum est supra.

Leges potius considerandæ nunc sunt, quibus Saxonia floruit olim, floretque. Quamvis enim posterioribus temporibus, ut in alias regiones Germaniarum, ita in Saxoniam quoque Juris civilis Justiniani usus pervenerit, tamen Carolino ævo & diu post longe aliter sese res habuit. Jam tum autem multa præclara de eare scripserunt viri eruditissimi *Frid. Lindenbrogius* præf. in Codicem LL. antiquarum, & *Hermannus Conringius* in eximio libro suo de Orig. Juris Germ. c. 13. addam tamen nonnulla ex mea observatione, cum præsertim illorum opiniones in omnibus approbare nequeam. Saxonum primorum, quando scilicet illorum ad nos pervenit notitia, ferociam & crudelitatem, barbarosque mores, usque ad Carolum M. jam tum supra notavi, patetque satis ex illo instituto, quo decimum quemque captorum piaculari sacrificio mactarunt, ut *Sidonius in Epist.* ad Nammatium scribit. Quid vero aliud expectares ab hominibus piraticæ assuetis? Suo tempore, id est Carolino, *Saxones neq; divina neq; humana jura polluere vel transgredi in honestum arbitratos Eginhardus* scribit, quibus tamen notare ipsos, ut in toto capite illo, tanquam perfidos & fædifragos, quomodo etiam ab *Adelmo* in Annal. ad Ann. 785. vocantur, voluisse arbitror: alias oratoria magis locutione quam vera id dixisset, & planè non conveniente cum iis, quæ ex libris deperditis ejus excerpta nobis conservavit *Adamus Bremensis* Hist. Eccles. l. 1. c. 5. Locus egregius est de Legibus Saxonum, nec observatus viris doctis, mereturque hic integer legi. *Legibus etiam ad*

vindictam malefactorum optimis utebantur. Et multa utilia atq; honesta in morum probitate studuerunt habere, quæ eis ad veram beatitudinem promerendam potuissent proficere, ignorantiam creatoris sui non haberent, & à veritate culturæ illius non essent alieni. Harum legum mentio fit in Capitularibus Caroli M. de partibus Saxoniz. In 1. c. 32. de *Perjuris secundum legem Saxonum*. In 2. c. 7. *secundum eorum Ewa. & c. 10. secundum Euua Saxonum*, id est, *leges*. Poeta Anonymus auctor Annalium de gestis Caroli vocat *Leges Patrias*. Ex quo autem à Carolo M. subacti sunt, illæ patriæ leges, partim retentæ, partim aliæ à Carolo, ad Christianismum spectantes, adjectæ, ut videre est ex *Capitularibus Caroli M. de partibus Saxoniz* à Reverendissimo Principe Ferdinando ex Bibliotheca Vaticana editis, & *legibus illis Frisiorum & Saxonum* ab Heroldo publicatis & Codici Legum Antiquarum à Lindenbrogio insertis; factum autem hoc consensu ipsorum Saxonum, ut jam supra monui. Non eadem tamen leges fuerunt omnium Saxonum, sed, cum in tres populos essent distincti, *Westfalos, Angrarios & Ostfalos*, tres etiam diversas leges habuerunt, unde *triformi* ut genere, ita *lege* divisos fuisse ad sua usque tempora scribit Witichindus l. 1. Hinc in legibus Saxonum ab Heroldo editis distincte scribitur. c. 7. *Ostfalai & Angrarii volunt*: deinde: *apud Westfalaos postquam mulier.* & c. 8. *hoc apud Westphalaos: dein apud Ostfalaos & Angrarios*. Ex quibus quidem locis colligi posset, *Ostfalaos & Angrarios easdem leges, Westfalaos tantum distinctas* habuisse, & ita non triformi sed biformi lege vixisse. Fortassis tamen non semper ita sese hæc habuerunt: parvâ ad nos dilapsa harum rerum notitia. Id tamen certo possumus asserere, proprias fuisse has Saxonum leges & à Francorum legibus distinctas, uti ex *concilio Triburiensi* non iisdem uti legibus *Saxones & Francigenas*, scribitur *Decretalium Epist. Gregorii l. 4. tit. 1. c. 1.* Non omnia

omnia tamen scriptis comprehensa, sed plurima ex consuetudine & usu apud eos facta & iudicata discimus ex historiis Saxonum & ex tabulis vetustis, in quibus frequens ad consuetudines & morem Saxonum fit provocatio: suo tamen, id est, Ortonum ævo, *diligentissime descriptam extitisse legem Saxonicam* scribit *Witichindus* l. 1. Quantus autem deinde seculo 13. legum Saxonicarum & Juris Weichbildici Magdeburgensis cæperit esse usus & auctoritas, adeo præclare docuit Cl. *Conringius* libro illo de Origin. Juris German. ut ad illum lectorem remississe satis fuerit. Recte etiam ibidem notat, in Bohemiam & Poloniam penetrasse Jus Magdeburgense, nec in Polonia sub Casimiro magno primum id receptum, sed jam ante sub Leskone nigro circa An. 1286. Potuisset vero altius etiam repetere illius in Polonia sedem ex *Cromeri* hist. Pol. l. 9. p. 167. qui jam tum sub Boleslao Pudico, qui A. 1279. obiit, urbi Cracovienfi id datum refert, his verbis: *Civitatem vero Cracovicensem Jure Saxonico sive Magdeburgensi, quod etiã Sredense seu Teutonicum vocant, quo pleraque oppida & vici & pagi utuntur in Polonia, stabilivit.* Ubi quidem, quid *Sredense* sit, non intelligo, arbitror autem legendum *Stedense*, ut sit idem, quod jus oppidanum, jus Municipale, jus Weichbildicum, *Stadt-Recht* / quod per excellentiã Saxonico illi aliquando tributum fuisse constat. De juribus, quibus Transalbiani Saxones, seu Nordalbingi usi sunt, itidem non est res satis clara, & meretur exponi. Suevos Transalbianos, per quos *Holfati* & *Storarii* intelligendi videntur, aliis legibus, quam Saxones, usos, scribit *Witichindus* sub Ottone I. historiae suae lib. 1. Non diu tamen post ab Haraldo Daniæ Rege Transalbianos leges ac jura accepisse narrant *Adamus Bremensis* lib. 2. cap. 19. & qui eum sequitur *Helmoldus* lib. 1. cap. 15. Non videntur tamen diu illa jura ab Haraldo data retinuisse. Quamvis enim adhuc, id est, ad sua usque tempora eos servare contendisse

tendisse tam *Helmoldus* l. c. quam *Albertus Stadenfis* ad an. 974. scribant, tamen fidem non merentur, quia ipsissima verba *Adami Bremensis* describunt, & proinde hoc intelligendum videatur de temporibus Henrici IV. quibus *Adamus* vixit. Quin ipse *Helmoldus* lib. 1. cap. 48. scribit tres esse Nordalbingorum populos, Stormaros, Holfatos, Thetmarfos, nec habitu, nec lingua multum discrepantes, tenentes Saxonum jura. Quorum autem Saxonum, Westfalorum an Ostvalorum? quoniam reticet, nescire & nos cogimur. Hæc autem sine dubio Saxonum jura fuerunt, quorum Holfati dein adeo tenaces, Danis cogentibus, ea dimittere, Danicaque recipere noluerunt, ut ex inedito *Helmoldi continuatore*, Bremenfi presbytero, notat *Lambecius* *Rer. Hamburg. t. 1. p. 102.* In Urbibus tamen Nordalbingiæ factam sensim mutationem observare est. Nam & non paucæ jus Lubecense deinde acceperunt, Holfatico seu Saxonico abolito, quod nec de urbe Hamburgensi negare velim, etsi dein an. 1258. à Johanne & Gerhardo Holfatiæ Comitibus jus oppidanum, quod *Wikbildesrecht* appellatur, illis datum sit. Producit Diploma *P. Lambecius t. 2. Rerum Hamburgensium n. 175.* & deinde ostendere nititur, jus illud *Wicbildicum* esse jus *Magdeburgense*, cui consentit *Cl. Herm. Conringius*, l. de Orig. Jur. Germ. c. 29. Ego autem non in specie *Magdeburgicum* illud Municipale jus indigitari hîc puto, sed tantum municipale jus, quo tum temporis usi *Hamburgenses* in reliqua urbe, concessum illis etiam esse intra præscriptos terminos. Id quidem concesserim, seculo decimo quarto, conscripto jam illo *Weichbildico* Jure, quod hodie habemus, ubi *Weichbildici* juris mentio fit, non aliud quam *Magdeburgicum* esse intelligendum, ante tamen illa tempora quodvis municipale jus illo nomine denotatum arbitrator juxta originem seu significationem vocis, cum deinde translatam vocem ad jus municipale negare non audeat

Gryphi-

Gryphander l. de Weichbildis Saxonis c. 82. ratione etymologiae abunde refutatus ab Illustri Dn. Joh. Frid. Rhætio Disput. Juris. Publ. I. In privilegio Friderici II. Imp. A. 1226. Urbi Lubecensi dato hæc verba habentur: *Concedimus etiam eis insulam sitam contra castrum Travvenemunde, quæ Privvolc nominatur, jure civitatis de cetero possidendam, quod Wibeledē dicitur.* Ubi primo aut ipsum Diplomatis Cæsarei auctorem male scripsisse, aut notarium male descripsisse, suspicor (ita enim editæ hæ tabulæ sunt, cum ante octodecim annos inter Magistratum Urbis amplissimum & cives controversiæ essent ortæ) cum omnino legendum sit *Wicbeld*, & ita etiam legatur in antiqua versione Germanica: deinde non intelligendum hic esse Magdeburgicum municipale, sed ipsum municipale Lubecense, quo utebantur. Et ita quoque jam tum *Wicbildico*, id est, municipali jure usos *Hamburgenfes*, anno 1258. à Comitibus Holsatiæ dato, arbitror, qui deinde anno 1292. ipsi Magistratui potestatem condendi juris municipalis concesserunt, ut rectè notat *Lambecius*. Imprimis vero *Wagriæ* Urbs *Lybeca* jure suo florere, illudque aliis rogata importiri coepit, ut *multas vicinas* (imo longè quoque remotas) *urbes ab ea leges, non minus atque ab Athenis Atticis Romam, accepisse, & bodieque observare*, rectè scribat *Cl. Conringius*. Mira sane in his versus Septentrionem locis, & non sine summo benigni Deibeneficio accidit mutatio, ut, quæ quondam aut planè non, aut sola sua Barbarie, memoranda erant, justitiæ & bonarum legum fama in longè remotis oris inclarescerent. *Lybecam* hoc nomine in Italia & Gallia Transalpina superiori seculo celebrem fuisse, ex incomparabilis viri *Julii Cæsaris Scaligeri* Epigrammate discimus, quod breve, sed rotundum, & laudi urbis totum consecratum, non possum non apponere.

*Si referam, mihi quis credat, sub limina mundi
Ultima, legiferi jura vigere Dei.*

Ingenium, candorem animi, cultumq, fidemq,

Fortiaq, invicta pectora pura manu,

Dum mirata stupet terras Astra relinquens,

Atque putat cali regna, resedit ibi.

Referenda autem est, me iudice, Juris Lubecensis Origo ad Henricum Leonem, Ducem Saxoniae, & Urbis Dominum, quamvis à doctissimis Viris non tantum hac de re dubitari, sed & contrarium asseri observem. Dabo id patriæ meæ Urbis Lubecæ honori, & simul cultui, quo Henricum Leonem, Serenissimorum Dominorum meorum progenitorem prosequor, ut & in originem illius juris primam inquiram, Principemque, belli gloria maximum, illius quoque Juris auctorem esse ostendam, quod longè latèque dein ad mare Balticum diffusum fuit: quamvis inter initia tale non fuerit, quale nunc publicè prostat. In diplomate Friderici I. Urbi Lubecensi dato An. 1188. memorantur Jura ejus, dum permittitur civibus, ut quicumq, illorum supra quamcunq, causa conveniatur per omnes imperii fines & per Ducatum coram loci illius iudice se expurget absq, captione secundum jura jam dicta civitatis. In eodem conceditur singulari quadam gratia, ut quicquid intra civitatem sui juris postea emendare voluerint, emendare non obmittant. Quæ verba omnino de municipali jure accipienda sunt. In privilegio Friderici II. Imp. urbi An. 1226. dato, etiam horum fit mentio, & distinguuntur à consuetudinibus non scriptis: concedit enim & confirmat Lubecensibus in perpetuum eorum jura & omnes bonos usus & bonas consuetudines, quibus tempore Imperatoris Friderici avi sui felici memorie usq, tunc usq, fuisse noscuntur. Et hæc jura à Friderico I. Cæsare Urbi ante

antequam eam intraret confirmata, scribit *Arnoldus Lubecensis* l. 2. Chron. Slavic. c. 35. loco satis noto, & à Viris CLL. *Job. Grypbiandro & Hermanno Conringio*, aliisque adducto & examinato: *Verum*, inquit, *priusquam ei* (Imperatori) *civitatem aperuissent, exierunt ad eum rogantes, ut libertatem civitatis, quam à Duce* (Henrico Leone) *prius traditam habuerant, obtinerent, & iustitias, quas in privilegiis scriptas habebant, secundum Jura Solfatæ, & titulos* (in Ranzoviano Codice habetur, terminos, & forte non male, quoniam in Privilegiis Imp. illa vox occurrit) *quos in sylvis, pascuis, fluviis, possederant, ipsius auctoritate & munificentia possiderent. Imperator vero annuit petitioni eorum.* Dubium autem videri possit, an ibi *Iustitia* denotet jus municipale, an tantum jus aliquod utendi sylvis, pascuis & fluviis circa urbem, quo inclinant *Conringius, Lambecius, Bangertus*. In Privilegio Hamburgensibus à Frid. II. An. 1232. dato, confirmatur illis à Comite Holfatiæ concessum jus, *secundum antiquam iustitiam Lubecensium in bonis & jure suo*, ubi itidem *Conringius* ac *Lambecius* hæc verba accipiunt, ac si concedatur libertas tantum eodem jure possidendi sua, quo ex antiquo Lubecenses, cum de ipso jure id intelligi nequeat, quo scilicet unquam usos esse Hamburgenses, contra *Spangenbergium & Thracigerum* negant. *Adamus Thraciger* tamen, qui Urbis Hammenburgensis Syndicus fuit ad An. 1227, *Iustitiam Lybecensium* jus eorum municipale interpretatur; qui quamvis in temporum ratione vehementer erret, non videtur tamen jura Urbis suæ ignorasse. Quin in privilegio Adolphi IV. Hamburgensibus dati, quo à Patre Adolpho III. concessa immunitas confirmatur, in fine hæc leguntur: *Et in pascuis & in lignis ad comburendum libertate gaudebunt quam constat retroactis temporibus possedisse, & in reliquis jure fruantur Susatensium, & Lybecensium.* Quæultima ita exprimuntur in privilegio Alberti, Comitis Orle-

mundæ, & aliquamdiu Holsatiæ, dato Hamburgensibus: & secundum justitiam Lubecensium in omnibus se habeant. Et in privilegio Hamburgensibus An. 1264. à Gerhardo Comite Holsatiæ dato, apud Lambec. t. 2. Rer. Hamburg. p. 165. Insuper omnem justitiam, qua Lubecenses in eorum civitate frui solent, præfatis nostris civibus conferimus & donavimus. Verum, quicquid de Hamburgensibus sit & sensu verborum *Arnoldi*, si consideremus, quomodo ipsi Lubecenses non diu post, quando aliæ urbes ab illis jus municipale petierunt, & in scriptis acceperunt, publice professi fuerint, se non libertatis tantum privilegia, sed ipsum etiam Municipale jus ab Henrico Leone habere, ab illis, hac in re fide dignissimis, & omni exceptione majoribus, antiquam hujus juris originem satis assertam arbitror. Non ego nunc adducam omnia, quæ de jure Lybecensi, aliis Urbibus Holsaticis & Wandalicis communicato, possent adferri, cum præsertim diligenter id egerit *Joh. Sibrandus*. part. I. Juris Publ. Lubec. sect. X. possintque reliqua ex historia dictarum urbium facile adjici. Quædam tantum adducam, ea, quæ hætenus contra alios asserui, probantia. *Anonymus Helmoldi continuator*, presbyter Bremensis, hætenus ineditus (apud *Cypræum* in Annalibus Slesvic. p. 252.) narrat, Adolphum IV. Comitem Holsatiæ, quem antea Hamburgensibus jure Lubecensi fruendi potestatem concessisse memoravi, An. 1238. oppidanis in *Jetzehoe* dedisse privilegium habendi jus Lubecense, simulq; libertatem illi in oppido in pascuis & sylvis: oppidanis quoq; per terram Holsatiæ scilicet in *Plone*, *Oldenborg* & *Kylone* libertatem ac immunitatem concessisse à jure Holsatorum, constituisse ac attribuisse eis jus Lubecense, Ubi jus Lubecense appellatur, quod aliis justitia, distinguiturque ut à libertate in pascuis, sylvis, ita à jure Holsatorum, non secus ac apud *Arnoldum* à libertate in pascuis, & sylvis. Hoc jus tanquam melius, æquius & ad commercia aptius,

apertius, tanquam gratiam aliquam, per privilegium, concesserunt Principes civitatibus suis, fuerantque illius ita tenaces Lubecenses, ut postquam semel ab Henrico Leone acceperant, nec Friderico I. ante sese dedere vellent, quam libertatis & *justitiæ* hujus conservationem impetrassent, ut narrat *Arnoldus*, nec deinde Waldemarum Ducem, Regis Canuti fratris sui nomine eam obsidentem reciperent, quam de *suis legibus ac jure*, quomodo usi fuissent semper, cavisset, ut narrat *Pontanus* in histor. Danica. *Jus* autem suum, seu *justitiam* scriptam aliis petentibus dabant, procerumque illi præmittebant, cujus exemplum, cum meam de primo Autore Henrico Leone sententiam probe, proponam, uti illud ex Authentico descriptum Topographiæ suæ Holsaticæ inseruit *Danckwertus*. p. 85. Anno Dominicæ Incarnationis 1243 regnante Serenissimo Domino nostro Friderico II semper Augusto, Jerusalem & Sicilia Rege conscribi fecerunt consules civitatis Lubecensis Civitati Tunderensi, ob honorem & dilectionem Domini Abel, illustris Ducis Juticæ & ad instantiam ac petitionem fratris Reinardi Ordinis Fratrum minorum Danicæ ministri & etiam pro dilectione Civium de Tundero *Justitiam* Civitati Lubecensi à glorioso fundatore dictæ Civitatis piæ memoriæ Domino Henrico, Duce Sueviæ, Bavariæ, Saxonie, Angariæ & Nordalbingiæ, indultam & privilegiatam, postmodum vero à gloriosissimo Roman. Imperatore Friderico I confirmatam & suo stabilitam privilegio, deinde à Regibus, Principibus & Dominis approbatam & roboratam, nunc autem à Serenissimo Domino nostro Roman. Imp. Friderico II, Jerusalem & Sicilia Rege, qui nunc regnat, privilegiatam, stabilitam & confirmatam. Omnibus hanc *justitiam* servare volentibus gaudium sit & pax in Domino nostro Jesu Christo, qui est benedictus in secula seculorum. Amen. Quid clarius, quid apertius dici potest? An igitur adhuc dubitandum, num Lubecenses

centes tempore Friderici I. jure scripto municipali usi fuerint? Videntur vero tali semper usi esse procemio Lubecenses, cum non absimile sit, quod præfixerunt Juri suo, A. 1254 ad instantiam Magistri & Fratrum Ordinis Teutonici in Livoniam illis & Urbi Memelenburgo missio, ubi etiam ab Henrico Leone, fundatore suo, datas sibi leges, à Friderico I. confirmatas, & novissime à Friderico II. aurea bulla roboratas scribunt. Verba ipsa Germanica descripta *Job. Sibrandus* loco supra citato habet, ubi tamen pro Friderico I. male scribitur Fridericus II. Quis vero jam amplius dubitet de Auctore Lubecensis Juris, cum ipsi Consules & Senatores Lubecenses Henricum Leonem agnoscant, illo tempore, quo sciri hæc adhuc potuerunt, nec memoriam hominum effugerunt, nec, cur fallere voluerint, ulla possit esse suspicio? Patet vero jam etiam, quænam sint illæ *justitiæ, quas in privilegiis scriptas habere Lubecenses* asserit *Arnoldus*, quarumque in Diplommatibus toties mentio fit. Verum, postquam Auctorem hujus Juris ostendimus, id quoque inquirere non fuerit inutile, an Henricus Leo illud Jus conscribi primus fecerit, an aliunde acceptum Lubecensibus dederit, more non insolito, ut leges ab aliis populis, qui per eas aliquamdiu floruisse, fausto omine & paræ felicitatis securitæ præjudicio, peterentur. Consules Lubecenses simpliciter scribunt *Henrici Leonem justitiæ indulgisse & privilegiasse*. Aliunde autem leges acceptas, probabile fit, ex loco citato *Arnoldi Lubecensis*, ubi notat, *justitiæ in privilegiis scriptas habuisse, secundum jura Sosatiæ*. Ita enim habent constanter omnes codices. Ideoque vocem illam sollicitare noluit doctissimus editor *Arnoldi, Reinerus Reineccius*, sed conjecturis potius indulgere, adscripsitque in margine: *Fortè Sosatum oppidum intelligit*. Cujus conjecturam securus *Avus meus in Not. ad Wittebind.* scribit, jura Sosatiæ, sive Susatiæ, à Susato oppido ita dicta, in veteri Saxonia

nia plurimum viguisse, eaque Henricum Leonem, cui Susatum suberat, novæ urbi Lubecæ dedisse. An ex *Arnoldi* loco id tantum colligat (ubi tamen non nisi conjecturæ locus) an aliunde habuerit notitiam, haud scio. Secuti tamen sunt ejus sententiam plurimi, & hæc tanquam certissima tradiderunt, ut *Gryphander*, qui lib. de Weichbildis Saxonici. c. 80. n. 15. scribit, se non potuisse indagare quale fuerit Susatense jus, nisi illud Jus Vehmicum vicinæ civitatis Tremonicæ redolere quis opinetur; à quo tamen toto cælo abfuit, si Lubecensis, æquissimi juris, fons fuit. *Danckwert*. Topogr. Holf. p. 216. scribit, Lubecense jus maximum partem ex Susatensi fuisse desumptum: *Jac. Andreas Crusius* Prolegom. in Statut. Mindensia c. 2. existimat, Mindenses, antequam anno 1256. peculiaria Statuta acciperent, jure Susatensi usos: omnes nullo argumento, itani conjectura, quæ tam facile rejici, quam proponi potest. Fuerunt igitur, qui pro *Sosatie* legerent *Holsatie*, quorum sententiam improbat Avus meus. Illam tamen etiam secutus est Celeberrimus *Conringius*, & auctoritate sua in assensum traxit *Lambecium* in Orig. Hamburg. t. 1. & *Bangertum* in Not. ad Arnoldum, utrumque virum itidem doctissimum. Verum, quas *justitias* dedit Lubecensibus Henricus Leo, & confirmavit Fridericus I. eas *secundum jura Sosatie* fuisse scribit *Arnoldus*; Holsatica vero jura à Lubecensi, diversa fuisse ex loco *Anonymi continuatoris Helmoldi* supra citato clarum est, cum ab Holsatorum jure immunitas concessa, & Lubecense datum, ut oppida melius florerent, memoretur. Extat vero diploma Adolphi IV. quo à Patre Adolpho III. concessam Hamburgensibus immunitatem confirmat, hac Clausulâ notabili: *Et in reliquis jure fruantur Susatensium & Lubecensium*. Quò quidem *Reineccii* & *Avi* mei conjecturæ plurimum confirmantur. Vidit, & adduxit has ipsas Adolphi tabulas *Lambecius* part. 1. Orig.

1. Orig. Hamb. p. 101. verum & ibi pro *Susatensium* legendum putat *Holsatensium*. Quanta libertas ! quanta Critici licentia ! An probabile est, & in *Arnoldi* codicibus , & in illo Diplomate pariter, descriptoris errorem eodem modo intercurrisse , & pro notis vocibus *Holsatia* & *Holsatensium*, utrobique ignotiores illas *Sosatia* & *Susatensium* substitutas ? credat, cui libitum est : non ego. Mihi propter illas tabulas recte se habere lectio in *Arnoldo* videtur , exq; illis hunc explico, cumque nullum sit Susatum, nisi illud in Westfalia, in illa urbe, jam tum Leonis ævo celebri & florente, jus aliquod viguisse credo , quod Lubecensi ortum dederit. At, inquis, quomodo ex Westfalia in Wagriam remotam jus illud pervenit ? Per Henricum Leonem, utriusque Ducem. Occasio vero inde etiam existere potuit, quod in terram Wagirensensem à Comite Holsatiæ vocati venerint Westfali, & incoluerint pagum Dargunensem , ut annotat *Helmoldus* l. i. c. 57. quamvis deinde à Slavis vastati: quod itidem in vicinam terram Polaborum à Comite Raceburgensi Henrico adducta narretur multitudo populorum de Westfalia ab eodem *Helmoldo* l. i. c. 91. Quinimo in Annalibus patriis inter primos Senatores Lubecenses, non tantum An. 1156. Dietricum de Harlau ex Westfalia, Johannem de Kahmen ex Unna, & Giesebrechtum de Warendorf reperio , sed etiam Volkwinum de Susato & Hermannum de Susato An. 1161. Cur igitur in tanta Westfalorum & Susatensium copia in Wagria non potuerit Jus Susatense innotescere, recipi, & à Duce, Urbis Susati domino, peti, impetrari & confirmari ? Habuerunt vero Westfali etiam suas leges, ab Ostfalis & Angrariis distinctas, uti supra ostendi ex illis Saxonum Legibus, quæ in corpore *Lindenbrogiano* extant. Ubi quidem, cum in Leg. VIII. hæc verba inveniam : *De eo quod vir & mulier conquisi-verunt, mediam portionem accipiat, hoc apud Westfalaos. Apud Ostfa-*

Ostfalas & Angarios nihil accipiat, sed contenta sit dote sua, mirari subiit, cur Westfalis potius, quam vicinioribus Ostfalis similia statuta sint in *jure Lubecensi*, part. 2. tit. 2. art. 12. ~~Conjectura igitur fortassis non absurda dixerim,~~ hæc cum aliis ex antiquo jure Westfalico, & in specie Susatensi, in jus Lubecense fluxisse. Sed de his satis.

Recensendi tamen adhuc sunt, ut instituto meo serviam, (quamvis non paucos jam tum memoraverim) & quidem aliquo ordine temporis observato, Scriptores illi, quia Carolo M. ad nostra usque tempora Historiam Pragmaticam Saxoniae, res scilicet pacis & bello memorabiles, exposuerunt. Utinam autem non defuissent Saxoniae nostrae magna Scriptorum ingenia, fortassis haud alia terrarum pars esset celebrior, aut fecundior Heroum mater censeretur! Ita enim ferè sit, ut tanta habeatur à posteris cujusque virtus, quantum verbis eam potuerunt extollere disertissimi viri. Cogimur interim contenti esse iis, qui quomodo-cunque & ruditer simpliciterque scripserunt, sed dolemus non eos omnes ad nos pervenisse temporum injuria, & incuriosi ævi negligentia: tanta proinde majori laude dignis, qui hoc & superiore seculo ex claustris cum tineis blattisque certantes & semi corrosas chartas publicis typis exposuerunt, reliquisque MStis pretium majus & accuratiorem custodiam conciliarunt. Antiquissimum rerum Saxoniarum sub Carolo M. & Ludovico Scriptorem habemus *Einhardum* vel *Eginhardum*, Caroli Capellanum seu Cancellarium primò, dein Monachum & Abbatem Selistadiensem, non Saxonem tamen, sed Francum Orientalem ex nemore Ottonio oriundum. Scripsisse illum Gesta Caroli, non tantum ex *Lupi Abbatis* ad eum epistola, *Adamo Bremensi* & *Sigeberto Gemblacensi* scimus, sed etiam ipsum illud opus, ab *Hermannò Comite Nuenario* primum editum, vitam Caroli continens, habemus, cum in omnibus codicibus MStis non

aliam titulum habeat, quam *Gesta Caroli*. Discimus tamen
 præterea ex *Adamo Bremensi Hist. Eccles. c. 30. Einbardum
 dulci calamo gesta Saxonum prosequutum*; quod quidem opus,
 insigni Saxonice Historice jactura hodie dependitum, suo
 ævo *Adamus* habuit, & ex eo Excerpta quædam initio histo-
 riæ suæ nobis dedit. *Scholias* *Adami* huj⁹ refert, *Einbardum
 ex Capellanis Caroli Imp. vitā ejus descripsisse ac bella Saxonum*.
 Nescio autem, an ille Anonymus, nec satis vetustus, Scho-
 liaſtes accuratè satis de titulo libri loquatur, & an ipse lege-
 rit, & an non idem sit cum eo, quem de Gestis Saxonum
 memorat *Adamus*. Quicquid autem sit, periit ille, quan-
 tum mihi constat. *Annales* enim *Francorum*, ab eodem
Nuenario publicatos, nec pro hoc desiderato libro habere,
 nec ab *Einbardo* scriptos doctis concedere possum, nullo
 in iis *dulcis illius calami*, *Adamo* memorati, extante vesti-
 gio. Contenti igitur esse illo libro, quo vitam *Caroli* de-
 scripsit *Einbardus*, cogimur esse, in quo etiam de Saxonia
 agit, & *Caroli* bello Saxonico, paucis quidem, cum alibi la-
 tius id egisset, sed nervosè. Primum autem hujus scripti
 editorem *Hermannum Comitem Nuenarium*, doctrina non
 minus, quàm genere illustrem & integerrimum virum, cul-
 pat *Marquardus Freherus*, quod non in edendo toto con-
 textu antiquum codicem simpliciter secutus fuerit, sed & vi
 illius qualemcunque phrasin floridiore pasim permutave-
 rit; in quo *Freherus*, quamvis non nomet, secutus pa-
 rum mutatis verbis idem monet *Job. Gerbardus Vossius*. De-
 fendit vero *Nuenarium* & ab hac culpa liberare nititur, & ne-
 tunum quidem apicem à MStis abiisse asserit in commenta-
 rio suo ad *Eginhardum* eruditus & longiore vita dignissi-
 mus Vir *Fridericus Besselius*. Non est autem hic de toto
 Scriptoris modo, integroque stylo qui elegans, & in quo Sve-
 tonii imitationem dudum deprehendit *Isaacus Casaubo-
 nus*, quaestio, sed de vocibus tantum quibusdam, quæ puri-
 tatem

tatem licet affectanti, Romanosque Scriptores imitanti, tamen à seculo adhæserunt, & vitari non potuerunt, quas elegantioribus & Latinis melioribus mutatas ferre non potuit *Freherus*. Has autem *Nuenarii* editoris opera alicubi accessisse, cum in MStis non habeantur, etiam suspicor. Ipse, cum ante viginti quatuor annos Florentiæ Serenissimi Magni Ducis clementia, parariis nobilissimis & eruditissimis Viris, quos plures tum Florentia habebat, & ex quibus adhuc superest Illustis *Magliabechus*, laude mea major, Laurentianæ Bibliothecæ MStis Codicibus uteretur, inveni scanno LXV. membranaceum Codicem antiquum, quo præter alia continebatur *Einbardi* opus sub nomine *Gesta Caroli*, cum quo editum diligentissime contuli, & variantes has lectiones cum modo dicto *Besselio* communicavi. Observavi autem non paucas voces & phrasas in *Nuenariana* editione mutatas, ut vel in uno capite VII. de bello Saxonico, ubi pro *vicissitudinem reddere*, *vices reddere*, pro *non sit ut satis aestimare*, ut *non facile aestimare possis*, pro *donec, usque dum*, pro *parvulis, liberis*, secus ac in MSto habetur, licet videre. Ut ita recte quidem se habeat *Freheriana* observatio, non tamen adeo graviter peccarit *Nuenarius*, qui in iis, quæ ad historiam pertinent, nihil mutavit: quamvis in alieno opere ingeniosus esse nemo debeat, & illi mediævi scriptores suo stylo & juxta formulam ævi non immutata scribendi ratione omnino publicandi sint. Manet igitur sua laus *Eginbarto*, optaremque, ut reliqua ejus de gestis seu bellis Saxonum extarent. *Wolfg. Lazi* de Migr. gent. l. 3. p. 50. *Werymberti* S. Galli Abbatis librum, quem de bellicis gestis Caroli M. ex relatione Adelberti cujusdam militis, qui omnibus Caroli gestis interfuerat, scripsit, inter alia multa repertum, & ex situ à se erutum memorat: publicæ tamen luci expositum eum haud scio, quamvis sine dubio de gravissimo quoque Saxonico Bello Caroli egerit. Extant vero *Annales Francorum* à *Nuenario* itidem editi, ab aliis male *Eginbar*do, ab aliis *Adelmo* vel

Ademaro monacho adscripti, qui, quemcunque etiam auctorem habeant, res Caroli in Saxonia gestas non parum illustrant. In omnibus etiam aliis Caroli & Ludovici Pii rerum Scriptoribus, à Germanis pariter & Gallis passim publicatis, non tamen à me hic memorandis, reperire nonnulla huc pertinentia licet. Unius tamen iterum mentio facienda, quem aliquoties memoravimus, Poetæ, Arnulpho æqualis, quem Paderbornensem fuisse verosimiliter conjicit *Ferdinandus* Episcopus Monum. Paderb. p. 47. Is enim primus omnium Saxonum est, cujus ad nos historia pervenerit, qui quamvis Annales Francorum modo dictos & Eginhardum sequi & solutæ orationi ligatam tantum substituere videatur, tamen non pauca habet aliis planè indicta, vel non eo modo dicta, quæ sine dubio ex aliis libris *Eginhardi* deperditis depromptit, ceu primus editor *Reineccius*, cum in præfatione, tum alibi in notis ostendit, ut non tantum ipse annalium conditor ab Historiæ Patriæ amantibus legi debeat, sed Reineccianæ quoque amplissimæ notæ, quibus plurimum Veteris Saxoniae historia illustratur. Quando deinde Saxones ad Regni Germanici & Imperii apicem in Henrico ejusq; filio & nepotibus Ottonibus pervenerunt, res illorum illustriores diligentiorē quoque considerationem merentur. Nati vero tum sunt egregium scriptorem *Witichindum* Monachum Corbejensem, qui Henrici & Ottonis M. res gestas accuratè & fideliter, ~~ὡς ἔστιν~~ eorum & αὐτοῦ pene, iis Annalibus explicuit, qui hodieque ex reliquis ejus scriptis supersunt, quosque altera vice *Reinerus Reineccius*, tertia avus meus *Henricus Meibomius* edidit, ope MSti codicis adjutus, additis notis Historicis pluribus, quas placuisse viris doctissimis & harum rerum peritis non tantum ex iis, quibus eas mactant, elogis didici, sed etiam inde colligo, quod alii, tacito nomine, non paucas ejus observationes suas esse voluerint. Addidit vero isti editioni suæ *Roswitha* quoque

quoque Monialis Gandersheimensis Poema, & alia Ottonum historiam illustrantia, quæ rerum Saxonicarum cupidis diligenter evolvenda sunt. Post quos memorandus est merito suo, ex illustri Comitum Saxonie Walbeccensium domo, *Dithmarus*, Episcopus Mersburgensis, qui Chroniconum libris VIII. Impp. Saxoniconum, Henrici, Trium Ottonum ac Henrici II. res gestas complexus est, scripsit vero eam An. 1017. Omnium primus ille est, qui ex Germanie optimatibus historiae patrie scribendae manum admoverit, vleo nomine suspiciendus. Quo autem genere ortus, & quantum ex illo proficere liceat, jam tum præclare primus editor ejus *Rein. Reineccius* in præfatione exposuit. Sæpe tamen, quando ipsum evolvo, in mentem mihi venit judicium *Philippi Melanctonis*, qui eum nondum editum, *Spalatio*, a quo An. 1530. legendus datus, his verbis remittit: *Quod inspicendum mihi dedisti Historicum Mersburgensem, gratiam tibi habeo: nam humanitate tua delector. Historicus ipse minus me delectavit. Miror, homines aulicos ne vidisse quidem, quæ res essent mandandæ litteris. Nugas ceremonialium recenset, res graviores prætermittit. Sed hæc seculi istius labes. Recudi Dithmarum nuper fecit diligentissimus Vir, amicus quondam noster, Job. Joachim. Maderus, sed imperfectum secutus exemplar Reineccianum. Extat autem ipsum Dithmari Autographum in Electorali Saxonica Bibliotheca, cum quo collatum exemplar possideo, cujus integritatem colligere licet ex iis lacunis, quas in Notis ad Witichind. & in Chron. Walbeccensi supplevit Avus meus. Operæ vero pretium est, ut ad cognoscendam sub Henrico & Ottonibus Saxonicam historiam recentiores etiam addantur, qui ex vetustis monumentis Imperatorum eorum omnia collegerunt, & collecta digesserunt, examinaruntque, quos inter imprimis laudo, multis aliis nominibus celeberrimum, Job. Henricum Bæclerum, in*

Serie Germanicorum Cæsarum, cui magno judicio scriptum
 commentarium adjecit: & *Johannem Conradum Dieterichium*,
 qui magnam diligentiam Romanorum quorundam
 Imp. historię impensam ad Saxonicos quoque Reges &
 Imperatores feliciter extendit. Utinam vero tandem pro-
 diredent, quæ illustris & magnæ dignitatis Vir, *Johannes Phi-*
lippus à Voorburg, Præpositus monasterii grandis vallis,
 consiliarius Moguntinus & Herbipolensis, cum ad omnis
 historiæ Germanicæ, tum Saxonicæ imprimis, illustratio-
 nem dudum promisit. Uti enim Vir illè in tanta dignitate,
 tot inter Reip. curas & ejus causa obitas legationes, incre-
 dibilem Historiæ Germanicæ apparatus sine exemplo con-
 gessit, tot documenta situ & squallore obsita ex monasterio-
 rum Principumque Archivis eruit; sic exactissimum ipsius
 judicium & imprimis *Φιλανθουα*, quæ in duodecim integris
 Tomis præliminaribus nulla non pagina apparent, omnes
 rei peritos incitant, ut ab hæredibus tantum opus, ad Ger-
 manicæ & Saxonicæ æternum decus, exposcant. De quo
 maximo viro antequam sermonem claudam, non possum
 non publici boni causa quædam notabilia verba ex inedita
 vita ejus, cujus brevem consignationem ipse senex fecit,
 hic apponere: *Quas molestias, sudores, labores in iis (ope-*
ribus scilicet historicis concinandis) sustinuerim, dici vix
potest, & tamen in his etiam, scribendæ historiæ difficul-
tate, cura, sollicitudine, vigilantia, incommodo, sumptu &
opere quotidiano, tam duro, difficili & arduo nunquam fra-
ctus fui. Quin ad hanc usq. horam, eadem qua ab initio, vo-
luptate teneor, nec à molestiis, curis, sumptu, objici mihi
moram patior. Vnum miror, quod, quando interdum, in
uno aut altero loco, ex documentis situ & pulvere obsitis, &
forſan nunquam lucem aspecturis, sed inter teneas & blat-
ras

tas tandem perituris, notitias quasdam peto, id à nostris Principibus, qui tamen alias vanæ gloriæ, sed non diu duraturæ, tantopere student, & imprimis etiam Ecclesiasticis, id planè non æstimetur, veluti Archivia ipsorum perpetua futura, & tot imperiorum, ex quibus nullum amplius Archivium exstat, & pro his sola Historia defectum supplere debet, sortem nequaquam subitanea essent: quod ego sæpe valde ridere debeo. Egrediæ & liberæ & tanto viro dignæ voces! Sed ad Henrici IV. tempora nunc delabor, cujus historia tanto magis Saxones nostros tangit, quanto crudelius & diuturnius fuit Bellum civile ab ipso contra Saxones gestum. Bonum vero factum, quod illorum temporum Historicum habeamus, Hersfeldensem quidem canonicum tantum, sed virum rerum seculi peritissimum & prudentia insignem, Lambertum Schafnaburgensem, quem ultra ævum sapere, antiquis multis parem, recentioribus plurimis superiorem omnes fatentur, nec in eo temere aliquid culpant, præterquam quod studio Romani Pontificis Henrico IV. Imp. videatur iniquior. Extant vero alii etiam, qui de bello illo Saxonico seorsum commentati, ut Bruno, editus à Frebero. Reliqui aliis Henrici IV. rebus gestis immerfas Saxonicas obiter narrant. Non tamen ego nunc omnes illos, qui Henrici temporibus vel ab ejus parte, vel pontificis, historiam scripserunt, ad examen vocabo, cum alterius id sit operæ, unius tantum *Anonymi*, cujus de vita Henrici scriptum, sæpius recusum habemus, propter Reinerum Reineccium nostrum faciam mentionem. Non audebant metu Romanæ Curia, qui de Henrico vera commentari volebant, nomen suum addere, ideoque *divoyu* quidem apparet, Melchior tamen Goldastus valde fecit verosimile, Obertum, seu Obertum Leodiensem Episcopum esse

esse Auctorem : quicquid autem sit, Auctorem illum fuisse non ex plebe aliquem, ne ex minori quidem nobilitate, sed ex optimatibus & Principibus Imperii, potentem in Cæsaris palatio, familiaremque ipsi, satis legentibus manifestum est. Hunc libellum cum Epistolis Imperatoris ad diversos Reges Principes & Episcopos *Helmoldo* Bosoviensi à se locupletato adjecit, & *Francofurti* apud *Wechelum* a. 1581. excudi fecit *Reinerus Reineccius*, bono publico juvando & Historiæ illustrandæ natus vir. Cum igitur in vastis suis Ecclesiasticis Annalibus (suo merito multum alioquin æstimandis) ad *Henrici IV.* tempora pervenisset eminentissimus Cardinalis *Baronius*, sine omni fronte, pudore, & verecundia ita scribit : *Qui nuper edidit vitam Henrici hujus, auctor idemq. promulgator Bennonis in Gregorium Papam calumniis conferti voluminis egregii mendaciorum contextoris opus, quod saepe superius contigit rationibus apertissimis refutari, hic, inquam, confartor imposturarum, commentitias quasdam litteras ad Annonem Colonensem Archiepiscopum, de indictione Concilii Vormatiensis post Henrici ejusdem vitam apposuit. De quo alterum de duobus dicendum est, vel quod ipse eos commentus sit stylo mendaci, vel, si ipse non fecit, sed ut eas invenit antiquitus scriptas, edidit bona fide (si in malo animo potuit esse bona fides) nunc summa oscitantia, obtusi ingenii redarguendus idem est homo, qui adeo manifestam falsitatem, sui planè magnitudine portentosam non cognovit* Margini autem paragraphi sequentia adscripta sunt verba : *Reinerus damnatus auctor jure perstringitur, qui historiam de vita Henrici IV. & de vita Gregorii VII. ex Bennone edidit, causam Francofurti*

cofurti Anno Domini. 1581. Volui ipsa Baronii verba, plura licet, adscribere, quoniam penè sine omni exemplo innocentissimus homo tam atrociter perstringitur, ut jam ostendam. Non nunc tamen de veritate historiæ, in illa vita & Epistolis contenta, agam, re jam sufficienter ab aliis disputatâ, sed tantum à *Reineccio* eas non confictas aut primum publicatas docebo. *Johannes enim Cuspinianus*, Medicus, Maximiliani I. Orator & Urbis Viennensis præfectus, ubi in Historia Cæsarum de Henrico IV. agit, circumferri vitam Imp. eleganter perscriptam ab incerto auctore, ab *Aventino* Reginoburgi in æde D. Hemerani repertam ac publicatam cum Epistolis quibusdam ad Regem Franciæ, Principes, & Episcopos scribit, easque *legendas studiosis commendat, ut res gestas cognoscant.* Editæ sunt ab *Aventino* Augustæ a. 1518. *Cuspinianus* vero obiit A. 1529. duodecim annis ante natum *Reineccium*. Post *Aventinum*, sexennio tamen ante natum *Reineccium*, *Ortwinus Gratius* in Academia Colonienſi Professor, in libro, qui inscribitur *Fasciculus rerum expetendarum & fugiendarum*, hanc etiam vitam Henrici publicavit, lectorem advertens, *in eâ admiranda quædam lectug. digna & rara admodum reperiri.* Biennio autem ante, octo ante *Reineccium* natum annis, *Johannes Hermagius* Typographus Basileensis, operâ *Martini Frechtii*, cum *Witichindo*, Monacho Corbejenſi, vitam Henrici & Epistolas illas ediderat. Et tamen à *Baronio* *Reineccius*, tamquam malæ fidei homo traducitur, & *confartor imposturarum* audit? Vix credibile est, *Baronium*, helluonem librorum, qui suis βιβλιοθήκη ἑμφυχος ἔκ περιπαλοῦ μαστιῶν audit, ignorasse hujus scripti editionem, nec legisse, quæ de eo refert Augustæ Historiæ scriptor *Cuspinianus*. Sanè, aut extrema est hæc malitia, aut cum turpi oscitantia conjuncta insultandi bonis libido. Verum è diverticulo in viam. Magnus auctoritatis Imperii Germanici as-

sertor *Melchior Goldastus* in Apologia pro Henrico IV. contra Gregorium VII. inter alios publicavit *Anonymum* Poetam *de bello Saxonico*, supra memorato Brunoni, qui pontificis partes sequitur, opponendum, cujus omnino utilis lectio est, cum rebus gestis interfuisse, & in comitatu Imp. vixisse, cum existimatione aliqua & auctoritate, ex ipso libello manifestum sit. Non possum vero non etiam laudare CL. *Georgii Schubarti* Henricum IV. Imperatorem in exemplum turbatae reip. propositum, ubi sub finem Saxonicum illud bellum ex idoneis scriptoribus egregie explicat, & prudenter confiderat. Quae sub Lothario deinde & Svecicis Imperatoribus in Saxonia acta sunt, non quidem seorsim à quoquam exposita leguntur, *Helmoldus* tamen, saepius à nobis memoratus, qui illis circiter temporibus vixit, ejusque continuator *Arnoldus*, Lubecensis Abbas, saepius mihi antea memorati, non pauca nos docent, de iis potissimum, quae ultra Albim ad mare usque contigerunt: quibus, ut veritas magis pateat, jungi potest, *Saxo Grammaticus*, Saxonibus tamen fortassis paullo iniquior, qui licet data opera res Danicas describat, saepius tamen vicinas Saxonicas illis admiscet. Quoniam autem illius temporis, seculi intellige duodecimi, Historiae Saxonicae maximam partem faciunt Henrici, Leonis dicti, res pace & bello gestae, infelixque casus, & hinc sectae in veteri amplissima Saxonia Principatum mutationes, non tantum *Helmoldus*, & *Arnoldus* de eo legendi sunt, sed etiam *Gerhardi*, Praepositi Stederburgensis, Ducis ad Caesarem Legati, *de postremis ejus rebus gestis & excessu Historia*, quam primus è tenebris eruit Avus meus, qui & in diffusioribus additis notis & etiam alibi, & imprimis in *Historia Bardewici*, maximi illius & incomparabilis Ducis res gestas plurimum illustravit. Ottonis vero, Henrici Leonis filii, qui ad culmen Imperiale, exemplo Proavi sui
materni

materni Lotharii, per mille quamvis difficultates, pervenit, historiam, quæ in seculi duodecimi finem & decimi tertii initia incidit, non parvis quoque in clementis ab Avo meo aucta est. Cum enim non Itali tantum, & Papæ addicti, sed ex Germanis *Conradus à Lichtenau Abbas Urspergensis*, *Johannes Cuspinianus*, *Sebastianus Munsterus*, *Casparus Peucerus*, *Horatius Tursellinus*, aliique plures, optimum Principem, & juris Imperatorii studiosissimum, falsis criminationibus & convitiis onerare & insectari non fuissent veriti, Avus meus longam pro Ottone Apologiam, jam senex, conscripsit, & ex ipsis fontibus rei veritatem, detectis aliorum mendaciis, exposuit, quæ magno intelligentium applausu excepta fuit. V. CL. *Bæclerus* notis in *Æneæ Sylvii* Frid. III. p. 138. Apologiam Meibomianam non tam de Imperii statu exhibendo, quam de Imperatore Saxone purgando laborare scribit, cum tamen Ottonis non tam privata, quam publica, eaque maximi momenti acta recenseat & defendat Avus meus, quæ Imperii status magna pars sunt. Non tamen plenam voluit ejus historiam dare Avus, nec quæ in Apologia narrantur, ad Saxoniam omnia pertinent, ideoque ad alia pergo. Post Ottonem IV. in Chronico suo, quod in Anno MCCLVI. finivit, *Albertus*, Monachus Benedictinus & Abbas Stadenfis cænobii, res Saxonicas quoque memoravit, dignus, qui legatur, quoniam, quamvis in aliis *Witichindum*, *Adamum Bremensem*, *Helmoldum*, *Urspergensensem*, aliosque, ne mutatis quidem verbis, describat, interdum quoque ad nugas & fabulas delabatur, multa tamen egregia, & propria, & aliis indicta, in Principum Saxoniae Genealogiis habet. Multa illi debet *Crantziius*, multaque ex illo, in Metropoli præsertim suam, transcripsit, quod dudum observavit *Matthias Flacius Illyricus*, in tractatu de translatione Imperii Romani ad Germanos.

nos, quamvis nomen Alberti non addat. Ignotus tamen reliquis omnibus erat, donec eum ex Bibliotheca Ranzoviana publico bono ederet An. 87. superioris seculi *Reinerus Reineccius*, adspersis alicubi eruditis notis: quas quidem *cautissimè legendas ob justam suspicionem Autoris* monet in *supplemento de Scriptoribus Ecclesiasticis* nuperus industrius scriptor *Casimirus Oudinus*, scilicet, quia Gregorii VII. artes alicubi detegit & perstringit; fortassis tamen sine causa, nam ego tanto diligentius eas legendas propterea moneo, quia *Albertus* Henrico IV. Ottoni IV. & Frederico II. Imp. alicubi videtur iniquior: continent vero *Reineccii* notulæ, præfationes, & additamenta, multa etiam alia, ut solent, Saxonica Historiæ illustrationi servientia. Et habemus nos in Bibliotheca Academiae Juliae MStum *Albertini Chronici* exemplar, cum supplemento, & forte eundem codicem, cujus meminisse dixi *Flacium*, cum illius præstans Bibliotheca aliqua sui parte in nostram concesserit. Pertinet vero huc, & multam lucem rebus Saxonis ab Anno MCXXIV. ad MCCXXV. affundit *Anonymi Chronicon Montis-Sereni seu Lauterbergense*, cœnobii B. Petri in Episcopatu Magdeburgensi, quod, quamvis sæpius à CLL. Historicis Saxonis *Job. Albino & Georgio Fabricio*, adduceretur, intra illorum tamen manus delitescerat. Factum autem est, ut ad magnum JCtum & Historicum *Marquardum Freberum* perveniret exemplar, qui Avō meo, Amico suo intimo, id Anno 1600. transmisit, eique, ut cum Saxonis suis scriptoribus ederet commendavit, qui etiam sua manu ex MSto, mox remisso, descripsit & ad editionem paravit. Periit autem illo mortuo, cum aliis MStis, in fatalibus illis belli turbis, sed ita feliciter periit, ut in manus Magnifici & Historiæ Patriæ amantissimi Viri, JOHANNIS SCHWARTZKOPFII, Ducis Brunsv. & Lyneb. Cancellarii meritisimi, incideret, qui suo ære redemptum

demum à militibus, & diligenter aliquamdiu affervatum, tandem Cl. Viro *Job. Joach. Madero* dedit, qui, post tam varia fata, egregium rerum Saxonicarum annotatorem, typis Academiae nostrae ante XI. annos reviviscere fecit, additis non paucis aliis, itidem ad Saxoniae historiam facientibus. Seculo XIV. *Henricus de Hervordia*, ordinis Prædicatorum monachus, *de Temporibus & Rebus Memorabilibus* Librum scripsit in Ætates distinctum, ab orbe condito ad sua usque tempora, id est seculi XIV. medium, qui in posteriorum seculorum & sui ævi historia multa de rebus Saxoniciis egregia & alibi non obvia, veteris imprimis Saxoniae, narrat. *Trithemius* male nominat *Erfordensem*, quem sequitur *Vossius*, cum fuerit ex *Hervordia* in Westfalia, Monachus Dominicanus ædis San-Paulinae in urbe Mündensi. *Hermannus de Leerbeke* in Chron. Schaumburg. vocat eum magnum & doctissimum virum. In *Chronico Mindensium* memoratur, eum post labores, quos in studendo dictandoque defudaverat An. 1370. obisse sepultum ante ostium chori ambitum versus, de voluntate autem ac mandato Caroli IV. exhumatum & ante altare majus denuo sepultum, unde facile conjicere licet, magni nominis & existimationis virum fuisse. Rerum certe Saxonicarum diligentissimus est scriptor, & ab omnibus post eum chronicariis describitur, non tamen haecenus lucem vidit, sed in quarundam Bibliothecis, & mea quoque, affervatur MStus. Seculo XV. *Hermannus Kornerus* Lubecensis, itidem Dominicanus Monachus, Historiam ad An. 1435. scripsit, qui, quamvis in rebus Saxoniciis Slavicisque *Helmoldum* & *Arnoldum*, ne mutatis quidem verbis, describat, parte secunda quoque fateatur, se usum *Henrico de Hervordia*, tamen non pauca in eo singularia, ubi ad sua tempora pervenit, invenias. Non est autem haecenus editum opus, sed alterum Lubecæ, alterum Lyneburgi, duobus integris tomis, nitide scriptum affervatur,

servatur, quo utroque usus sum. Uti vero ex *Körnero*, ea potissimum haurire licet, quæ in inferiore Saxonia & Transalbiana contigerunt, ita seculi hujus initio vir præstans *Gobelinus* Persona in Cosmodromio pluribus nobis exposuit res in veteri Saxonia, id est, in Westfalia gestas, quem cum alii excerpssissent, suisque Chronicis inseruissent, ut in *Chronico Magno Belgico Monachi Nussienfis à Pistorio* edito videre licet, *Crantzius* vero, non nominatum sæpius in Metropoli sua descripsisset, Axyus meus dignum judicavit, quem ex MSto primum ederet, ubi de Autore non pauca præfatus est, egoque in novissima editione alia addidi. Citat *Gobelinum* etiam *M. Theodoricus Engelbusius* Saxo, qui Chronicon ab orbe condito An. C. clccccxx. circiter scripsit, in quo prima quidem vulgaria & nullius momenti, non paucae etiam nugæ; in ultimis tamen reperias non pauca, quæ Saxoniam illustrent. Multis citatum publicavit tandem *Cl. Maderus*. Excerpsit scilicet sua ex scriptoribus, quorum aliqua pars hodie non amplius extat, licet ab ipso citentur. Quorum tamen testimonio frequenter utitur, *Henrici Rosla* Nienburgensis, & *Theodori Longi* Eimbecensis, eorum poemata edidit ante 34. annos parens meus *Joh. Henricus Meibomius*. *Rosla* Poëmatum, non ineleganter scriptum, ut in isto ævo, agit de bello inter Henricum Mirabilem, Ducem Brunsvic. & Lynæb. ac confederatos Saxonie Principes An. clccclxxxvii. ob arcem Herlingsbergam gesto, & non pauca, alias incognita nos docet, ut in notis ostendit Parens meus. *Theodori Longi*, seu *Tiderici Langen* Canonici Eimbecensis & Goslariensis poema, sub titulo *Saxonie* adjecit *Rosla* Parens meus, ex *Engelbusio* autem titulum fuisse, *Poësis Ducum Brunsvicensium*, disco. Dictio sordida est, versus interdum ridiculi; quæ tamen narrat, de sui ævi Urbibus, Comitibus, Nobilibus in Saxonia, annotari merentur.

Edi-

Editum quoque est à *Pistorio* tom. I. p. 705. *Chronicon*, Excerptum ex diversis Chronicis, usque ad A. 1474. in quo primo quidem ea narrantur, quæ nullibi non obvia melius etiam & rectius ab aliis traduntur, sub finem autem multa de rebus Saxoniae Inferioris & Brunsvicensibus. Auctor quis sit, non additur: ex iis tamen, quæ ad A. 1468. & 1473. narrat, monachum eum fuisse in monasterio S. *Ægidii* in urbe Brunsviga colligo. Sed pene prætermiseram hoc in loco memorare Scriptores illos, quos conjunctim anno seculi hujus vigesimo edidit Avus meus ex MStis, *Hermanni de Leerbeke Chronicon Schaumburgensium Comitum*, *Anonymi Chronicon Mindense*, *Justini Lippistorium*, ex quibus non tantum Schaumburgensia, Holfatica, Mindensia, & Lippiensia illustrantur, sed universæ Saxoniae historia, illius ævi, lucem insignem capit. Cum autem hæc & alia Avi mei opera historica, sive aliena, & ab ipso primum publicata, sive propria in magno apud intelligentes essent pretio, & exemplaria distracta nullibi amplius comparerent, cæpi nuper consilium, non de iis tantum omnibus, & quidem auctioribus, uno tomo recudendis, sed etiam pluribus aliis, ex MStis erutis & ad Germaniæ Saxoniaeque Historiam illustrandam mea opera elucubratis, duobus aliis Tomis, adjiciendis, qui jam ultra umbilicum perducti, si Deus faverit, intra menses non ita multos publicam lucem aspicient. Sunt penes me alia multa Chronica Urbium & Monasteriorum Saxoniae nostræ, non ita quidem contexta, ut publico exponi mereantur, ex quibus tamen, non secus, atque olim ille ex stercore Ennii, gemmulam ad Saxoniae illustrationem eruas.

Sed jam pervenimus ad illa tempora, quibus sub finem scilicet XV. & initium seculi XVI. cum alibi in Germania, tum in Saxonia quoque, bonæ litteræ renasci, historiæ quoque justum pretium poni, antiqua Chronica è situ erui, nova conscribi cæperunt,

perunt, & favente Typographiæ usu, publicari. Tardius tamen in Saxonia res processit, primumq; , quod editum sciam, *Chronicom Saxonicum*, rude & jejunum, laudari non meretur. Conscriptum id est vernacula lingua Saxonica, & sub tit: *Chronekender Sassen* Moguntia a. 1492. publicatum est, additis figuris, unde *vulgaris & picturata Saxonum Historia* nomine citatur à *Paullo Langio in Chronico Citicensi* in principio. Auctor incertus Brunsvigæ videtur conscripsisse, vertit autem illud superioris Saxoniae stylo *M. Job. Pomarius*, Pastor Magdeburgensis, & integri penè seculi historiam adjecit, magna idcirco laude à *D. Sigfrido Sacco* in præfatione affectus, quamvis ne mediocrè quidè mereatur, estq; septimo anno post à *Matthæo Dressero*, Professore Lipsiensi iterum revisum & publicatum. Unus magno animo, plurimis undiq; conquisitis subsidiis, Saxoniae omnis, imo & vicinorum regnorum Septentrionalium Historiam sacram & civilem scribere aggressus est, quem supra laudavi, *Albertus Crantzius*, magni & excellentis ingenii, judicii accurati, ac memoriæ tenacissimæ, qui eo etiam nomine laudandus, quod unam Christi fidem in multas familias & factiones distractam, Ecclesiam corruptelis & superstitionibus imbutam, totumque Imperium Germanicum turbulenta seditio-num ac discordiarum tempestate jactatum serio doluerit, & veraci liberoque calamo omnia descripserit. Notum quidem mihi, quàm vapularit aliis, *Suffrido Petro* Frisio imprimis, & quàm graviter tanquam partium studio agitatū publicè traduxerit, fidemque ejus dubiam reddiderit *Petrus Albinus* Progymn. Historiæ Saxonicae, p. 96. 97. Nescio tamen, an ex proposito falsa scripsisse convinci possit. Id scio, non illum in omnibus sequendum esse, sed imprimis, quæ vetustiora sunt, ex aliis scriptoribus examinanda; id quod quidem nunc tanto facilius fieri potest, postquam non eos tantum Scriptores, quibus *Crantzius* usus est,

est, quosque interdum ne verbis quidem mutatis descripsit, sed & plures alios, ipsi non lectos, habemus. Multus in eo laudando est *Janus Doufa* Annal. Hollandiæ l. 1. p. 71. eo maximè nomine, quod primus recentiorum ex *Witichindi*, *Helmoldi* & similium Scriptorum sententia Normannos à Danis, à Sveonibus Gothos, ab Hunnis Vandalos, Ostrogothos rursum à Visigothis, summo judicio ac delectu, ratione temporum observata, subtilissimè distinxerit, cum Galliæ Britanniaque Chronologi omnes eas nationes communi Normannorum appellatione confuse atque promiscuè indigitassent. Ad nostrum vero institutum imprimis facit ejus Saxoniae civilis historia peculiaribus libris, & sacra in Metropoli plenè & accuratè proposita. Obiit Hamburgi 7. Decembris. A. 1517. *morum & virtutum specimen & exemplar, patriæ decus*, ut est in ejus Epitaphio, quod in summi templi cæmeterio ibidem exstat. Iisdem temporib⁹ vixit Legum & Canonum Doctor, & in eadem Academia Rostochiensis Professor, Duci Meclenburgico à consiliis, *Nicolaus Marescalcus* Thurius, scripsitq; Annalium Herulorum ac Vandalorum libros VII. in quorum præfatione se eorum, quæ tradat, partim *oculatum testem* esse, partim ex *Sanctariis Regū excerpisse* monet. Vir est doctus, merenturque Annales illi legi, *Crantzianis* tamen non comparandi: uti etiam ad nostrum institutum minus faciunt. In superiori Germania hoc tempore XII. voluminibus *Franciscus Irenicus*, Germaniæ Exegesim edidit, sed quæ de rebus Saxonice habet, non sunt magni momenti, sequiturque & allegat frequenter *Hermannum Scriptorem Saxonum*, & distinguit ab Hermannō Chronographo, quem *Hermannum Cornerum* esse, cujus supra memini, quamvis ipsa loca conferre mihi non licuerit, suspicor. Laudandi deinde sunt & legendi Viri clarissimi, Electorum Saxoniae Historici, *Georgius Spalatinus*, Canonicus Aldenburgensis, *Georgius Agricola*, Medica & histo-

historica laude celeberrimus, & *Georgius Fabricius Spalatinum* quidem nollem in eo libello Germanico, quem pro gloria Domus Saxonicae contra Henricum Juniores Brunsvicensem scripsit, incomparabilem Imperatorem Lotharium, & meliora meritum, indigne tractasse, contra veri fidem, & doctioris aevi conscientiam: sed forte non magni adeo momenti libellus, compositis inter maximas Domos litigiis, tenebris damnatus esset, nisi aeternis suis monumentis cum inseruisset *Hortlederus*. *Georgii Fabricii*, multae eruditionis viri, laudanda etiam est in Saxoniae historia insignis industria, quanquam ita laudanda, ut erroribus ejus non patrocinemur. Jam tum vero à *P. Albino* in nova Saxonum historia annotatum est, *Fabricium* omnia ferè ex Teutonica *Agricolae* historia vertisse, pauca de suo addidisse. At ipsius *P. Albini* omnia, quae conscripsit, in publico extare vellem: fuit enim vir eruditissimus, & qui non minore judicio quam diligentia, rara admodum mixtura, historiam tractavit. Saeculo autem illo decimo sexto, de quo nunc agimus, Bellum Hildesienae magna totius Saxoniae commotione gestum, descripsit *Justinus Goblerus* Jctus, & in vita Erici Ducis, & in brevicula Commentatione de ipso bello, qui meretur omnino legi, utpote veritatis studiosus, quamvis in omnibus circumstantiis fortassis non satisfaciat: cum quo conjungenda sunt, quae communicata à Wilhelmo Duce Brunsv. & Lynæb. historiae suae Saxonicae partem esse voluit *Dav. Chytraeus*. Quae autem deinde pro recuperatione bonorum Ecclesiae facta sunt, ex publicè editis, à Ducum imprimis parte, Actis discere est. Quae deinde in Saxonia, religionis negotio graviter turbata, inter Principes Smalcaldici fœderis & Henricum Juniores Ducem Brunsvicensem contigerunt, partim à *Sleidano*, partim à *Chytraeo* narrata sunt, petenda tamen imprimis ex libellis tum temporis editis & Actis publicis. Succincta de illius contra Henricum

cum Smalcaldici belli a. 1542. suscepti causis & eventu commemoratio, à Fæderatis edita, extat Tomo II. Operum *Scharpii*, plura vèro apud *Hoxtlederum* in præstantissimo de Belli Germanici causis opere legere licet. Belli deinde Magdeburgensis, seu obsidionis, quam à Cæsareanis passa est. a. 1550. & sequenti, historia ad Saxoniam quoque imprimis pertinet, magna tam dubii eventus expectatione, interveniente quasi ex machina Deo, & consilia mutante. Scripsit eam Germanico idiomate civis illius urbis *Sebastianus Besselmeyerus*, quæ tamen, ut Latine verteretur, digna judicata est. Quæ præterea in Saxonia, etiam latissime accepta, integro sæculo sexto decimo contigerunt maxime memorabilia, illa egregie exposuit, jam ante nobis laudatus, Theologus & Polyhistor clarissimus, *David Chytræus* in Saxonia sua. Nolim quidem eum ab erroribus præstare immunem. Quæ enim potuerit Vir unus, isque à magnatibus non adeo multum adjutus, tot terrarum, in quibus Saxonicus sermo viget, historiam, & quidem integri sæculi, accuratissime, ut non alicubi impingeret, tradere? Nec succenseri possum insigni Historico *Everardo Reidano*, qui præfatione in suos Annales Belgarum, *Chytræum* inter eos Belgicæ Historiæ scriptores refert, qui falsos rumores, incerta famæ & quomodocumque accepta secuti, falsa pro veris tradiderint. *Tbuanus* nec laudat, nec vituperat *Chytræum*, emortualem tamen ejus annum ideo memorat, quia multorum virorum, quantum in ipso fuit, memoriam servavit: at, quod ubique in rebus Saxonis & Arctoïis secutus sit *Chytræum Tbuanus*, legentibus patet, nec diffitetur, in summiis librorum, quæ est ingenuitate, *Tbuanus*. Talis certe est Historia *Chytræi*, quæ carere nemo, qui Saxonie & Septentrionalium regnorum notitiam, quæque in eo integro sæculo acta, acquirere sibi velit, potest. De ipso scribendi modo & dictione nil dico, cum in præfatione ipse pro

rudi designatione, haberi velit, non *historia*, exemplo veterum aut quorundam recentium scripta. Post *Chytraeum*, illi coævus, locum meretur, sæpius etiam merito suo nobis laudatus, *Reinerus Reineccius*, quamvis non tam sæculi sui Saxoniae historiam, quam superiorum seculorum & à primis initiis illustrare conatus fuerit. Tantum illi, vel propter Scriptores è situ erutos & emendatos, debet Germania & Saxonia, in quantum æstimari eruditio liberalis & notitia temporum potest. Ingenium in eo excellens, iudicium exquisitum, labor indefessus: quid non expectes, ubi tria illa conjunguntur in uno? Equidem, cum non pauci eruditi viri in eo sibi placerent, ut recentiores gentes à priscis, à Phrygiis Frisios, à Mysiis Misnenses, Cimbro à Cimmeriis, Cauchos à Chauchonibus, Saxones à Sacis aut Axinis, solum ob nominis aliquam convenientiam (æquè ridicule, ac maximus Philologus ex Victophalis, quos *Eutropius* Breviar. hist. Rom. suo tempore trans Danubium habitasse scribit, Westfalos exsculpit) deducerent, illo quoque errore abripi se passus est *Reineccius*, uti non tantum ex libello ejus *de Origine Mysorum*, sed passim ex ampla ejus *Historia Julia* patet. Quando igitur Illustris Vir, antea memoratus, *Joh. Philippus Voorburgius* T. I. vasti sui operis, minus sedulum & fabulis deditum *historiographum* vocat, eo respexisse crediderim: alias sanè longè meliores titulos meretur, vivensque, & ab ingenua posteritate mortuus, natus est, cum de doctrina, sedulitate, & amore veritatis testentur ejus scripta plurima; quin ipsa Voorburgiana *Historia*, sine Scriptorum, quos *Reineccius* primus edidit, subsidio, manca esset & mutila. *Reineccio* comitem hic adjungerem & laudarem *Henricum Meibomium*, nisi avus mihi esset. Quæ tamen in Saxonica historia præstitit, si industriae aliquam laudem mereri dixerò, fortassis à nemine accusari potero. Invenierunt ejus scripta amatores plurimos, quod
toties

toties distracta, totiesque recusa testantur exemplaria: contemptores, præter ignorantes & veritatis osiores, nescio an invehit? Multi certe ejus opera, fracta ab eo primum in maxime lubricis glacie, adjuti sint, sive id candidè fateantur, sive callidè dissimulent. *Job. Letznerus* diligentissimus vir, multis & magnis Commentariis de Historia Ducatus Brunsvicensis non malè meritis, & plura, si vixisset, elaboraturus, memorari etiam hîc à me omnino debet; magis tamen eum laudare possem, si diligentiae ejus par judicium respondisset, & iis, quæ sollicitè undiquè conquisiverat, recte uti, & falsa à veris, spuria à genuinis discernere scivisset. Interim, qui judicio valet, ejus opera cum fructu legere & in rem suam convertere potest. At majorem laudem meretur, qui illo tempore in hac vicinia, Halberstadii, vixit *Gvilhelmus Budeus*, Græcè & Latine doctissimus Vir, *Neandri* discipulus, qui præter artem Medicam Patriæ Historiæ curas suas impendit, eo cum fructu, ut maximi æstimentur, quæ de *Monasteriis Episcopatus Halberstadensis*, deque *vita Alberti Episcopi* consignavit. Utinam vero præstantissimo viro opuscula, quæ affecta habuit, quorumque primas paginas promulsidis loco publicavit, per otium & vitam pertexere licuisset! Magnam in eo jacturam fecit Historia patria: majorem vero etiam, quod, quæcunq̃e maximo labore ex ineditis monumentis & Archivis, non alibi extantia, congesserat, belli tempore Lipsiam missa, in nescio quas manus devenerint. Vivunt verò hodieque, & cum superioris Saxoniae, Thuringiaeque, tum etiam nostræ Inferioris Saxoniae res curioso calamo illustant, alter in Illustri Electorali Saxonica Academia Witebergensi, alter in Ducali Jenensi, *Conradus Samuel Schurtzsheisch*, & *Caspar Sagittarius*, de quorum præclaris scriptis plura dicerem, nisi me amicitiae, quæ cum utroque intercedit, id dare lector suspicari possit!

omnibus tamen Saxonicae Historiae studiosis non possum non ea commendare. Sed, ut de hujus quoque seculi, quod vivimus, historia aliquid addam, initia quidem ejus Brunsvicensis Urbis intra decennium bis factae obsidiones occuparunt, quae publicis scriptis & serenissimo quoque calamo expositae legi possunt. Fatale deinde toti Germaniae bellum, in Bohemia ortum, brevi tempore in Inferiorem Saxoniam totum quasi translatum est, & Ducatus Brunsvicensem & Lynæburgensem, Archiepiscopatum Magdeburgensem, Ducatusque Meclenburgicos gravissime afflixit. Quamvis autem illi bello describendo clarissimi Viri, *Lotichius*, *Carassa*, *Cbemnitius*, *Brachelius*, *Loccenius*, & nuper elegantissime *Puffendorpius*, manus admovent, tamen, aut de Saxonice rebus pauca narrant, aut, dum ab adventu Regis Gustavi suas historias auspicantur, exponere distincte negligunt, quomodo huc pertractum sit bellum, quave occasione, tandemque ad ipsum usque Balthicum mare devenerit: quae quidem ex Actis publicis, Conventibus Circuli Saxonici, & Foedere Lauenburgico supplenda sunt. Reliqua, quae deinde in belli progressu in Saxonia acta sunt, plenius à modo dictis celeberrimis Viris explicata sunt. Mutationes vero, quae deinde, pace impetrata, circa territoria Principum in Saxonia facta sunt, ex ipsis Pacis publicae tabulis discere licet, quibus ut addatur *Historia Pacis Westfalicae*, ab eruditissimo Viro Scripta, operae pretium est.

Cum autem Civilis Historia non recte intelligi possit, ratione successione imprimis in Principatibus, Comitatusque, nisi Genealogiae illustrium recte exponantur, de iis adhuc aliquid dicendum est, cum in Saxoniae quoque historia praeclarissimi viri illarum ad se curam pertinere judicaverint. Quamvis autem illi, qui in genere omnium Principum & Illustrium Genealogias adomarunt, Saxonicas

nicas non negligent, tamen de iis nunc tantum dicam, qui Saxonicas seorsim exposuerunt. Ubi in Principio illud monendum est, superstitum quidem familiarum & adhuc florentium Genealogias maiorem habere usum, insignem tamen etiam emortuarum, cum, quomodo in Dominiis hæc illi successerit, sciri debeat, nec plena historia citra illam cognitionem haberi possit. Egerunt id diligenter *Brotrufius*, *Hoppenrodius*, *Albinus*, *Spangenbergius* in libris de nobilitate, & Laur. *Peccenstein* in *Theatro Saxonico*. Extat *Hermanni Hamelmanni* liber de vetustis titulis & nominibus Principum, Comitum, Heroum atque illustrium familiarum, quæ olim in Inferiore Saxonia, Angraria, & Westfalia extiterunt, quarum Dominia aut in totum aut ex parte translata sunt, ad Episcopos, & Principes, qui plurimum à me augeri posset, si otio abundarem. Antiquæ autem illius Saxoniae, seu Westfaliæ, nobiles familias, tam emortuas, quam superstites, ex Chronicis & Tabulis magna diligentia collegit, ipse antiquo & nobili genere ortus *Johannes à Bersvorde in Husten*, qui liber, MSus hactenus, dignus est, qui à pluribus legatur. *Reinoccius* vero & *Chytræus*, & *Avus meus* nunquam etiam inscriptis suis intermittunt genealogias illustrium familiarum, sive adhuc florentium, sive emortuarum contexere, & ad maiorem historiæ claritatem inferere. Facit vero plurimum quoque ad integrum historiæ contextum, & translatorum ab uno ad alium dominiorum, certitudinem, *Insignium* notitia, ideoque etiam Heraldici Scriptores evolvendi sunt. Et vero, qui nuperrime *Historiam Insignium Illustrium* edidit Vir muneris dignitate, pietate & doctrina maxime conspicuus, *Philippus Jacobus Spenerus*, in enumerandis quoque Saxoniae Principum Insignibus, & ex historia illustrandis, laudabilem operam præstitit. Usus autem est, ubi de Insignibus Serenissimæ Domus Brunsvicensis agit, opera

Job.

Joh. Henrici Hofmanni, qui magnum opus jussu Serenissimi Domini sui sub titulo ~~Ebrentleimodt~~ conscripsit, in quo maximam suam Historiæ Saxonicæ & Brunsvicensis imprimis peritiā ostendit, quam etiam aliis operibus suis *Rerum Hildesienfium libris XV. Rerum Hojenfium libris III. Monasteriologia*, aliisque, omnibus, qui ea viderunt & legerunt, approbavit, quamvis ultiman manum iis imponere non potuerit, Vir longiore vita dignissimus, Archivorum, quibus præerat, peritissimus, & penè sine exemplo, scrutator. In ejus mihi amicissimi Viri memoria hanc in Historiam Saxonicam Introductionem, seu *non auctiav* finio.

Corrigenda.

p. 19. l. 23. pro *de Probo* scribe *acclamatum Probo*.

p. 59. l. 13. pro *Daleminet à Daleminectis* scribe *Daleminci à Daleminetis*.



DEC 30 1921

